

LIBER  
DE PRVDENTIA  
IVSTORVM

E VERBIS SACRAE SCRIPTURAE  
Magna ex Parte contextus.

Per R. P. Fr. Ioannem à Iesu Maria Carme-  
litan. Discalceatum Hispanicum  
Calaguritanum.

Ignitum eloquium tuum vehementer. Ego  
Seruus tuus dilexit illud.



NOE ANTONI D. A. 9  
Ex Typographia Tarquinij Longi. 1607.  
Superiorum Permissu.

*F. Ferdinandus à S. Maria Præpositus  
Generalis Congregationis S. Eliæ  
Carmelitarum Discalceatorum. Opus  
hoc à R. P. F. Ioanne à Iesu Maria,  
prædictæ Congregationis Sacerdote pro-  
fesso compositum, & à peritis Theolo-  
gis perlectum, & commendatum pro-  
bo, ut de consensu Superiorum, Typis  
mandetur. Datum Neapoli, Cal.  
Iunij. 1607.*

*Locus † Sigilli.*

*F. Ferdin. à S. Maria  
Præpositus Gener.*

Cum totum hoc opus ex Diuini eloquij verbis  
atque sententijs appositè sit concinnatū vt er-  
rantia hominum corda conuertat, & ad Iusto-  
rum Prudentiā dirigat, nè filij huius sæculi pru-  
dentiores filijs lucis sint, non parum expedire  
censeo vt quantocius excudatur.

*D. Gabriel Lotterius Cler. Reg. Dep. Vidit.*

---

*P. A. Ghibertus Locumtenens.*



PACIFICO  
REGI CORDIVM  
IESV CHRISTO.

*Indignissimus eius seruus S.*



SCRIPTORES

alij dedicāt ope-  
ra sua Principi-  
bus terrenis: Ego  
verò dedico, ac  
dico opera mea  
Regi Pacifico,

per quem Reges regnant, & qui  
magnificatus est, super omnes Re-  
ges vniuersæ terræ. Offero quip-

pe tibi Rex, qui corda suauissimè  
 regis, votum cordis mei, tanquam  
 voti auctori, cui soli placere vel-  
 lem. Tibi enim dixit cor meum:  
 Exquisiuit te facies mea, faciem  
 tuam Domine requiram, Debeo  
 certè tibi votum hoc, quod conti-  
 net mollitos super oleum sermo-  
 nes tuos, quibus corda casta emol-  
 liuntur. Trahuntur enim vnguen-  
 to exinanito dulcissimi nominis  
 tui. Offero tibi, Rex magne, non  
 verba vacua humanæ sapientiæ  
 artificio sonantia, quorum memo-  
 ria perit cum sonitu: Sed verba  
 plena sensus tui, quem in scriptu-  
 ra sancta expressisti, vel pijs cordi-  
 bus inspirasti: vt fiant holocausta  
 medullata, quæ placeant, obsecro,  
 cordi tuo. Dum hæc scriberem,  
 optaui, vt vi sermonis viui tui, le-  
 ctiores



Ætates inflammarentur ; & aque  
arderent igni, vt notum fieret no-  
mentum . Fiat , oro te , mitissi-  
me Rex, quod expetiui ; & ( si qua  
merces labori meo reddenda est )  
filiat , precor , in te anima mea ,  
quàm multipliciter tibi caro mea ,  
ò Rex pacifice , tantummodo in  
ista voce exaudi me . O sapientia ,  
quæ ex ore Altissimi prodijsti pri-  
mogenita ante omnem creaturam ,  
attingens à fine vsque ad finem ,  
fortiter, suauiterq; disponens om-  
nia , veni ad docendum nos viam  
prudentiæ .




# PRÆFATIO.



*SAVIO R: profectò est Christiane lector eloquētia Iesu Christi. quàm Tullij. Eloquia Domini, eloquia casta ( quæ sunt. velut argētum igne examinatum, purum à terra, purgatum septuplūm ) amabiliora sunt, quàm profana verba quantum vis picta, ut cum ostentatione, vendantur. Sermo Dei vivus, & efficax, & penetrabilior omni gladio ancipiti, ac pertingens usque ad intima compagum, & medullarum, pretiosior est, quàm oratio amatorum mundi, composita ad animos sine fructu, vel cum fraude delectandos. Bonæ conscientie argumentum est, non solum*

7  
solùm sensu Christi, sed etiam simplicitate verborum Christi delectari. Misit ille eloquium suum terræ, ut velociter curreret sermo eius: & lex illius immaculata conuertens animas, non ex sermone, sed ex virtute estimaretur. Ego igitur, unus è plebe eius, non solus, sed cooperante Dei gratia mecum, librum hunc (De prudentia Iustorum) magna ex parte ex ipsis dulcissimis sacræ scripturæ verbis, ad finem, quem Spiritus sanctus intendit, hoc est, ad instruenda corda, composui. Speravi enim, Iesu Christi verba etiam per ministrum indignissimum prolata, & scripta, peccatoribus, quorum salutem quero, & iustis, quorum consumationem opto, profutura. Inscribitur autem liber (De prudentia Iustorum) quia cum prudentiæ sit, media ad finem appposita præscribere, hoc agitur, in toto libro

hoc, ut ad æternæ salutis finem media opportuna proponantur. Inducitur autem Iesus Christus loquens, quia vel ipsa eius verba sunt, vel certè ipsius inspirationis pijs cordibus immissæ. lector autem, qui hac lectione proficere ad æternitatem cupit, tria obseruet: Primum, ut tempus, locumquè à strepitu remotum ad legendum eligat: secundum, ut lentè legat: tertium, ut, dum se commoueri senserit, lectionem intermittat, donec ille commotionis calor deferueat. Studeant alijs varijs mundi artibus, & disciplinis: ego. prudentiæ Iustorum studebo: Mibi enim adhærere Deo bonum est, & ponere in Domino fidelissimo spem meam.



# PRIMA PARS.

Vbi præmissa vocatione, propo-  
sitò què salutis æternæ fine, gra-  
uiora impedimenta Chri-  
stianæ perfectionis re-  
mouentur.



*Cap. I. Omnes Adæ filios Iesus  
Christus ad salutem tener-  
rimè vocat.*



**V**ENITE ad me omnes Adæ  
filij, qui laboratis, & graui  
peccatorum, ac pœnarum  
pondere onerati estis: & ego,  
qui sum diues in misericor-  
dia, visceribus maternis re-  
ficiam vos. Cur obturatis  
aures cordis, sicut aspides surdæ, quæ vocem  
incan-

incantantibus audire timent, ne forte cor mutant, ac mansuescant? Nunquid venenum insanabile, per vocem incantantis sapienter, euomere, ac mitescere timetis? Venite filij dulcissimi, & audite me: & timorem Domini docebo vos. Tollite iugum meum super vos, quod ego vnâ vobiscum sustinebo, & genua debilia roborabo. Doleo vicem vestram, o pars magna hereditatis meæ: consilio quippe parum sano, quinque iuga bouum pretio magno emistis, & fertis pondera importabilia, quæ dorsum semper incuruant: & vnum, ac leue iugum meum, quod æternæ vitæ lucra parit, proteruè fugitis, & horretis. Certè, ab vtero Heuæ matris vestræ, infœliciter errastis: & sub onere gementes mortem sempiternam multo sumptu mercamini. Reuertimini ergo ad cor, filij prodigi substantiæ meæ, & ego suscipiam, & strictissimè amplectar vos, tanquam fidissimos amicos meos. & super vnoquoquè vestrum lætabor copiosius, quam supra nonaginta nouem iustos, qui non indigent pœnitentia. Quid cunctamini, optatissima præda mea? Festinate iam subire leue onus meum: & in schola sapientiæ melle dulcioris, discite à me, non mundum fabricare, non cuncta visibilia, & inuisibilia regere, non miracula patrare, sed quia mitis sum, & humilis corde, cuius imitatione amara quæq; dulcescunt.

Hor-

*Cap. II. Hortatur ne filij Adæ  
quærant solatia mundi.*

**N**Oui ceruicem vestram duram, filij Adæ:  
semper enim dulcissimo spiritui meo re-  
stitistis, non fidentes promissis meis, sed au-  
dè quærentes solatia peregrina. Sed nunc sal-  
tem, inclinata iam die, conuertimini ad me, &  
sub iugo meo suauissimo inuenietis requiem  
fatigatis animabus vestris. Tempus est, vt,  
in hora nouissima, quæritis me, & mundi va-  
nitati anteponatis suauissimam amicitiam  
meam. Venite ergo, & comedite bonum, &  
delectabitur in crassitudine anima vestra.  
Quare appenditis argentum non in panibus,  
& laborem vestrum non in saturitate? Quid  
vultis vobis in via Aegypti, vt bibatis aquam  
turbidam? & quid vobis cum via Assyriorum,  
vt profanas aquas hauriatis? Calix in manu  
mea quàm præclarus est; è quo vsque ad fatie-  
tatem bibunt fideles amici mei. Mirum est,  
quomodo non placeat vobis Cisterna Bethle-  
hem, & inhiætis ad cisternas dissipatas, in  
medio silicis excisas. Ne bibatis de calice  
Babylonis, vbi mors auro tecta latet. Ecce,  
è vulneribus meis sanguinem, aquamq; propi-  
no: vt cordis humani sitim expleatis. Acce-  
dite ad me, celerrimis affectuum gressibus, &  
lateri

lateri meo , quasi fonti viuo labia imprimate :  
 vt satiemini ab vberibus consolationis meæ ,  
 & torrente voluptatis inebriemini . Fallax  
 mundi gratia capiat gentes , quæ non noue-  
 runt me , & ante Baal genua curuauerunt :  
 Vos autem gens sancta , regale sacerdotium ,  
 & populus acquisitionis meæ , venenata mun-  
 di pocula , epulasq; peccatorum respuentes ,  
 pura Iordanis aqua delectemini , fructuq; li-  
 gni vitæ vescamini , in amænissimo paradiso ,  
 quem plantaui electis meis .

*Cap. III. Monet sollicitudinem  
 in æternæ salutis opere .*

**B** Reus dies hominis sunt , & numerus men-  
 sium eius apud me est . Constitui quippe  
 terminos eius , qui præteriri non poterunt .  
 Et cum vos Adæ filij in vitæ brevis angustia  
 deberetis exultare ad currendam viam meam ;  
 in hac sola pigritamini , & mortalibus bonis  
 nimium sollicitè detinemini . Fruimini bonis ,  
 quæ prohibui , & abutimini creaturis , tan-  
 quàm in iuuentute celeriter . Nullum viret  
 pratum , quod non velociter pertranseat lu-  
 xuria vestra . Coronatis vos rosis festinanter ,  
 antequam marcescant : & cordibus indomi-  
 tis licentiæ habenas relaxatis . Non placet  
 mihi



mihi consilium hoc : dementiam hanc odiuit anima mea . Vos festinatis ad interitum gratis ; quasi vos pretio magno non emissem . Ergo respiscite modò , & summo cum emolumento in requiem meam ingredi properate . Tantundem sollicitudinis postulo ad vitam iucundissimam , quantum in æterna morte posuistis . Ego cucurri in siti , vt vos fugientes apprehenderem , & è feritate mansuefactos ad dulcissima pascua eternæ vitæ deduce-  
rem . Cur modò marcescitis ignauia , & non ascenditis ad terram viuentium possidendam ? Cur torpescitis , electi mei , & non potius animamini , vt assurgatis ad hæreditatem opulentam primogeniti populi mei ? Certè si sciretis , quàm sit magna multitudo diuinæ dulcedinis , quam abscondi & seruaui quærentibus me : sicut desiderat ceruus , & currit ad fontes aquarum , ita & vos cursu velocissimo requiem meam peteretis . Experto tamen credite , & currite , si quo modo comprehendatis , more illorum , qui in agone contendunt , & anxie currunt ad brauium . Filij huius seculi sint veloces ad effundendum sanguinem ; vos autem amici mei , propter verba labiorum meorum , magna sollicitudine , custodite vias duras : & ad regionem viuorum , inter dolores , ac sudores fortissimè suspirate .

*Cap. IV. Iustos celeriter ad palmam currere docet.*

**H**omo, quasi flos, egreditur ex utero matris suæ, ubi ossibus, & nervis compegi-  
eum: & vix ad horam, in materia carnea consistens, fugit velut umbra, & nunquam in eodem statu permanet. Idcirco iusti, quasi æternarum diuitiarum avari mercatores, licet consummentur in breui, explent tamen indefessa diligentia tempora multa. Et, si quid ex humana fragilitate peccant, citissimè se mundant lauacro sanguinis mei: ne subito præoccupati die mortis quærant spatium penitentiae, & inuenire non valeant. Atque ideo iustis meis omnia cooperantur in bonum, ijs, qui, secundum propositum dulcissimi cordis mei, vocati sunt sancti. Siue enim rectè agant, siue quandoque peccent, vehementer ad palmam incitantur, dum intimi doloris configitur spina, Charitas Dei vrget illos, vt magna semper operentur, vt fidelissimæ promissionis meæ consortes fiant, dum lati mandati mei viam, sine defectione, percurrunt. Vos ergo, charissimi amici mei, quos introducere decreui in terram melle, ac lacte fluentem, contendite intrare per angustam portam, antequam tenebrescat, & clausa vrbs sanctæ ianua,

nua , respondeam serò pulsantibus , Nescio vos . Inquirite futuram , quandoquidem inter mortales non habetis ciuitatem permanentem , sit vobis cordi superna Ierusalem , & per itinera æternitatis , ad pinguem , & coagulatum montem meum , è lachrymarum valle , gemitibus inenarrabilibus , & suauissimæ Charitatis ardoribus properate.

*Cap. V. Omnibus quantumuis peccantibus vitam offert .*

**Q** Vis est homo , qui vult vitam immortalem , & cupit , cœlo serenissimo , dies videre bonos ? Veniat fidenter ad me , & custodiat planas , & rectas vias meas ; Vita immortalis viuet , & , factò intra eum viuò fonte dulcissimæ aquæ salientis in vitam æternam , mortem non gustabit in æternum . Ex magnitudine infinitæ bonitatis meæ , omnes saluos fieri volo : neminemquè proijcio , ne peccatorem quidem obduratum , dummodo ipse saluus fieri velit . Nemo declinet à me humana patiens , quasi tædio affectus sim hominibus tam sæpè parcendo . Misericors quippe corde sum , & ignoscendo delector . An coarctare vultis Adæ filij misericordiam meam , vt , ad mensuram miserationis vestræ , sit tanquam nubes

nubes matutina, & quasi ros mane pertransiens, qui ex oriente sole consumitur? Viuo ego, quia nolo mortem peccatoris, sed ut magis conuertatur, & vita infinitæ consolationis plena viuat. Gloriam meam misericordia, grandem alteri non dabo, ac in æternum sine tædio miserebor. Utinam filij hominum, qui peccando consenescent, quoties ego parcerem, toties vellent reconciliari mihi, & ex animo requirerent me: hilarem semper, ac liberalem inuenirent: & animas nimis desolatas blandè loquens consolarer. Nemo enim, ab orbe condito, ex animo inuocauit me, super quo viscera mea non commouerentur: quamuis innumeris, & grauissimis sceleribus me ad iram prouocasset. Ab infantia enim creuit mecum miseratio, & de vtero mitissimæ matris meæ mecum egressa est.

*Cap. VI. Conqueritur de ingratitude hominum.*

**I** Vstas quærimoniarum causas habeo aduersum vos, filij hominum graues corde, qui pretium magnum infinitæ misericordiæ meæ repellere cogitastis. Præuaricati estis pactum dulcissimi testamenti mei: & spreto cultu diuinæ Maiestatis meæ, idola mundi veneramini.

ni. Quid est hoc? Quid inuenerunt in me iniquitatis patres vestri, quia recesserunt à me? Leges Medorum, atque Persarum studiosissime obseruatis, & Satrapis mundi placere contenditis: solus ego contemnor, nec inuenio, quibus placeat amplissimus honor regni mei. Usquequò lugebit terra, & herba omnis regionis sicabitur à malitia in habitantiū in ea? Vniuerse creature ad nutū obediūt imperio meo: solus homo cucurrit aduersus me erecto collo, & pingui ceruice armatus est. Quid ultra debui facere humano generi, & non feci? Venite nunc & properate filij Adæ, & si valetis, arguite me. Quod si nemo potest arguere me de peccato, eloquia mea casta ne respuite, sed cordis vestri duritiam gratitudinis liquefactione resoluite. Auferam, si vultis, cor lapideum daboquè cor carneum: & faciam, vt in præceptis meis, more ceruorum, ambuletis. Educam vos de terra deserta, è loco horroris, & vastæ solitudinis. Constituamquè super excelsum terram, vt fugatis mel de petra, oleumque de saxo durissimo. Si, deposita duritie, mitefcant corda vestra, repetito federe, Deus vester ero, daboquè in visceribus vestris, legem meam & in cordibus emollitis digito suauissimi spiritus mei, scribam eam.

*Cap. VII. Hortatur ad Verbum  
Dei aure cordis percipiendum.*

**M**OLLITI sunt sermones mei super oleum, & ipsi sunt iacula; ut simul vulnerent atque delectent. Quò circa mirum est, quomodo filij hominum quærant sibi magistros prurientes auribus, & à veritate mea eloquijs dulcissimis instillata auditum auertant, atque ad vanissimas fabulas conuertantur. Ego quidem foris prædico, & in medijs vrbibus, atque plateis emitto argenteam vocem meam; & fit vox clamantis in deserto, vbi spinæ tribulique succrescunt. Vacant homines inertes, & novorum librorum curiositate trahuntur: Sola lex mea immaculata, conuertens animas, & sermo meus viuis, & efficax despicitur, quasi, summa cum voluptate, non penetraret usque ad diuisionem animæ, & spiritus, compagum quoque ac medullarum. Quid dicam vobis amantes vanitatis amatores qui fugitivas ymbras somniaque sectamini? Nunquid verba mea non ardent velut ignis, quo soluitur glacies cordium, quæ culpæ frigore obriguerunt? Cur aures cordis obturatis, nec patienter audire vultis verba eternæ vitæ, æstimabilia super aurum, & lapidem pretiosum multum,

tum, & dulciora super mel, & fauum? Delectet saltem vos, ò iustorum congregatio, cælestis eloquentia mea, qua corda casta nutriuntur: & sermo meus non pictus persuasibilibus humane facundia verbis, virtute diuina suspendat. Accipite gratis argentum igne examinatum, probatum terre, & purgatum, septies: & quasi modò geniti infantes ediscite elementa suauissimi sermonis mei.

*Cap. VIII. Docet, initio cursus, oculos mentis in æternitatem esse dirigendos.*

**F**ILII accedentes ad seruitutem meam, oculos, ante omnia, in æterna bona dirigite, & ad virentia sine fine prata suspirate. Estote sicut Issachar, qui cum videret terram, quòd esset bona, & requiem, quòd optima; supposuit humeros suos ad portandum, factusquè est, seruiens sub tributo. Sic ego, proposito mihi gaudio sustinui crucem, confusione contempta, & transij per ignem, & aquam, in supernenturum refrigerium. Et quòd ad novos milites meos attinet, mihi credite, Nihil esse, quòd animos sermonis iustitiæ expertes, lactisque participes æquè moueat, ac sperata.

æternæ consolationis magnitudo : qua victo-  
 res exultabunt in gloria , & letabuntur in cu-  
 bilibus suis . Certè formosissima lux mea , &  
 purissima delectatio dexteræ meæ , coronas va-  
 rias , de multiplici labore , iusta remuneratio-  
 ne , reddentis , animos pugnatorum fortissime  
 munit , ad confrigenda capita draconis , qui  
 datur in escam populis Aethiopum . Spem  
 hanc , incedentem vsque ad interiora velami-  
 nis , reponite in sinu vestro ; ne deficiatis labo-  
 rando , quasi mercede carituri . Tempus erit ,  
 cum Altissimus Pater meus dicet fidissimo pro-  
 curatori suo : Voca operarios , & redde illis  
 mercedem incipiens à nouissimis vsquè ad pri-  
 mos . Hac spe plus , quàm suauissima erumpunt  
 aquæ in huius vitæ deserto , & torrentes  
 in solitudine . Et anima , quæ arefcit , potu  
 delectabili reficitur , quo labores vniuersi dul-  
 corantur . Spes hæc statuit procellam maris  
 in auram , vt sileant perturbati fluctus eius .  
 Hæc est hæreditas fortium Israel , qui spernen-  
 tes momentaneum hoc , & leue presentis tribu-  
 lationis , intentos habent oculos in æternum  
 gloriæ pondus , quòd speratur in cælis .



*Cap. IX. Ponderat glorie magnitudinem.*

**P**ERFECTORVM est solidus cibus, eorum scilicet, qui exercitatos habent sensus ad discretionem boni & mali, & ex purissimo ac dulcissimo mei amoris affectu, sine introitu retributionis, me requirunt. At vos, qui purgatos cordis oculos nondum nacti estis, & mercede mouemini, currite post me, saltem more adolescentularum, quę amoris imperfecti suauitate trahuntur. Certè in ciuitate primogenitorum, & in monte sancto, vbi, post diluuium aquarum, passionum uè multarum, requieuit arca humanitatis meę, nihil est, quod suauitatem, & amorem non spiret, & castissimis delitijs non circumfluat. Egreditur aque purissimę fluuius à me fonte viuo, ad irrigandam faciem terrę promissionis meę: cuius vbertate, & amenitate viscera dilatantur. Non ibi flat Aquilo, sed venit Auster, & aure, lenis sibilo, perflat hortum meum: latèquę funduntur odores aromatum puram voluptatem ingerentium. Ibi lux beatissima sole formosior latissimos gaudentium choros exhilarat. Ibi melos dulcissimum cordium, quę in sua peritia requisierunt modos musicos, & ad nouum canticum sine fine duraturum psalterium

rium decachordum aptauerunt . Ibi suauissima pulchritudo corporum & animarum super niuem candentium , & super coccum bis tinctum rubentium , & amores æternos in thalamo meo celebrantium Ibi castra mea immortales triumphos agentia , forma Virginum , adolescentum decore , victorum fortitudine disposita , quæ regnabunt mecum in æternum , & ultra . Verum hæc exigua sunt : neque gaudia mea in exilio Babylonis satis intelligere potestis . Fide mea hic opus est , cum sit sperandarum substantia rerum , argumentum non apparentium . Arcana verba sunt , quæ non licet homini loqui ; cum Angelicam superent eloquentiam . Oculus non vidit , neque auris audiuit , quæ ex infinito pondere bonitatis meæ , præparavi diligentibus me . Propter hæc ergo gaudia mea , milites mei noui , pugnate .

*Cap. X. Suadet suæ passionis imitationem.*

**N**OLITE timere pusillus grex: Ego protector vester sum , & merces vestra magna nimis . Mihi credite ; Non est contemnendus decor dulcissimæ Sion , quam dilexi ; plusquam tabernacula Iacob , ut non merito pro ea pugnare debeatis , & hoc multo nunc animosius .

mosius : quia vniuersus Israel toto corde sequitur Absalom , quasi è quercu suspensus non esset infelicitèr moriturus , & mitem David transfredientem torrentem Cédron , flentè , ac o-  
perto capite , nudisque pedibus incedentè : nemo est , qui fidelitèr sequatur . Quàm crudeles sunt Adè filij , regem suum mansuetissimum , in medijs laboribus , respuentes ? Torcular crucis calcaui solus , & de gentibus , quasi fuso sanguine , redemi , non erat vir mecum . Considerabam ad dexteram : & videbam ; & non erat , qui cognosceret me . Et vos posteriores serui mei , quid vultis mecum iudicio contendere quasi gens , quæ iustitiam fecerit , & legem Dei sui non dereliquerit ? Omnes me dereliquistis : Sed & æternus Pater meus , propter vos , dereliquit , ac percussit me . Nunc ergo , quando desolatione desolata est omnis terra , quia nullus est , qui recogitet corde , cogitatione , & affectu me patientem comitami-  
ni , vt resurgenti sociemini . Ne horreatis societatem dolorum meorum , si dulcissimæ vitæ consortium exoptatis . Mortificate membra vestra , quæ sunt super terram : equum , qui est fallax ad salutem , eneruate , vt commortui , & conscripti mecum , ad diem , qui nescit occasum , mecum diluculo exurgatis , & dabo vobis , pro vigilia somnum , inter dilectos meos , pro bello , pacem , quæ superat omnem sensum ,

pro abſtinentia , eſum ligni vite , quòd eſt in  
paradiſo Altiffimi Patris mei.

*Cap. XI. Monet parcum vitæ  
preſentis uſum.*

**O**MNIS , qui in agone contendit , ab om-  
nibus ſe abſtinet , quibus à curſu poſſit  
retardari . Vos autem , qui pro æterna vita  
pugnatis multò ſtudioſius , quàm filij huius ſe-  
culi , ab omni impedimento viæ veſtræ debetis  
abſtinere . An non conſideratis , quia nouiſſi-  
ma hora eſt , nequè miſericordiæ ſemper locus  
erit ? An pepigiſtis fœdus cum morte , quæ tan-  
quàm fur intempeſta nocte venit ? Quare ſe-  
quimini uentum , telasquè aranearum texitis ?  
Quouſquè patiar eos , qui argentum , theſau-  
rizant , & aurum in quæ confidunt homines &  
Omnia ſub ſole tranſeunt ; & mortalis vitæ  
conditio , non manſio veſtra , ſed peregrinatio  
eſt . Reliquum ergo eſt , ut qui emunt tanquàm  
non poſſidentes , qui gaudent tanquàm non  
gaudentes ſint , & qui utuntur hoc mundo , tan-  
quàm non utantur . Præterit enim figura incon-  
ſtantiffima huius mundi , qui longiſſimè abeſt  
à permanſura ciuitate mea . Propter quòd ,  
electi mei , qui ius æternæ hæreditatis nec a-  
mittere , nec diminuere volunt , habentes ali-  
men-

menta, & quibus tegantur, tantò celerius currunt, quantò minùs ponderis mundani portant. Quid igitur vos solliciti estis in annos plurimos, quasi certò superuicturi, cum ignoretis, quid superuentura pariat dies? Grauius errauit homo ille, cui dictum est: Stulte, hac nocte repetunt animam tuam à te, & quæ congregasti cuius erunt? Spernite, amici mei, quæ breui, ac necessario pereunt, & diuitiæ si affluant, nolite cor apponere.

*Cap. XII. Negotiorum multitudinem dissuadet.*

**P**ORRO unum est necessarium, unum, inquam; illud, quòd est bonum. Feci ego hominem rectum, ut bonum hoc infinitæ consolationis plenum, per vias rectas quæreret, ac requireret, ille tamen, cum in honore esset, non intellexit, sed mille laqueis, & questionibus se implicuit, ac peregrè à me profectus est. Non placuit illi suauissima conuersatio mea, & studium illorum, qui ædificant sibi solitudines. Aquas fluuiorum Damasci multo cum strepitu currentes sitiuit; & fastidiuit aquas Hesebon, quæ dulcissimo silentio requiescunt. Quenam dementia est hæc, cor cuius unione uiuitur, tam multiplici, ac mortifera  
sectio-

sectione diuidere? Adeone secularia negotia  
 animas cælo natas diuertent, atque peruertent  
 vt eternæ salutis negotio, & tempus, & cura  
 desit? Quærite primùm, è filij Adæ, regnum  
 Dei, & iustitiam eius, & in me cogitatum ve-  
 strum, pondusquæ iactate. Hæc sit fors, &  
 portio vestra vita mortali pretiosior, vt nu-  
 meremini inter charissimos amicos meos.  
 Quòd si tempus alijs negotijs desit, iacturam  
 temporalium bonorum, cum æternæ vitæ lu-  
 cro patienter sustinete. Nam, si è contrario,  
 in varias sollicitudines distracti breui mundi  
 gloria prosperemini, quid soli ac synceri boni  
 succedet? Dicite vos ipsi, quid profit homi-  
 ni, si vniuersum mundum lucretur, animæ ve-  
 rò suæ detrimentum patiatur? Negotiatores  
 terræ morientium, exquisitores terrenæ pru-  
 dentia, institores Themanitæ atque Sabæi, quò  
 tenditis in varia fragmenta dissipati? Quis mi-  
 hi det, vt suauissima sponsa mea Sulamitis, Ec-  
 clesia inquam mea sit iuxta dies pristinos, quan-  
 do multitudinis credentium erat cor vnum, &  
 anima vna? Fugite de medio Babylonis, & a-  
 nimam sitientem mihi vnitam recreabo. Du-  
 cam eam in solitudinem, & dulcissimè loquar  
 ad cor eius.

*Cap. XIII. Monet curiositatem  
sciendi fugiendam.*

**N**E pascatis uentum, Adæ filij, & doctrinas hominum ne anxie quærat. Non gloriatur sapiens in sapientia sua, & legis peritus in prudentia sua; sed in hoc gloriatur omnis qui gloriatur, scire & nosse me. Respicite, quid profuerit Aegyptijs, & Atheniensibus sollicitudo sciendi. Nonne sapientes consiliarij Pharaonis dederunt consilium insipiens, & existimantes se aliquid scire, stulti facti sunt? Non ne Athenarum præceptores ignoto Deo aram posuerunt? & stultitiam suam, nescientes quid agerent, publicarunt? Infernus dilatauit animam suam, & omnes sapientes terræ absorpti, sunt: quia cum inutilia, & uana scire satagerent, ignorauerunt me, in quo sunt omnes thesauri sapientiæ, & scientiæ Dei. Etenim, si ego solus cognoscar, sciendi sitis expletur, & splendore candidissimo anima illustratur, licet nihil aliud nouerit, præter me. Si uerò omnia quis nouerit, excepto me, rudis & ignarus erit, & indigebit, ut tanquam infans doceatur, quæ sint elementa exordij sermonum Dei, certè Paulus, fidissimus seruus meus, cum ob scientiæ magnitudinem in pretio magno haberetur, nihil putauit se  
sci-

scire inter fratres suos, nisi me solum crucifixum. Quamuis enim multa didicisset abundantius æmulator existens paternarum suarum traditionum: ex quo tament ego apparui ei, & sapientiam meam reuelauī, omnia contempsit, & in sola plenitudine scientiæ meæ requieuit. Discite ergo me, filij hominum, & ad scholam suauissimæ eruditionis meæ, spreto mundi gymnasio transmigrate.

*Cap. XIV. Docet amicitiam hominum declinandam.*

**D**O L E O super uos, humanæ beneuolentiæ mercatores, quibus amicitia hominum nimis placet. Fidelis amicus omni thesauro pretiosior est, rarequē inuenitur in terra aliena. Mendaces quippe sunt filij hominum in stateris, nec fidem seruare didicerunt. Quid quæritis in terra, quæ uersa est in falsuginem à malitia inhabitantium in ea? Frater non redimit fratrem, redimet fortasse homo, qui non est frater; & qui nescit amare animam suam? Filij Ierusalem, ne fidat's Idumæis, qui amicitia uiolata, Chaldeis confederati dicunt: Exinanite, exinanite, usquē ad fundamentum in ea. Si placet uera amicitia, quærite me, nec iam dicam uos seruos, sed charissimos amicos



micos meos , & amicitia iure, omnium bono-  
 rum meorum communicatione gaudebitis. Nō  
 timebitis domui uestræ à frigoribus niuis, om-  
 nes enim vestiementis duplicibus nec, erit qui  
 se abscondat à calore meo , Diligam vos ( vt  
 Ionathas Dauid ) sicut animam meam : & la-  
 borum uestrorum fidelissimus consors ero .  
 Qui tetigerit vos , tanget pupillam oculi mei :  
 & ex amoris magnitudine , vt nutritius vester  
 aliam vos dulcissimo lacte meo . Quid mora-  
 mini , ò duri corde , amicitia humanæ renun-  
 ciare , ac medijs visceribus imprimere bene-  
 uolentiam meam ? Recedite à tabernaculis

impiorum , qui fraudulenter amant , ne

inuoluamini in peccatis eorum : & a-

micitiā meam studiosissimè re

quirite. Certè, ne vobis mo-

lestum videatur, & a-

micos multos ad

interitum ,

pertra-

hentes relinquere, vnus ergo me

lior illis omnibus , ac fide-

lior non solum ami-

cus, sed & frater,

& pater amā-

tissimus

ero

Docet

*Cap. XV. Docet oblectamenta  
varia respuenda.*

**V**ANI sunt sensus hominum, quibus non  
sueest senectus mentis, & maturitas sa-  
pientiæ meæ. Non satiatur oculus visu, nec  
auris impletur auditu: & videntur sibi filij A-  
dæ sapienter agere, si nimis humana oblecta-  
menta, & exercitia quærant; deposito exerci-  
tio timoris, & amoris mei. Causantur otij  
fugam etiam ij, qui videntur supra modum  
spirituales; & magnam diei partem Mathe-  
maticis disciplinis, Architecturæ, aut pictu-  
ræ, aut eiusmodi artibus impendunt. Quid  
est hoc? Filij hominum vsquèquò graui cor-  
de? vt quid diligitis vanitatem, & pro veri-  
tate mea quæritis mendacium? Si Archite-  
ctura placet, an superna Ierusalem non ædifi-  
catur vt ciuitas, cuius participatio eius in idip-  
sum? Circumspicite structuram ciuitatis meæ,  
fundamenta posita in montibus sanctis, murum  
in quadro lapidibus ex viuis consurgentem,  
portas ex sapphirò, & smaragdo artificiosè cæ-  
latas, præaltas turres, quæ eminent in lateri-  
bus Aquilonis, & vniuersas ædificij partes, quæ  
ciuitatem Regis magni decent. Si pictura pla-  
cet, intuitum figite in splendoribus sanctorum,  
& ima-

& imagines vias , vbi lucet dulcissima pulchritudo mea , contemplantini . Candorem , illam niue puriorem , & ruborem prophyrice perfectiorem , quo splendet immortale corpus meum , cogitate . An non consideratis , per exercitia hæc vestra , vos , ad salutem æternam parùm proficere ? Et si enim otium vitetis , meliorum tamen bonorum damna patimini : quæ vitare deberetis . Vigilate ad postes ostij mei ; & exercitia ad æternitatem profutura seligite . Visitate domos orphanorum ; subuenite egeno , & pupillo ; esurientem animam recreate : Ludite mihi in organis carminum Domini , in cætu suauesonantis Ecclesiæ meæ , & scripturæ sacre campos perlustrate . Hæc & eiusmodi alia sunt oblectamenta quærentium Deum , quærentium faciem serenissimam Dei Iacob.

*Cap. XVI. Docet gulæ vitium fugiendum .*

**E**X quò , per cibum vetitum , peccauit Adam pater vester , prohibita conuiuia sectamini , filij hominum : & nisi saturati fueritis , murmuratis . Corda vestra grauantur crapula , & ebrietate , & solas Aegypti ollas cogitatis . Quæ nã ruditas est hæc ? An escæ profuerunt animalium bulatio-

bulantibus in eis ? Certè nimis cæca ; & spiritui meo inimica passio est hæc quæ filios meos à cultu , & amicitia mea diuertit . Incrassatus est enim dilectus populus meus , & recalcitrauit , & incrassatus , impinguatus , dilatatus . Dereliquit saturatus me Deum factorem suum : & ferina ingratitude , recessit à Deo salutari suo . Væ illis qui inter profanas Chaldæorum mensas , computrescunt , & belluarum pabulo cupidè seruiunt . Esca ventri & venter escis : Deus autem , & hunc , & illas seuerè perdet . Recordamini populi mei per desertum transeuntis , & considerate , quid acciderit ei . Petierunt & venit coturnix , & pane cæli saturauit eos . Et plui super eos , sicut puluerem carnes : & sicut arenam maris volatilia pennata . Sed quid profuit eis voracitas illa ? Certè adhuc escæ eorum erant in ore ipsorum , & ira mea ascēdit supereos & occidit pingues eorum , electosque Israel ab ingressu terræ promissionis impediuit . Melius est , cum Lazaro , quondam paupere , famem pati , & in sinum Abrahæ exultantibus angelis deferri quàm cum diuite Epulone , qui sepultus est in inferno , post splendida conuiuia perire . Ne abutamini creaturis meis : sed , cum timore meo , temperantiam colite : & eritis è numero illorum , qui cum Abraham , Isaac , & Iacob , cæterisque charissimis amicis meis , recumbent ad mensam nuptiarum Agni , & in amplissimo regno meo .

Monet

Cap. XVII. *Monet honoris ambitionem fugiendam.*

**V**AE vobis, Adæ filij, qui queritis esse sicut dii: amatis gloriam hominum, primosque accubitus in cænis, & primas cathedras in foro requiritis. Quid vobis proderit iactantia, & honorifica stultorum existimatio? Quam longè receditis à mitissima disciplina mea, quam docui, ex quò memetipsum exinanivi. Sanius consilium est, in nouissimo loco sedere, & humilia de vobis cogitare. Dicitè mihi, honoris mercatores, ubi sunt reges terrarum, quorum nomina non sunt scripta in libro vitæ? Nonne sedes superbiorum destruxit Dominus, & sedere fecit mites pro eis? Cecidit Babylon, & claritas nominis eius obscurata est. Considerate imperium aureum, & argenteum, æreum, & ferreum, Chaldaeos, Persas, Græcos, & Romanos: nonne lapis virens, specie vilis, abscissus de monte, sine manibus, comminuit eos? Fixum est decretum hoc: Quicumque honorificauerit me, glorificabo eum: qui autem contemnunt me erunt ignobiles. Contemnite, filij mei, quod apparet, & non est; & fastum sæculi alta humilitate calcate. Discite à me, qui sum corde

humilis, & gloriam hominum, teste Patre meo, non desideravi. Hæc est prima pars eruditionis meæ, quam instillavi fidelissimis discipulis, & imitatoribus meis; qui latantes ibant à conspectu concilij, quoniam digni habiti sunt, pro dulcissimo nomine meo, contumeliâ pari. Hæc est gloria abscondita, sub crucis humilitate, omnibus honoribus, & imperijs præferenda, & super speciem, & diuitias estimanda. Nolite ergo in re tanta obdurare corda vestra: sed altæ mundi contemptu, ad immortalē gloriā per cōtumeliā crucis festinate.

*Cap. XVIII. Hortatur ad odium*  
*Auaritiæ.*

**V**AE vobis diuitibus, qui habetis consolationem vestram, in hoc mundo. Curram anxie adoratis aurum, quod quidam appetentes errauerunt à fide, & inseruerunt se doloribus multis? Nihil nisi terram diligitis, & opes meas cælestes obliuioni tradere festinatis. Cito cum dolore amitteris, quo nunc cum illicita delectatione possidetis. Scriptum est enim dictante spiritu meo: Dormierunt somnum suum, & nihil inuenerunt omnes viri diuitiarum in manibus suis. Fugite ergo auaritiā, quæ est idolorum seruitus: & præter me, nullas

nullas opes æstimate. Tantundem enim amoris meo detrahitis, quantum in bonis caducis collocatis. Minus enim me amat qui mecum aliquid amat, quod propter me non amat. Nonne considerabitis, vos cito morituros, ut sitim cupiditatis extinguatis? Quorsum horrea noua edificare, & domos æternas in terra peregrinorum fabricare queritis, ut ibi argentum recondatis? Thesaurizate potius vobis thesauros in celo, ubi semper victuri estis, & misericordijs pauperum mihi Deo vestro faneramini. Certè, semitæ omnis auari animas possidentium rapiunt, ut in terra deserta, inuia, & inaquosa, longè à salute mea, longo exilio demorentur. Deponite iam pondus terræ, qua grauamini: relinquitte omnia, ut me, qui non habui inter vos, ubi caput reclinarem, sine onere sequi valeatis. Quomodo enim me expeditum, & currentem sequi poteritis onerati? Benè dixit Petrus fidissimus seruus meus: Ecce nos reliquimus omnia, & secuti sumus te; neque enim exultasset mecum ad currentam viam, nisi pondus tantum abieciisset. Hoc ergo facite, & viueris.

Cap. XIX. Hortatur ad odium  
parentum, & consanguineorum.

**SPIRITVS** est, qui viuificat: caro autem non prodest quicquàm. Immo, non solum non prodest caro, sed vehementer nocet. Ideò fideles amici mei, qui non ex sanguinibus, nequè ex voluntate carnis, nequè ex voluntate viri, sed ex Deo nati sunt, ne fortè in vanum currerent, aut cucurrissent, iuxta consilium meum, omnem carnalem propinquitatem oderunt, & quasi spiritus mei venenum euitarunt. Ex hoc numero fuit ille, qui latabatur canens: Pater meus, & mater mea dereliquerunt me; Dominus autem assumpsit me; Non est inutilis commutatio, pro parentibus, qui ad seruitutem, & mortem generant, à dulcissimo Patre meo; inter filios Sion inclytos, & amictos auro primo, amantissimè adoptari, & ad hereditatem æternam ius habere. Sed mundus hanc adoptionem non cognouit, & mortiferis consilijs, quos Pater meus in suam adoptionem vocat, naturalis legis colore, & alijs æquitatis apparentis umbris seducit. Quid est hoc? Ego qui à purissima genitrice mea nihil dāni spiritualis pati poteram.



ram, vbi salutis vestræ causam agebam; quasi alienam non cognoui: & serui mei, à contagio carnis impure non timebunt? Sinite mortuos sepelire mortuos suos: & in æternæ salutis ingressu; vel progressu carnalium parentum blandimenta, consiliaque vitare. Et ego suscipiam vos, quasi fidelissimos amicos; & suavissimos fratres meos. Pater meus, pater vester erit; & erit mater vestra, micissima Virgo, quæ genuit me.

*Cap. XX. Hortatur ad mortificationem sensuum.*

**A**TTENDITE filij, quæ dico. Sensus, & cogitatio hominum prona sunt ad malum ab adolescentia sua. Propterea, necesse est, vt mortificationem meam, in corpore vestro, semper circumferatis; Equus enim, effrenis in abundantia uirium suarum non saluabitur. Castigate sensus vestros, quasi iuuentulos indomitos, ne forte legem mentis transgrediamini. Nec durum vobis videatur oculos cohibere, ne mors intret per fenestras, & ostium circumstantiæ ponere labijs vestris, ne verbis indisciplinatis me offendatis: placebitis enim mihi valde, & pro visus mortificatione, videbitis lucem splendidissimam, quam

videbat Tobias, & Isaac, postquam caligauerant oculi eius. Pro labiorum verò custodia docebo vos dulcissimum sermonem meum, qui linguas infantium facit disertas. Certe sancti mei, qui regnum caelorum violenter rapuerunt, sensibus suis, quod volebant, constantissime negarunt: & facti sunt custodes lictuli Salomonis, tenentes semper enses districtum, contra femur suum. Sensuum enim pugna numquam intermittenda est, si salui esse velitis, ne pereatis, vel à sagitta iracundiae volante in die, vel à negotio impuritatis perambulante in tenebris, vel ab incurso ambitionis, seu dæmonio meridiano. Nullus locus, nullum tēpus, quādiū mortales estis, à sensuum prælio immunis est: nè igitur salutem vestram æternam contemnatis. Et quidem, extrema dementiæ est, sinere sensus vestros duci in æternam captiuitatem: cum possitis per modicum laborem, & mortificationem, infinitam consolationem eisdem sensibus, in caelesti regno meo, superuenturam comparare. Quid queritis delectationes impuras? Ad vera potius, & æterna gaudia, breui luctu, suspirate.

Cap. XXI. *Monet mortis me-  
moria.*

**V**EL NAM. Filij Ada faperent, & intel-  
ligerent, ac nouissima prouiderent, Mei-  
nam & vos, qui non videmini repellere confa-  
lia mea, fape, ac ferio cogitarotis, qualis an-  
xietas in hora mortis ventura fit. Certe mon-  
di defideria statim euanefcerent, neque in-  
aeternum peccaretis. Omnes ad mortem ve-  
locius, quam a rexente tela succiditur, prope-  
ratis, paucitasque dierum nimis breuium  
finietur breui: & tamen mortis vix vnquam re-  
cordamini. Palatia, fuptuofa prôptuaria plena,  
filieque veftra circumornata, vt fimilitudo tem-  
pli, aperte demonftrant, quid inter vos ipfos  
meditemini. Quid fcitis, an prima, an media  
nocte, an galli cantu, venturus fim, & in vi-  
ga diftentionis rationem vitæ petiturus. Ego  
dinumero gressus veftros, & tanquam in fac-  
culo, figno debita veftra, quafi celeriter a sta-  
lienum exacturus: & vos mortem, nec per ho-  
ram, cogitatis? Non placet mihi grauis obli-  
uio hæc, ob quam pumij ciuitatem meam  
Ierufalem. Cum enim effent fordes eius in  
pedibus eius, non eft recordata finis fui. Si  
enim finem cunctorum viuentium prauidiffet,  
quomodo pedes inquinaffet? Transitus illius

memoria cor premat, ne altum sapiat; sed in timore, ac tremore salutem operetur. Propter quod, filij mei, inter negotia, & gaudia sæculi, frequenter mortis agonem, doloremque pensate. Ne per vias rectas iustitiæ, & immaculatę legis meę, alacriter tendentes, in æternum non pereatis: sed tanquam fideles, ac solliciti serui, statim ac venero, & pulsauero, confestim aperiatis mihi, & intretis in æternum gaudium Altissimi Patris mei.

**Cap. XXII. Monet Iudicij timorem.**

**Q**ui iustificari queritis, timete abyssum iudicij mei, in quo causas omnes filiorum Adę, cum accepero tempus, iudicabo. Dum ego culpas hominum dissimulo, ipsi quasi auri pingues sine freno timoris exultant; Sed per memetipsum iuravi, quia mihi curuabitur omne genus. Ego faciam verbum in Israel, quod qui audierit, tinnient ambę aures eius. Tacui enim, diu filij, & patiens fui: sed in suprema die irę, vt parturiens, cum impetu, loquar. Nunc parco, & mitissimo corde inimicos meos ad poenitentiam, & veniam voco: tunc vero, quando erit tempus, quale non fuit, ex quo gentes esse ceperunt, deducam

omnes gentes in vallem Iosaphat : & ibi disceptabo cum eis super nouissimo testamento meo : Ne abutamini , o filij , mansuetudine mea , quasi nunquam cum iudice acturi : omnes enim vos manifestari oportet ante tribunal meum , ut referat unusquisque , propter quod gessit in corpore , siue bonum , siue malum . Misericordia mea super exaltat iudicium , ut postea tam seuerè puniam , quam misericorditer nunc ignosco . Timete iram meam pusilli , & magni , & per opera bona timorem futurum precauete . Columnæ celi contremiscent , & pauebunt ad iudicium meum ; nam in Angelica natura reperiam prauitatem . Quanto ergo magis æquum est homines , qui habitant domos lutæ , pauere iudicium meum , nec bibere , quasi aquam , iniquitatem ? Placeat vobis paternis visceribus dignum consilium meum : Si me propitium , in die ultionis , videre desideratis , ante diem rationis , me tanquam iudicem expauescite . Viuite in multa cordis sollicitudine , mihi soli placere studentes ; non enim proderit vobis fauor , aut gratia hominum , si me prius non placatis . Videte , quod ego sim solus , & non sit alius Deus præter me . Ego occidam , & ego viuere faciam : & non est , qui de manu mea possit eruere . Ego reddam ultionem hostibus meis : & ijs , qui oderunt me , retribuam .

Cap. XXXIII. Monet su-  
gam peccati.

**N**I HIL est, filij charissimi, quod iram  
meam prouocet, nisi peccatum: culus  
causa, tactus dolore cordis intrinsecus, deleui,  
per diluuium hominem, quem formaueram;  
& excitatus sum ad puniendos inimicos meos;  
tanquam dormiens, & tanquam potens cra-  
pulatus a viro. Iniquitatem odio habui, &  
abominatus sum: intolerabit enim mihi est  
peccati turpitudine. Angelis non peperci, &  
horrendis supplicijs orbem terræ percussi: ut  
grande peccati malum pensare disceretis. Si  
ergo iram meam vitare cupitis, quasi a facie  
colubri, fugite peccatum, & per vias iustorum  
rectas ad me venire properate. Aedificent alij  
Babylonem, & qui in sordibus est, sordescat  
adhuc: vos autem, qui me sequi desideratis,  
ab omni peccato abstinentes curate, ut citò,  
aedificentur muri Ierusalem: atque adeò, qui  
iustificatus est, iustificetur adhuc. Non est pars  
in filio David ijs, qui peccare non timent: im-  
mò tradentur ipsi in manus gladij, & partes  
vulpium erunt. Rem quippe nefandam opera-  
ri sunt, & vestimenta sua in sanguine Agni non  
dealbauerunt. Expurgate vetus fermentum, &

sanctua-

sanctuarium cordis vestri, vbi habitare cupio, ne in posterum polluat. Apparebuntque vultus vestri, coram me, formosiores, per abstinentiam peccati, quam vultus eorum, qui in domibus regum nutriuntur in croceis, & amplexantur stercora peccati. Estote imitatores mei, sicut filij charissimi, vt representetis, imagine viuâ, innocentiam meam, & spurcitias peccati impolluto calle pertransite. Hęc est sapientia Iustorum, qui culpam magis, quam inferni pœnam timeant: & studiosissimè fugiunt incentiuâ peccati. In dies singulos quærunt aspergi sanguine meo, & mundari, ac super candidissimam niuem dealbari.

*Cap. XXXIII. Monet com-*  
*punctionem cordis.*

**Q**UOD mihi placere cupit, non quærat al-  
tum sapere: sed in animo contrito, at-  
que sollicito à me suscipi. Propterea  
fugit omnia ista, in quibus animus sibi placet:  
& ea exercitia eligit, quæ mundi fugam, &  
lachrymas generant. Ex hoc numero fuit rex  
ille seruus meus, qui cum esset paruulus in o-  
culis suis, nihil curans regni magnitudinem,  
media nocte surgebat, ad confitendum mihi,  
& innumeris suspirijs, & gemitibus potum  
cùm

cum fletu miscebat. Filij huius sæculi, qui dignitates magnas ambiunt, & qui amore diuitiarum descendunt mare in nauibus, facientes operationem in aquis multis, & illi etiam, qui per negotia quoque licita nimis distrahuntur, raro valde compunctionem habent. Amici verò mei, quorum anima concupiscit, & deficit in atriâ meâ, inter ipsa negotia, suspirant ad me, & statis horis, intrant in cubiculum, clausoque ostio, effundunt in conspectu Patris mei orationem suam, & tribulationem suam ante ipsum pronunciant. Ex quo fit, vt compunctionis sensus descendat super humilia corda ipsorum, sicut pluuiâ in vellus, vel sicut stillicidia stillantia super terram. Et vos ergo, filij mei, alta fugientes salutarem peccatorum dolorem, & compunctionem in abscondito requirite: flere discite: & dulcissimis lachrymis stratum vestrum in silentio noctis rigate. Et in vigilia matutina, cordis

contriti sacrificium odorabor:

& reducam super inimicos

vestros aquas maris,

cum intima læti

tia cordis

vestri.



*Cap. XXV. Hortatur ad perfectam conuersionem.*

**V**SQVEQVO, filij Adæ, claudicatis in duas partes? Mihi ex toto corde seruire renuitis; & mundo partem cordis malè diuisi destinatis? Quid dicam vobis? cur me quasi durum dominum timetis? Conuertimini ad me, & ego conuertar ad vos. Ego enim, nunquàm nocui viro, qui vellet seruire Patri meo: populus autem meus, si non contempsisset me, non alleuassem lanceam meam super eum. Nunc verò quid vultis faciam vobis? Ero Deus vester, & mitissimo corde filios prodigos suscipiam, quamuis substantiam consumpserint viuendo luxuriosè. Non reijcio publicanos, sed infinita dulcedine illis, ad primum gemitum, reconcilior. Non irascor seruo nequam supplicanti: sed decem millia talenta, ad solas preces, dimitto. Quare ergo vos de me non benè opinamini, & ad me toto corde reuerti dubitatis? Sacrificate mihi corda vestra, & per ignem exaudiam vos: & numerabo inter fidelissimos amicos meos. In misericordia reducam vos, & adducam per torrentes aquarum in via recta, nec impingetis in ea: quia factus sum vobis pater, & populus vester, meliùs, quàm Ephraim, primogenitus meus est.

Eli-

Eritis mihi federati, nam, ab antiquo, dilexi vos, & luctum vestrum in gaudium conuertere decreui. Sufficit præteritum tempus peccato impensum: nunc verò, sicut exhibuistis membra vestra seruire peccato sub tyrannide Pharaonis, sic (quod reliquum est vitæ) exhibete illa, vt seruiant iustitiæ, sub imperio suauissimo filij Dei, qui regnavit à cruce, & domuit orbem non ferro, sed ligno. Soluite iam vincula colli vestri, captiui Adæ filij, & ad libertatem filiorum Dei respirate. Proijcite iam idola mundi de medio vestri: vt in corde vestro solus possim habitare. Mundamini balneo sanguinis mei, qui per sacramenta influit in animas vestras:

& inter vincta, perfectaque Ecclesię

sponsæ meæ, membra, spiritu vi-

tali meo regi, ac dulcissi-

mo Iustorum confor-

tio frui pro-


pera-

te

# PARS SEC V N D A

## D E V I R T V T I B V S.

Quarum actus Iustorum pruden-  
tia præscribit.



*Cap. I. Docet IESVS CHRISTVS  
summam sapientiam, in vitæ pu-  
ritate, & veroque virtutum  
cultu, consistere.*



SENECTVS venera-  
bilis est, charissimi fi-  
lij mei, non diuturna,  
nequè annorum nume-  
ro computata. Cani  
enim sunt, incontami-  
nati sensus hominis: &  
& ætas senectutis vita  
immaculata. Vtinam

verbum crucis, quòd ijs, qui salui fiunt, Dei  
virtus, & sapientia est, semel saltem adhere-  
ret

ret visceribus uestris, ut loci anima, & corpore, ascendentesquè de lauacro pretiosi valde sanguinis mei, cordis puritatem seruaretis. Ipsa enim puritas secreto erudiret vos, & occulta sapientiæ meæ suauissimo magisterio manifestarem vobis. In maleuolam quippe, & co inquinatam animam non introibit sapientiæ mea, nec habitabit in corpore subdito peccatis. Ille verò solus ad eternitatem sapiet, qui ingreditur sine macula, & manus suas seruat innoxias, ne peccato villo sedetur. Hæc est altior mundo eruditio mea, quam Dauid seruus meus accepit; dum super senes intellexit, quia mendata mea, immaculato corde, quæsiuit. Hæc est mentis maturitas, quam Agnes tenera puella, & dulcissima sponsa mea, comparauit: Infantia siquidem computabatur in annis: Sed erat senectus mentis immensa. Et omnes, qui per veras virtutes (quæ sunt ipsamet animæ pulchritudo) exhibent mihi puras animas suas, non habentes maculam, nequè rugam, numerantur inter senes longæuos regni mei, sapientiæ laude, in consilio iustorum, celebratos. Abstergite ergo, filij, sordēs mentis, & accuratissimo virtutum mearum studio extollite manus puras in sancta: faciemquè meam suauissimo noui sacrificij odore, requirite.

*Cap. II. Hortatur ad primam ætatem, per veras Virtutes, Deo consecrandam.*

**O**FFERTE mihi primitias, charissimi filij, ætatemquæ primam, sacrificio matutino, antequàm polluamini, mihi consecrate: & placebitis mihi super vitulum nouellum, cornua producentem, & ungulas. Quid vobis cum filiabus Madian, quæ veros filios Israel carnali gratia corrumpunt? Ne sequamini Moabitides, & Sidonias: certissimè enim subvertent corda vestra. Sacrificate mihi potius primum ætatis florem, & inter nouellas pietatis plantas, iustitiæ decorem germinate. Certè, si sciretis, quàm gloriosum sit, ab ipsa pueritia, mihi seruire; tæderet vos mundanæ consolationis, quæ teneras, ac inexpertas animas seducit. Fælices illi, qui ab infantia discunt timorem meum, quo amabilem ætatem illam, à corruptione præseruent. Quasi lilia, inter spinas, in paradiso meo, florent: & tanquam cedrus, quæ in libano est, multiplicabuntur. Quasi cinnamomum, & balsamum aromatizans, virtutum cum ætate crescentium odorem, in Ecclesiæ meæ plateis, effundent. Ego habebo in delicijs dulcissimam iuuentu-

D tem

tem, quæ vt mihi seruiret, parentes, & amicos nesciuit; mundum negauit; & me, super omnia, æstimare, querere & diligere decreuit. Erunt mihi sicut Samuel, & Tobias fidelissimi serui mei, qui à primis annis vsquè ad senectutem mihi placuerunt. Benè incipient, meliusquè proficient, adhucquè multiplicabuntur in senectâ vberi. Et benè constantes erunt, vt posteris suis annuncient, quoniam misericors valde sum ego, & glorifico dilectissimos amicos meos.

*Cap. III. Hortatur ad exercitium fidei.*

**M**IRUM est, filij charissimi, quanta sit ingratitude vestra, circa exercitium fidei; quæ sicut lucerna lucet in caliginoso mortalis vitæ loco, donec dies eternitates illucescat, & lucifer diuinus oriatur in cordibus vestris. Certè vobis datum est, nosse mysterium regni Dei, participesquè fieri cælestium sacramentorum, vt cognoscentes ea, quæ carneis oculis videntur, temporalia esse, vosquè, vbi modò non videtur, habere meliorem, & manentem substantiam, vsu fidei, contemneretis momentanea, & diligeretis æterna. Nunc autem fidei exercitium obliuioni traditur, quasi ad benè

benè viuendum parùm salutare esset. Non placet mihi obliuio hæc; quæ multos quoquè seruos meos occupauit: non enim vtuntur fide mea, in prosperitatibus, & aduersitatibus, vt omnia vincant, & se à peccatis immunes conseruent. Certè Moyse seruus meus, grandis factus, fidei exercitio, negauit se esse filium filiae Pharaonis, magis eligens affligi cum populo Dei, quàm temporalis peccati habere iucunditatem; maiores diuitias æstimans thesauro Aegyptiorum improprium meum. Aspiciebat enim, accenso fidei lumine, in remunerationem, quam, sine fide, non aspiceret. Sic & vos, filij mei, quibus reuelata sunt mysteria infinitæ consolationis plena, quæ à sapientibus, & prudentibus Pater meus abscondit, debetis fide cor sincèrum firmante vt, ad mundi gloriam despiciendam, & crucis disciplinam, præ diuitijs, & honoribus, æstimandam. Videte quàm parùm profuerit tot sectis Philosophorum, definientium, diuidentium, argutè disputantium; illa sterilis cognitio creaturarum, quia non fuit eis datum, vt cognoscerent me. Recogitate grande beneficium hoc, & cum intima gratitudine; ob reuelationem fidei meæ, in corpore meo, quod est Ecclesia, me auctorem salutis vestræ laudate. Sitis sincèri, non scrutantes; in mysterijs altissimis fidei, Maiestatem meam, ne fortè à gloria op-

primamini: sed in captiuitatem redigentes omnem intellectum in obsequium fidei: quæ mites animos mihi, sine discussione, credentes, & corda casta requirit.

*Cap. IIII. Hortatur ad spem.*

**I**ACTATE in me, filij, cogitatum uestrum, & ego vos enutriam: projicite in me pondus laborum, & afflictionum uestrarum, & ego illud tollam. A saculo enim non est auditum, ut confunderetur, qui in me confideret. Dura ceruice, & incircumcisis cordibus mihi semper restitistis, adhuc & vos, qui inter discipulos meos esse contenditis. Non enim bene de me sentire vultis, & contra misericordias meas magnas, nimia pusillanimitate pugnatís: quasi peccantibus parcere, aut vitiorum, & passionum tentationumque victorias concedere, aut temporalia bona ad æternam salutem profutura largiri nolim. Numquid infidelem promissorum redditorem me probastis? Quando defui suspirantibus ad me? Certè, vel ex ipsa experientia conuincere possum, vos esse imitatores illorum, qui dixerunt: Percussit petram, & fluxerunt aquæ, & torrentes inundauerunt: Nunquid & panem poterit dare, aut parare mensam populo suo? Quid vobis videtur de cæcitate hac? Profecto si ego

po-



potavi populum sitientem, sine dubio sperandum erat, me panem esurienti populo datum. Quare ergo serui mei experti priores misericordias meas, non sperabunt posteriores, quas experientia meæ dulcissimæ bonitatis sine difficultate promittit? filij modicæ fidei quare dubitatis? Ego sum ipsa bonitas infinita, & delector beneficiendo ijs, qui oderunt me; nunquid ergo non miserebor ijs, qui me die, ac nocte requirunt? Si vos, cum sitis mali, nostis bona dare filiis vestris; quanto magis Pater meus cælestis dabit spiritum boni petentibus se? Nemo desperet veniam, quantumvis me grauitè offenderit: quomodo enim poterò non parcere, qui fuso redemptionis pretio Saluatoris officio, & suauissimo (Iesus) nomine glorificor? Porro, si confidenter vocetis me, & si fuerint peccata vestra, ut coccinum, quasi nix dealbabuntur: & si fuerint rubra, ut vermiculus, quasi lana alba erunt. Si enim, cum adhuc peccatores essetis, nec de me placando cogitaretis, misericordia mea præuenit vos: an credibile sit, modò, quando iam cor meum gemendo pulsatis, me vos non exauditurum? Ne sitis increduli, & degeneres: quasi temporalia, quoque bona vobis defutura sunt: mandabo quippe nubibus desuper, & ianuas cæli aperiam: pluam vobis manna ad manducandum, & filiorum pane saturabo. Respicite volatilia

celi; quomodo non ferunt; nequē nent; & At-  
 tissimus Pater meus pascit illa; nequē vnum  
 saltem eorum est in obliuione coram illo: quan-  
 to ergo magis vos, filij mei; pro quibus; de-  
 di; in manus inimicorum; præciosam animam  
 meam; non eritis mortui à corde Patris mei.  
 Habere fidem Dei; dum laboribus; & tentatio-  
 nibus exercemini. Amen quippe dico vobis;  
 si quis vesterum dixerit alicui monti; Tollere;  
 & mittere in mare: & non hæsitauerit in cor-  
 de suo; sed crediderit; quia quodcunque per  
 me petierit; fiat; fiet ei. Ego enim noui cor  
 Patris mei; à quo; si quis; per me filium suum  
 dilectum; in quo sibi complacuit; aliquid po-  
 stulauerit; liberalius; quàm dici possit; dabit  
 ei. Quòd si non statim videtur semper exaudi-  
 re; idèò id facit; quia sic expedit vobis; vt per-  
 seueranter orando; maius meritum; &  
 maius gaudium comparetis. Spera-  
 te ergo in eo omnis congrega-  
 tio populi; effundite in con-  
 spectu eius corda ve-  
 stra: dico enim  
 vobis; quia  
 non  
 fraudabit illos; qui  
 perseueratè con-  
 fidunt in eo.

Cap. V. Hortatur ad amorem  
Dei.

**F**ILII præbete mihi desiderata valde corda vestra; & me, ex tota anima, totaque fortitudine diligite. Non possum quippe corda diuisa sustinere; nemo enim potest duobus dominis seruire. Sed vt ratio, & experientia docent, alterum diligit, alterum verò contemnet. In hoc certe apparet stultitia filiorum Adæ, quod cum extra me requiem inuenire non valeant, trahuntur apparenti voluptate rerum transeuntium, & corda sua pro nihilo vendunt. Species decipit eos, & fallaci decore abalienati sunt retrorsum. Sequuntur deos alienos, qui cultores suos ficta deitate seducunt. Facti sunt filij hominum, quasi columba seducta non habens cor, nidificantes in alienis tectis, vnde pulli passim furripiuntur. Sanius consilium est, filij mei, nidificare in foraminibus petrarum, & in molli caverna maceriæ, quam vobis præparavi, vt propinquitate cordis mei letaremini, & exultaretis ad gaudia mea, quasi qui inuenit spolia multa. Ego vobis amicus, soror, frater, pater, mater, & sponsus effectus sum, & ad infiniti amoris ostensionem, quasi colubus in terra spinas, & tri-

bulos germinante , feci , pro salute vestra , quæ nemo alius fecit : quare ergo alienamini à me , & detrectatis dulcissimum consortium meum ? Si vtilia queritis , omnia mea bona vestra sunt : & ad hoc , vos inuitare decreui , vt fruamini æterna hæreditate mea . Si honorifica vultis : estote amici fideles , nimis enim honorificati sunt amici mei , nimis eleuatus est principatus eorum . Si delectabilia placent , magna nimis est multitudo dulcedinis , quam præparauì diligentiùs me . Quocirca placeat vobis consiliū meum , vt cordium vestrorum tributum mihi reddatis , si summi boni , in quo sunt omnia bona , vultis esse participes . Quid moramini expectati valde amici mei ? Abijcite vanos amores , & verum amorem meum , quo nihil in terris , aut in calis dulcius esse potest , super mundi diuitias , voluptates , & honores æstimate . Fument mihi altaria cordium vestrorum castos amores spirantium ; & odorabor odorem infinitæ suauitatis , quem cupit anima mea . Considerate , filij , quantæ sit consolationis , affectum primogenitum mihi consecrare , & quàm stricto iure , mihi omnia primogenita sanctificare debeatis . Ego quippe sum ipsamet bonitas , pulchritudo , & nobilitas infinita , cui amor quoquæ infinitus debetur : & extremæ dementiæ est , me relicto , impuris amoribus sacrarium cordis fadare . Quid iam

colind      G

expe-

expectatis? Placeat vobis amicitia mea magno pretio æstimanda. Sum enim candor lucis æternæ, ac speculum sine macula, sum diues inter omnes orientales, vt opibus augeam amatores meos; sum corde nitissimo ad parcendum ijs, qui spreuerunt me, sum eloquio dulcissimus, vt suspendam auditores scholæ meæ, sum Rex cordium Pacificus; & rerum vniuersarum summus Imperator; & tamen vos conditione viles, inopes, & ingratos, sine præteritarum culparum exprobratione, quasi fidissimos amicos meos recipiam, & amplectar. Sinite ergo ad amorem meum, quò solo viuitur, saxea corda vestra moueri.

*Cap. VI. Hortatur ad penitentiam.*

**T**A M graue peccati malum est; charissimi filij; vt si fieri posset; pæniteret me fecisse hominem, quem formaui. Pugnât enim cum infinita bonitate, & puritate meâ, & Maiestati meâ vilissimas creaturas anteponebat. Obstupescunt celi super hoc, & eius portæ desolantur vehementer. Peccata enormia multiplicantur super numerum arenæ maris; & filij, quos exaltaui, & enutriui, spreuerunt me. Quid dicam vobis? quid faciam generationi vestræ

vestræ , quæ ad misericordias meas obdura-  
tur ? Certè , si inimici mei , qui falsos deos co-  
lunt , maledixissent mihi , sustinuissem utiquè :  
& propter ignorantiam , quodammodo illos  
excusassem . Vos autem , quibus illuxit for-  
mosa valde lux euangelij mei , excusationem ,  
non habetis de grauissimis peccatis , quibus  
irritastis me . Viri Niniuitæ surgent in iudi-  
cio , cum generatione hac ingrati populi mei ;  
& comparatione illorum , qui ad prædicatio-  
nem Ionæ pænitentiam egerunt , damna-  
buntur multi filij regni , & æterna excommu-  
nicatione eijcientur in tenebras exteriores . In-  
spirationes quippe filij Dei post tergum mo-  
nentis , & ad pacem , & reconciliationem cor-  
de mitissimo inuitantis , repulerunt . Nunc er-  
go vos , filij , infinitum numerum stultorum ,  
impænitentium ne sequamini , sed reuertimini  
ad cor . Accedite ad me de tenebris , & vm-  
bra mortis , & candidissima luce gratiæ illu-  
minamini : & facies vestræ nō confundentur . Lu-  
gete fletu magno , vt doleri solet in morte pri-  
mogéniti , quia venundati estis , vt faceretis  
malum , & balneo lachrymarum corda vestra  
lauate . Ne differatis vano consilio pæniten-  
tiam : iuxta enim est dies perditionis , & a de-  
se festinant tempora . Videte , quid feceritis ,  
dulcissima amicitia mea dissoluta , æternæ con-  
solationis iure amisso , & sempiterni cruciatus

reatu incurso. Venenum peccati festinat in mortem; festinate vos per intimum dolorem, & sacramentorum remedium, ad vitam gratiæ prætiolissimam, iucundissimamquæ resurgere.

*Cap. VII. Hortatur ad amorem proximi.*

**R**ECORDAMINI, filij, novi, ac dulcissimi testamenti mei, quomodo cum dilexisset meos, qui erant in mundo, in finem dilexi eos: & ne obliuiscamini signi amoris mutui, quo volui cognosci discipulos, & amicos meos. Mandati tempore incolatus mei, & nunc per frequentissimas inspirationes idem repetens, hæc mando vobis, vt syncerissimo amore diligatis inuicem, sicut dilexi vos. Sanaui infirmos vestros: erexi languidos, afflictos consolatus sum: cum ijs, qui oderunt pacem, fui pacificus: publicanos, & peccatores amantissimè recepi: vilitatem, & rusticitatem non exhorui: omnibus omnia factus sum: nec vllò tedio lassatus, exclusi aliquem à suauissima conuersatione mea. Quare ergo serui mei, qui videntur supra modum Apostoli, pauperum, & debiliū fastidio vineuntur, & afflictorum onera portare recusant? Qui vide-

rit fratrem suum necessitatem patientem, & clauferit viscera sua ab eo, quomodo charitas Dei manet in illo? Causantur se meliorem partem Magdalenzæ dedisse, & ad proximorum calamitates obdurescunt. Quid est hoc? Quælis doctrina est hæc? non placet mihi ocium hoc, & commoditas parum consona proximorum dilectioni, quæ est plenitudo dulcissimæ legis meæ. Estote misericordes, filij, & miseras fratrum vestrorum promptissimo corde subleuate. Ne addatis afflictionem afflictis, quorū clamor penetrat viscera mea. Ego enim Pater vester, experiētia quoque factus misericors, noui crudelia corda filiorum Adæ, quæ difficile ad fratrum suorum ærumnas commouentur. Discite iam mores meos, & emollito corde iram omnem, tædia, & asperitatem superate: Et ego recensebo vos discipulorum meorum signo notatos, inter dilectissimos fratres meos: qui sine fine gaudebunt adoptione Altissimi Patris mei, & satiabuntur ab vberibus consolationis meæ.

*Cap. VIII. Hortatur ad obedientiam.*

**F**ILII dilectissimi, si vultis in mari magno, cuius fluctus ascendunt usque ad celos,



Ios, & descendunt vsquè ad abyssos, securè nauigare, imitamini me: qui cùm essem filius Dei, dici ex ijs, quæ passus fui, obedientiam, & per obedientiam consummatus, factus sum omnibus obtemperantibus mihi causa salutis eternæ. Bonum est viro, cùm portauerit, iugum ab adolescentia sua. Si enim alijs, qui repræsentant personam meam, obedire assuescat, proprii iudicii, & propriæ voluntatis, qua Ciuitas Babylonis edificatur, pericula vitabit, & sub vmbra alarum mearum, ab æstu mundi requiescet. Non ei nocebunt catuli leonum rugientes vt raptant, & quærant à Deo escam sibi. Ego quippe sum custos fidelissimus eorum, qui intellectum, & voluntatem mihi obedientiæ sacrificio immolant. est enim holocaustum adipe, & pinguedine plenum in odorem suauissimum Patri meo. Væ illis, qui subesse nolunt, & proprio iudicio omnia metiri volunt: qui longè recesserunt à mansuetudine disciplinæ meæ. Cæci sunt, & seipso præcipitabunt: cogitationes enim mortalium timide, & incertæ ipsorum prouidentia sunt: nequè valent ea mala vitare, quæ non valent à longè prospicere. Luciferi discipuli fiunt: & dum maioribus non acquiescunt, ad similitudinē Idololatrarū peccant: quippe quasi peccatū ariolandi est repugnare, & quasi scelus idololatriæ nolle acquiescere. Vos autem filij, inclinate aurem vestram, in verba oris mei

mei : & ijs, quos ego vobis preposui, fideliter quasi mihi ipsi obtemperate. Hæc est magna pars prudentiæ Iustorum, qui consilio meo regi desiderant. Hæc est omnis Religiosorum, iustitia, sapientia, & fortitudo. Hæc est via ligni vitæ, quam Cherubim flammeo, & versatili gladio clauferunt. Itē ergo, filij, & conficite viam hanc : vt sicut ego factus obediens vsquē ad mortem, obedientiæ remuneratione, Iesus vocor, & glorificor, ita & vos ad formosissimam gloriæ lucem, per obedientiam resurgatis.

### Cap. VIII. Hortatur ad Castitatem.

**O** quam pulchra est, charissimi filij, casta, generatio, quæ cælesti claritate resplendet, Nec rosæ, nec lilia, nec hortorum amœnitas, cū decore castitatis comparari possunt. Quam splendidi Virginum, & monachorum, chori in platea Ierusalem ex auro mundo, crystallo simillimā sequuntur me, & dulcissimam Cæli Reginam genitricem meam? Immarcescibilis, & immortalis est gloria castitatis, quæ seruauit corpus immune à rugientibus præparatis ad escā, & quasi myrrha electa dedit suauitatem odoris. Ego virgo, & Virgini-  
nis fi.

nis filius ardentissimè amo , quos singularis  
prærogatiua castitatis ampliori dilectione fa-  
cit dignos . Sunt mihi quasi columbæ , quæ  
lacte sunt lotæ , & sinè vlllo inquinamento , re-  
sident iuxta gratiæ meæ fluentia plenissima. De-  
licitiæ meæ sunt corda casta, quæ præter me amo-  
res omnes respuerunt , & vultus suos dulcissi-  
ma pulchritudine splendentes, mihi soli conse-  
crarunt. Hæc sunt castrâ mea niue candidiora ,  
& sapphiro pulchriora , quorum forma dele-  
ctor . His ego manifesto secreta mea , in his  
pono regium thronum meum . Hic est fructus  
plusquàm suauissimus laboris, & passionis meæ.  
Nunc ergo filij diligite me , & despondete mi-  
hi , quasi Virgines castas , animas vestras ,  
si placet vobis thalamus deliciarum mearum ;  
vbi gustatur , in fonte ipso , infinita dulcedo  
amoris mei . Quid agitis vagantes per amo-  
res impuros , qui vos diuertunt à complexu  
meo ? Eligite iam nuptias Agni candidissimi ,  
& Virgineum florem per dolores , & agones ,  
à spurcitijs carnis , impolluto calle præserua-  
te . Et eritis fructus melle dulciores, in paradi-  
so malorum puniceorum , quæ amore sempiter-  
no flagrant, in amænissimo paradiso meo .

*Cap. X. Hortatur ad Paupertatem.*

**N**E timueritis, filij mei cùm diues factus fuerit homo, & cùm multiplicata fuerit gloria domus eius. Quoniam, cùm interierit, non sument omnia, nequè descendet cùm eo in Infernum gloria eius. Certè melius est modicum iusto, super diuitias peccatorum multas. Ideo electi mei, timentes ne fortè reprobi fierent, diuitias, vel hæreditate acceptas, vel donatas repulerunt; & paucis contenti, in labore, & fatigatione, in fame, & siti, in frigore, & nuditate, vitam mortalem agentes, ad supernam Ierusalem, vbi suas opes recon-diderant, festinarunt. Maluerunt circuire in melotis, & pellibus caprinis, egentes, angustiat, afflicti, in solitudinibus errantes, in montibus, & speluncis latentes: quam mollibus vestiri, sicut qui in domibus regum sunt: ne fortè ob terrenam substantiam à regno celesti excluderentur. Hec fuit probatio fidei illorum multò pretiosior auro, quod per ignem probatur: nam modicum passi, æternas opes, & inæstimabilia gaudia compararunt. Imitati sunt me pauperem, & in laboribus probatum à iuuentute mea; permanserunt mecum in ten-

tentationibus meis : & ideò regnant mecum in amplissimo regno meo . Et vos ergo, filij, tantam habentes impositam nubem testium, per patientiam boni operis, per incommoditates, & abiectiones, quæ sunt ditissimæ paupertatis comites, ad me venire properate. Cauete mundi consilia, quæ & seruos meos seducere solent, dum paupertatis statum profitentes, nihil necessarium sibi deesse volunt, & indignè ferunt si desit . Non docui ego has doctrinas hominum me patientem sequi recusantium . Non sunt hi veri, ac beati pauperes spiritu, quorum est regnum cælorum . Ne sequamini præceptores hos, quos ego non misi, prophetas hos, quibus ego non sum locutus . Estote veri, & synceri discipuli mei, & paupertatem, dulcissimam sponsam meam, cælestibus gaudijs sæcundissimam medijs visceribus imprimite : & ego scribam nomina vestra in medio corde meo .

*Cap. X I. Hortatur ad humilitatem .*

**S**I scirent homines, ò filij dilectissimi, donum Dei, quo humilia corda gaudent : Si scirent, quàm sit propitius Altissimus Pater meus erga humiles tremantes sermones eius :

E

&amp; si

& si faxis duriores essent, ad humilitatis studium conuerterentur. In altis habitat Pater meus, & superbos præcipitat: Sed humilia corda amantissimè respicit in Cælo, & in terra. Suscitatur à terra inopem, & de stercore erigit spiritu pauperem: ut sedeatur cum principibus, & solium gloriæ teneat. Et ego quidem, qui in terra, quam dedi filiis hominum, humilitatem exercui (ubi, licet essem vnigenitus à Patre, plenus gratiæ, & veritatis, regnare nolui) humiles animos, tanquàm dulcissimos fratres meos, amplector. Tanta est enim suauitas humilitatis, quam à præsepio vsquè ad crucem verbis, & operibus sine intermissione, docui; ut à simplicium, & humilium conuersatione abstinere vix possim. Si ergo vobis placet societas, & conuersatio mea, recumbite, filij, in nouissimo loco, & paruuli estote in oculis vestris. Non enim habitabit in medio domus meæ, qui facit superbiam: superbo oculo, & insatiabili cordi nunquàm amicus ero. Respiciam potius in orationem humilium, nec spernam vnquam preces eorum: facti sunt enim ad proportionem humillimi cordis mei. Veni ego vobis ministrare, & meipsum exinanire, ut in me quid à vobis agendum esset, disceretis. Ego versus sum hominibus in parabolam, factus opprobrium hominum, & postrema abiectio plebis: quomodo ergo fastum assumere, & maiores

iores alijs videri contenditis? Quomodo sub nomine christiano, quod mūdi contemptum, & demissum cor sonat, elationē (capitalem inimicā meam) abscondere tentatis? Quid est hoc? Nunquid non apertē reuelatus sum seruis meis testificans, quia omnis qui se exultat, humiliabitur? Quare ergo, per functiones etiam spirituales, & sacras, magni in Ecclesia mea apparere desiderant? Descendite iam, filij, è lateribus Aquilonis, & capitibus vestris cinerem aspergite. Vos vocatis me, Magister, & domine, & bene dicitis: sum etenim. Si ergo ego dominus, & Magister Laui pedes vestros, & vos debetis alter alterius lauare pedes. Exemplum enim, quo ferrea corda domarentur, dedi vobis: vt quemadmodum ego, flexis genibus, feci vobis, ita & vos, demisso corde, faciatis.

*Cap. XII. Hortatur ad mansuetudinem.*

**A**T TENDITE, filij, legem noui testamenti mei, & subdite collum iugo suauissime mansuetudinis meæ. Sedes superborum destruxit æternus Pater meus, & sedere fecit mites pro eis. Propterea ego, qui mitis sum super omnes, qui morantur in terra, pa-

cifico regno cordium , constitutus sum rex ab eo , super Sion montem sanctum eius . Sed , & purissima Virgo , & genitrix mea , quæ est inter omnes Adæ filios mitis , ciuibus supernæ Ierusalem , vt regina mundi , præposita est . Hoc est regnum amicorum meorum non pugnando , sed parcendo , & perferendo paratum , cui cessit lacerans fortiter ungula , nec immobilia carpsit penetralia . Hoc est regnum eorum , quos ego candidissimus Agnus Dei , misi in omnem terram , tanquàm agnos inter lupos , cùm domui Orbem non ferro , sed ligno . Hæc sunt elementa prima scholæ meæ , humilitas , & mansuetudo . Vos ergo , filij , quibus placet secreta , & mundo incognita eruditio mea , estote mites corde , & omnes contumelias , & impropria , velut agni eorum tondente se obmutescentes tolerate . Ne moueamini de statu serenitatis , & tranquillitatis vestræ , cùm irridemini : sed omnem amaritudinem , & asperitatem abiicientes , hilarem semper faciem , in spiritu lenitatis ostendite . Tanquàm oues ad occisionem duci vos finite , & inimicis in vestra corpora sauientibus vos inermes , & mori paratos exhibete : sicut ego feci , quando circumdederunt me canes multi , & concilium malignantium obsedit me : quando scilicet aperuerunt super me os suum , sicut Leo rapiens , & rugiens , Irascantur filij gehennæ , qui ode-

runt



runt mansuetudinem meam : vos autem filij regni mei mitescite , & ad possidendam terram , permanfuræ beatitudinis vestræ patiendō , & tacendo festinate . Et ego vos eruditionis meæ confortes , mundi contemptores , inimicorum , quæ crudelium victores , ex dulcissimo victoriæ genere surgentes , coronabo .

*Cap. XIII. Hortatur ad patientiam .*

**A**PERITE aures cordis , filij mei , dum fluit quasi ros eloquium meum : & quæ moneo , benè percipite . Audite hæc omnes gentes , auribus percipite omnes , qui habitatis orbem , quicquæ terrigenæ , & filij hominum , simul in vnum dives , & pauper . Os enim meum loquetur sapientiam , & meditatio cordis mei prudentiam . Rarissimè apparet inter Adæ filios , qui in tribulatione sit patiens : & tamen multi , patientiæ occasiones studiosissimè fugientes , serui mei cupiunt apparere . Ad tempus credunt , & in tempore tentationis ignominiosè recedunt . Et quidem tolerabilius esset hoc infidelitatis genus , si me non cognouissent ; & quæ ego innocens pro illis peccatoribus pertuli , non credidissent . Nunc verò , cum hæc omnia cognouerint serui mei , quid

dicam, dum uideo illos fieri, sicut filij Ephrem, intendentes, & mittentes arcum, & conuerti ad fugam in die belli? Dicunt se filios Patris mei esse, & promittunt se scientiam Dei habere, & mecum mori desiderare: & statim, ac tentationem aliquam, infirmitatem, ariditatem, vel aduersitatem aliam eis immitto, ut probem, an ambulent coram me in veritate, & ut tanquam aurum in fornace illos examinem; tristitia magna absorbentur, & murmurant contra me. Quid est hoc? Usquequò non credet mihi populus meus, quem per desertum, quod non seminatur, in terram spatiosam, & suauissimo fructu fecundam deducere decreui? Ne credatis filij, carni, & sanguini, nec prudentiæ humanæ fidatis. Sit vobis, velut thesaurus pretiosissimus, quælibet occasio patiendi aliquid propter me: & hæc sit vobis summa consolatio, in hac mortali vita laboribus exerceri. Hoc est signum electorum meorum, quos exerceo, & tento, quemadmodum tentauit Abraham fidelissimum amicum meum. Hæc est nota veræ charitatis, quæ omnia suffert, & tribulatione, tanquam ignis oleo nutritur. Hæc est via tutissima, qua itur in Cælum, quæ mihi conformes efficit, quos prædestinauit in adoptionem filiorum clementissimus Pater meus. Hac via tetenderunt sancti mei, qui per labores, & pericula, re-

gnum

num cælorum violenti rapuerunt. Estote ergo vos, filij mei, fortes in bello, & prate cum illo, qui dicebat: Proba me Domine, & tenta me, vre renes meos, & cor meum. Et post agones mortalitatis, inestimabili consolatione dilatabuntur corda, & corpora vestra; & fruimini beatissima luce mea.

### Cap. XIII. Hortatur ad gratitudinem.

**E**X quo formaui hominem, o filij mei, non cessavi die, ac nocte illi benefacere, & dolui super angustiis eius, sicut mater dolere solet super afflicto vnigenito filio suo. Nec requieui videns afflictionem eius, donec descendendi, vt liberarem eum, in similitudinem hominum factus, & habitu inuentus, vt homo. Factus sum Pontifex corde misericors, tentatus per omnia, [pro similitudine] absque peccato. Nullum officium pratermisi, vt exaltarem, & solarem filios. Ade fratres meos, quos heredes feci noui, & dulcissimi testamenti mei. Omnem substantiam domus meæ pro dilectione, gratitudineque donavi. Si forte dona, quibus feræ mansuefiunt, saxaque mouentur, corda hominum emollirent. Nunc verò, post tot, tantaque infiniti amoris signa, non est, qui debita gratitudine respondeat te-

nerrimo cordi meo . Quid faciam tibi generatio Adæ crudelis , quali struthio in deserto ? Ego plantaui te vineam electam ad delicias meas : quomodo conuersa es in amaritudinem , & fel draconum , vinea aliena ? Quid est hoc ? Non est amor , non est gratitudo , non est inter homines , qui commemoret inestimabilia beneficia mea . Canes ipsi , qui modico pane , cum multis verberibus à seueris dominis aluntur , si fortè absint , ob dominorum absentiam contristantur , & cum eos domum reuertentes à longè vident , præ magnitudine lætitiæ exultant , & eis iucundissimè blandiuntur : & serui mei , pro quibus dolores , & agones mortalitatis tuli , & quos carne , & sanguine meo paui , & potaui , obliti sunt mei . Conuertimini iam , filij mei , ad vos ipsos , & offerite mihi , in hostiam laudis , vitulos cordium , & labiorum vestrorum . Sacrificium enim laudis honorificabit me : & dabo vobis pluuiam voluntariam fontis viui , quem ingratitudo siccauerat . Si volueritis , & audieritis me 'benefaciendi cupidissimum , bona terræ viuentium , comedetis . Abyssus inuocabit abyssum in lege misericordiarum mearum : quæ descendent in capita vestra , sicut in verticem Nazarethi . Non erit terra vestra , sicut terra Aegypti , in qua , in hortorum morem , aquæ per fossas ducuntur irriguæ : Sed meliori forte largissimas de celo pluuias

pluuias recipiet: Et ego allectus gratitudine vestra, prosperabo vos victuros mecum cum sole, & ultra lunam, & numerabo vos inter dulcissimos filios cordis mei.

*Cap. X V. Hortatur ad fortitudinem.*

**C**ERTATE bonum certamen fidei, o filij, vt apprehendatis palmam vitæ æternæ. Estote fortes in bello, & pugnate viriliter cum antiquo serpente: & accipietis regnum, sine fine permansurum. Ne timueritis eos, qui occidunt corpus, animam autem non possunt occidere. Timete potius me, qui animas reproborum valeo perdere in gehennam: Vt hoc timore armati, vanos periculorum temporalium metus expellatis. Si consistant aduersum vos castra, ne formidatis: ego enim vici mundum, habeoquæ in femore scriptum: Rex regum, & dominus dominantium, Si fideles sitis ad legitimè certandum sub vexillo meo: vnus è vobis fugabit mille, & duo fugabunt decem millia. Pro nihilo enim humiliabo inimicos vestros, & super tribulantes vos, mittam validam manum meam. Si exurgat aduersum vos prælium dæmonum, & hominum, ne requiratis humana, & infirma nimis auxilia: quibus

bus si quis innitatur, quasi baculi arundinei, & confracti perforabunt manus eius: sed quaerite me, & signum crucis meae, in quo vincatis, in acie castrorum ordinata. Sed quid modò dicam vobis, de nimis delicatis militibus meis, qui apparentia tentationum, & persecutionum pericula expauescunt; quasi ab increpatione mea non dormitarent inimici eorum, qui ad praeliandum ascenderunt equos? An & ego non ascendi equos meos, & quadrigae meae est ipsa saluatio? Nimia debilitas fidei, nimia incredulitas, est haec. Quid timeatis umbras amici mei? Sequimini potius me; mundum, tartarumquè contemnite, & hostes vestri territi discedent. Si semel fortiter adhaeritis mihi, nequè mors, nequè vita, nequè persecutio, nequè gladius, nequè instantia, nequè futura, nequè creatura alia poterit vos separare à charitate mea. Ponite pedes vestros super colla regum Madian, & Reges Amorheos, usquè ad internecionem delere. Cum ingruerit bellum magnorum periculorum, & occasio ferendae pro me mortis institerit, recordamini mei: & in hostes vestros audacter irruite. Pugnate pro lege noui, & aeterni testamenti mei, & victorias cogitate. Ego dux vester ero, & splendidissimam coronam ineffabili consolatione plenam, pro victoria reddam. Qui vicerit, faciam illum columnam in templo

plo Dei mei : vestietur uestimentis albis : & scribam super eum nomen suauissimum meum, & nomen Ciuitatis nouę Ierusalem .

*Cap. XVI. Hortatur ad Iustitiam .*

**I** V S T V S est Altissimus Pater meus, & iustitiam dilexit , æquitatem vidit vultus eius . Quocirca, filij mei, si tanti Patris adoptio vobis placet , iustitiam toto corde diligite , & iniquitatem odio habete . Reddite quę sunt Cæsaris Cæsari , & quę sunt Dei Deo . Reddite mihi sacrificium cordis contriti , & humiliati , & perenne amoris holocaustum in altaribus cordium immolate . Reddite superioribus fidelissimam obedientiam, æqualibus suauitatem , minoribus instructionem in spiritu lenitatis . Nemini quicquam debeatis , nisi debitum vnum , à quò vos liberare nolo , scilicet vt inuicem in æternum diligatis . Hoc dulcissimo mutui amoris debito excepto , reddite vnicuiquè quod suum est : & merces operarij non maneat apud vos, subtilissimis enim, vocibus clamat ad me . Qua in re , dolendum est , filij mei , quàm graui pondere , conscientię principum terrenorum opprimantur . Vexant enim pauperculos subditos suos , sicut olim

lim Pharaon populum meum, laterum, & plearum pensum extorquentes, & iniusta vectigalia crudeliter imponentes ijs, qui in medio platearum, fame pereunt: & tamen non curant gemitus pereuntium. Verum propter miseriam inopum. & gemitum pauperum exurgam ego: & potentes de sede deponam. Illi deprauant iudicium, pupillo non iudicant, humilem, & pauperem non iustificant, & causa vidue non ingreditur ad illos. Ego tamen veniam iudicare populum meum in iudicio, & pauperes in iustitia. Iudicabo pauperes populi, & saluos faciam filios pauperum: & humiliabo calumniatores, & prauaricatores, qui sanguinem innoxium effundunt. Seruite mihi, filij, in timore, & ad iustitiæ decorem exultate: vt coronam iustitiæ, quam requiritis, immortalibus gaudijs plenam recipiatis.

*Cap. XVII. Hortatur ad silentium.*

**L**INGVA effrenis, o filij mei, capitalis inimica spiritus mei, casta corda in abscondito instruentis est. Et tamen non solum sæculares homines, negotiatores terræ, & exquisitores humane prudentiæ, linguæ habenas relaxant: sed etiam ecclesiastici serui mei, &



& ij quoquè , qui in claustris orationi assidue vacant, quicquid orando, & psallendo acquirunt loquacitate deperdunt . Malunt cum hominibus vanis , & fragilibus , quam cum Vnigenito Dei filio verba facere . Tota die ædificant , & vna hora ædificium destruunt . O quam longè recedunt à secreta, & suavi valde disciplina mea? Ego per annos triginta silui, & cum essem Dei verbum , per tres tantummodo annos linguam exercui : & tamen non omnes serui mei capiunt verbum istud . Certè hoc exemplo, vsquè ad stuporem admirando, deberent erudiri , & erubescere , & digitum superponere ori suo: præsertim cum experiëntia cognouerint, in multiloquio peccatum non deesse , & ex vna lingua indomita innumerabiles culpas, inquietudines , distractiones , & discordias prouenire . Profectò qui sapiens corde est, sedebit solitarius , & tacebit , nisi cum charitas mea urgebit illum . Immò & frequenter filebit à bonis , ne fortè lingua, quæ benè capit, postquam incaluerit , malè concludat , & inestimabilem cordis tranquillitatem verborum tumultu perturbet . Fælices illi , qui non solum prohibent linguam suam à malo , & labia sua, ne loquantur dolum ; sed etiam à licitis verbis , propter me, abstinent, & vix in sua causa rogati respondent . Ego certè , dum ageretur de causa vite, ac mortis meæ , interrogatus tacui , ita vt mirare-

rare-

raretur Præses vehementer . Quapropter mirandum est , seruos meos non rogatos , sine moderatione vlla , loquaces , & vanos esse . Quid sibi vult licentia hæc , qua infelix anima effunditur extra se ? Ille pretiosus deuotionis sensus tanto labore collectus , quomodo tam facile , ac vanè paucis verbis otiosis dissipatur ? Vsquequò serui mei Religiosi sine intellectu erunt , non considerantes , linguam , modicum esse ignem , sed magnam sylvam incendere ? Vsquequò pacem cordis , quæ cùm verborum , licentia cohærere non potest , parui pendunt ? Attendite filij , quæ dico , & silentium , quod est iustitiæ ornatus , & monasteriorum decor ; studiosissimè colite . Et ego vobiscum intus loquar , & quasi modo genitos infantes , consolationis meæ dulcissimo lacte nutriam : & velut arca clausa noui testamenti , seruabitis manna suauitatis meæ .

*Cap. XVIII. Hortatur ad modestiam oculorum .*

**O**CVLI filiorum Heuæ depredati sunt animas eorum : & portæ mortis , per incautum aspectum , apertæ sunt . Vidit mulier lignum visu pulchrum , quod utinam non vidisset . Hæc est origo mortis , quæ in omnes homines per-

pertransijt , & aspectum à ligno vitæ diuertit .  
 Propterea serui mei , qui æternæ vitæ desiderio  
 tenentur , auertunt accuratissimè oculos suos,  
 ne videant mundi vanitatem , quæ stulta corda  
 seducit . Melius est certè , filij mei, oculorum  
 carnalium luce , cùm salute animæ, carere ;  
 quàm spectaculis mundi parùm castis , & pijs,  
 ad æternam mortem vulnerari . Idcirco Iob ,  
 fidelissimus amicus meus , pepigit fædus cùm  
 oculis suis , vt ne cogitaret quidem de Virgi-  
 ne . Turpes enim cogitationes illum vexas-  
 sent , nisi Sanctum fædus cùm oculis pepigis-  
 set . Claudite , & vos , filij , mortis fenestras , &  
 corda uigilanter custodite . Certè si desidera-  
 tis delectabilia valde regni mei spectacula vi-  
 dere , formosissima corpora glorificata , & pul-  
 cherrimam vrbs sanctæ structuram ( cuius ego ,  
 vt sapiens architectus , fundamenta in monti-  
 bus sanctis posui ) circumspicere ; debetis à  
 mortalium corporum aspectu libenter abstinere .  
 Quinetiam , & propter præsentem inter-  
 næ lucis claritatem , qua oculi cordis delectan-  
 tur , immensæ utilitatis , & consolationis est ,  
 oculos carnis coercere . Profectò , filij , do-  
 ctrina hæc dulcissima de oculorum modestia ,  
 scholæ meæ propria est : Virginis enim filio o-  
 culi in altum surrecti placere non possunt . At-  
 què ideò non frustra Euangelistæ mei notarunt ,  
 me oculos in rebus grauioribus subleuare soli-  
 tum

tum esse : quasi dicerent , me illos non subleuatos habere consueuisse . Et hæc iusta querimoniarum causa est , quam habeo aduersum seruos meos imitatores filiarum Sion , quas odiui , eò quòd erecto collo , nutibus oculorum ibant . Etenim si considerarent , quid ipsi de interiori luce deperdant , & quale scandalum proximis opponant ; modestiæ honestatem , & decorem studiosius quærent , & inuenirent . Estote , filij , imitatores mei , & honestissimæ matris meæ , & sincero columbarum intuitu , me solum intueri desiderate , accedentequè retributionis tempore , dicam vobis : Respicite iam , & leuate capita vestra , quoniam appropinquat expectata valdè , & infinitæ consolationis plena redemptio vestra .

*Cap. XIX. Hortatur ad diligentiam .*

**H**ORA est iam , charissimi filij , vos de somno surgere , & breues dies vitæ , bonis operibus , ante noctem implere . Si enim Apostolis meis visum est , nouissimam horam esse ( in cuius rei testimonium , significauit ego , per Angelum meum , seruo meo Ioanni , quæ oportet fieri citò ) æquum erit vos consummationi sæculi propinquiores opera multa bona instan-

instante operari. Filij huius sæculi in generatione sua prudentiores filijs lucis sunt: mirum enim est, quàm celeriter currant ad solatia sua. Instante passionis meæ tempore, quando sollicitè vigilandum erat, dormiebant discipuli mei, sed pes Iudæ festinabat in dolo, ad effundendum innoxium sanguinem filij Dei. Solam salutis æternæ causam homines lente agunt: in cæteris omnibus causis, sine requie festinant. Quid est hoc? Quomodo mortis instantia, æternæ redemptionis amor, perpetui cruciatus timor, non extimulant corda vestra, ad currendas vias duras? Certè si infelices illi, quos æterna morte iuste damnavi, impetrarent à me vnam horam, e multis, quas vos pro nihilo perditis; tam diligenter, ac vehementer operarentur, vt annos multos, peccando consumptos, hora illa, restaurarent, ne ad inferni tormenta redirent. Electi quoque mei, qui exultant in gloria, & latantur in cubilibus suis, si modicum horæ spatium, ad operandum, & merendum obtinerent, ardentissimè negotiarentur, vt sempiternam consolationem augerent: Vos ergo, filij, audite disciplinam meam, estote sapientes, & nolite abijcere eam. Tempus breue est: Venit nox, in qua nemo potest operari. Negotiamini igitur, dum venio; & vigilijs, orationibus, ieiunijs, misericordijs pauperum,

passionum mortificatione; & omnium virtu-  
tum exercitijs, die, ac nocte, permanfuras opes  
meas cupidissime comparate. Ego vos lassos  
recreabor; & recipiam vos plenos bonis ope-  
ribus, tanquam comparticipes; & cohæredes  
infinite hereditatis, & letitiæ meæ.

*Cap. XX. Hortatur ad ma-  
gnanimitatem.*

**S**I sciretis, charissimi filij, quam magna  
sit domus mea, & ingens locus possessio-  
nis meæ; omnes labores, sudores; & marty-  
ria sanctorum meorum, exercitia leuia vo-  
bis viderentur. Inestimabilia enim sunt præmia,  
& solatia iustorum, quæ preparavi in abscôn-  
dito faciei meæ. Et licet omnia hominis mem-  
bra verterentur in linguas; frustra laboraret  
omnis humana eloquentia, tanquam, qui va-  
le modico totum Oceanum vellet includere.  
Leuate oculos vestros in montes; & infinitam  
remunerationem sapienter cogitate: Vt ma-  
gna semper operemini. Respicite amatores  
mundi, qui terrenos principatus ambiunt,  
quam liberaliter opes suas effundant; quam  
difficiles actus exerceant; quam grates repul-  
sas, dolores, & amaritudines, e calice demo-  
norum bibant; quæ tamen omnia æquo ani-  
mo ferunt, modo per exiguum tempus re-  
gnent.

guent. Quare ergo vos, qui mecum sine fine regnaturi estis, manus dissolutas, & genua debilia ad magnos labores, & agones non roboratis? Dixerunt milites Holofernis inimici mei, Iudith pulchritudinem admirantes: Quis contemnat populum Hebræorum, qui tam decoras mulieres habent, ut non pro his, meritò pugnare contra eos debeamus? Quomodo igitur, pro dulcissima pulchritudine supernæ Ierusalem, vos ignavi, filij mei, non animosè dimicatis? Parum magnanimi estis, & nequè me, nequè amoris erga vos mei magnitudinem estimatis. Nunquid ego unquam dixi: Possum filios Adæ una gutta sanguinis redimere, & reconciliare clementissimo Patri meo: nolo ergo totum sanguinem profundere, tot dolores, & ignominias hominum causam tolerare? Certè sine ullo termino, intraverunt aquæ usquè ad animam meam; & cum essem infixus in limo profundi, Pater meus omnes fluctus suos induxit super me. Propter vos, filij, veni in altitudinem maris magni, & tempestas tribulationum demersit me. Ut quid ergo parcè mihi servire, & non potius, quæ retro sunt, obliuiscens, ad anteriora vos extendere certatis? Contemnite parua, & mediocria, milites mei, & scuto fidei, galeaque salutis armati, per infamiam, & bonam famam, per aduersa, & prospera, à dextris,

& à sinistris, ad magnos honores, & coronas  
 immortales dimiccate. Qui vicerit, dabo ei se-  
 dere mecum in throno meo: sicut, & ego vici,  
 & sedeo cum Altissimo Patre meo.

**Cap. XXXI. Hortatur ad ora-  
 tionem.**

**S**ed victoriam vitiorum, & passionum desi-  
 deratis, filij mei; si ascensiones in corde  
 disponere, & ad conatuum accedere optatis;  
 corda sursum erigite, & orationis studio ma-  
 gnâ diei partem consecrate. Ego enim di-  
 ligo portas Sion, ubi exorcetur celestis con-  
 uersatio, quæ nihil est in terris amabilius. Ibi  
 spirat suavissima virtutum fragrantia, quæ est  
 sicut odor agri pleni, cui benedixit Dominus.  
 Ibi fiat aura lenis, quæ à mundi, & carnis estu  
 corda refrigerat. Ibi purissima lux mea, seden-  
 tes in tenebris exhilarat. Ibi olum letitiæ par-  
 ticipes meos inungit, & ad hictam, siue mili-  
 tiam vite disponit. Ibi repletur adipe anima  
 sponsa mea, & aperiantur labia exultationis,  
 ad laudandum magnum nomen meum. Ibi fa-  
 lit sicut ceruus claudus, & soluitur lingua mu-  
 torum, quia scisse sunt aquæ in deserto, & tor-  
 rentes in solitudine; & anima, quæ erat arida,  
 vertitur in stagnum, & sitiens in fontes aquarum.



rum. Ibi communico humilibus corde secreta mea, & lacto mansuetos, & pauperulosque ipsis uerbis ineffabilis consolationis meae. Ibi ego impero ventis, & mari, cuius procel-  
lis mites corde turbantur, & fit tranquillitas magna, simillima Caelo sereno. Ibi ad præceptum meum omnes bestiae sylvarum congregantur, ori-  
te sole, & collocantur in cubilibus suis. Ibi ani-  
mā videt, & affluit, & miratur, & dilata-  
tur præ magnitudine inestimabilis lætitiæ meæ.  
Ibi patet fons domui Dauid amici mei, ut bi-  
bant à me fonte viuo intima gaudia mea. Ibi  
ministratur frumentum electorum, & vinum  
germinans Virgines, mihi sponso suo, in tha-  
lamo meo, castissimè adherentes. Ibi pluit  
manna de Caelo ferens secum omne delectamen-  
tum, quo casta corda fruuntur. Ibi altaria  
cordium mihi fumant, & dirigitur ad me ora-  
tio pura, quasi sacrificium vespertinum, in  
odorem suauissimum, quo quiescit ira mea,  
quæ contra peccatores exardescit. Ibi denique  
exercetur liberalissimus, & benefaciendi cu-  
pidissimus amor meus. Discite ergo, filij mei,  
sapientiam hanc omnium bonorum gentri-  
cem, & doctrinas hominum, præ huius amo-  
re, contemnite. Hæc sit prudentia, & præ-  
tiosissima eruditio vestra, multis laboribus,  
& conflictibus comparanda. Abijcite nego-  
tia sæculi, pro dulcissima parte ossis huius.

quidquid animam ab eo diuertit, ( quantum per vos fieri poterit ) exhorrescite . Ne sequamini consilia filiorum huius sæculi , qui inter mundi curas innumerabiles , spiritum opprimunt , ne ad me respirare possit . Væ illis , quàm stultè agunt , quàm grauius sibi nocent , quãtis opibus , & solatijs se ipsos priuant , quàm inhumanè me solum relinquunt . Felices illi , quorum hereditas melle dulcior conuersatio mea est , & omne opus eorum oratio . Hec sit , dulcissimi filij , hereditas vestra : & in abscondito amplectar vos , quasi fidelissimos amicos meos .

*Cap. XXII. Hortatur ad  
perseuerantiam.*

**O** MNE pietatis studium , o filij , sine perseuerantia inane est , cum ad æternitatem non proficiat . Propterea , cum essem apud vos , perseuerantiam sæpè predicavi , cum scirem eos qui mittunt manum ad aratrum , & respiciunt retro , non peruenturos ad coronam , Utinam caperetur verbum hoc , & usque ad vitæ finem , in vijs iustitiæ ambularetis . Frustra enim benè cepistis , si in media via deficiatis . Mirum est , quanta sit hominum stultitia , qui cum è seruitute Pharaonis libe-  
rati,

rati, & per desertum mortalis vice, fere ad  
 portas terræ viventium ducti fuerint, labore  
 modico, qui superest, deterrentur, & ad Aeg-  
 yptum redire constituunt. Quid est hoc? Sic  
 stulti sunt, ut cum spiritu caperint, carne  
 consummentur? Tantæ passi sunt sine causa?  
 O Insensati Adæ filij, quis vos fascinauit? Cur-  
 rebatis benè ad coronam immortalem, hunc  
 verò alius vestram coronam accipiet. Ablat-  
 um est à vobis regnum Dei, ob ingratitude-  
 & inconstantiam vestram, & dabitur genti fa-  
 cienti dulcissimos fructus eius. Parum labo-  
 ris supererat, ut ascenderetis in palmam, & col-  
 ligeretis fructus eius, quibus in æternum vescere-  
 mini. Vano consilio seducti estis, & transac-  
 tos labores enervatis. Vos ergo, filij, qui  
 puro corde accessistis ad me, & cognouistis  
 rectas vias meas, estote fideles usque ad mor-  
 tem, redimentes tempus, quoniam dies mali  
 sunt. Virum iniustum funibus peccatorum,  
 constrictum mala capiant in interitu: vos ve-  
 rò filios meos, qui me sequi capistis, morien-  
 tes sequantur bona opera vestra, & in osculo  
 pacis amantissime claudam ego oculos vestros.  
 Citò transit, quod currit in tempore: modi-  
 cum est, quod superuicturi estis. Ego vos  
 protegam, & dulcissima societate recreabo  
 in hac molesta nauigatione, donec deducam  
 vos in portum voluntatis vestræ, & meæ. Bo-

num certamen certate, benè caeptum cursum consummate: & de labore fessi, fruimini aura spiritus vitalis mei, qui perflat hortos pensiles suauissime Sion, quam dilexi. Aspici- te à longè amantatem regionis, inquam ascen- ditis, circumeuntes terram Edom, & ad pu- rissimas Iordanis aquas è siti deserti, suspira- te. Ego suscipiam vos fideles seruos meos: & de capite Amana, vbi ferae habitant, surgen- tes humanissime complectar: & æterno amo- re consolabor. Hæc sit perennis meditatio ve- stra, suspirijs, & gemitibus voces turturis i- mitantibus plena; donec liberati de cor- pore mortis huius, quæ per pecca- tum introiuit, & regnauit, gratia mea decorem in- duti, immortale re- gnum immen- sis diuitijs, & in- æstimabilibus gaudijs, ple- num, gloriosa victo- ria, & infinita læticia com- pare- tis.

Cap. XXIII. Hortatur ad custodiam, & augmentum virtutum.

**C**A V E T E, filij, ne vulpes parue, quæ demoliuntur vineas, prouentum vinearum vestrarum, quas multo labore coluistis, impedian. Ne contemnatis minima, nequæ animi remissioni locum detis: habetis enim pretiosissimum thesaurum gratiæ, & virtutum, in vasis fictilibus corporum mortalium: & in vobis ipsis geritis, vnde certamina periculosa toleretis. Vē illis, qui cum rubore, ac sudore arduas virtutes, in schola mea, compararunt, & quasi de victoria securi dormire incipiunt. Non est consilium sanum, securè dormire, vbi fures effodiunt, & furantur. Sanius consilium est, quod dederunt pastores illi, qui in nocte natalis mei, erant vigilantes, & custodientes, vigilas noctis, super gregem suum. Certè mirabile est, homines super greges pecorum vigilare; & seruos meos nimium super se dormire, quasi in vanū acceperint animam suam. Nolite somno grauari, filij mei, quia in terra inimicorum estis, qui tota die constituunt vobis prælia. Currite velociter, & sic currite, vt comprehendatis. Date animas vestras pro testamento meo,

meo ; parati potius mori , quàm cęlestis gratię meę, & virtutum mearum detrimentum pati. Nonne videtis, gehennę filios diuitias ita custodire , & augere , vt inter spinas viuentes nunquam sollicitudine careant? Vtinam & vos diuitiarum mearum detrimenta timentes , staretis semper, vt custodes lectuli Salomonis gladium tenentes , ac solliciti propter timores nocturnos. Hęc est pars magna prudentię Iustorum , qui postquàm iusti facti sunt , diligentissimè vigilaunt, ne fortè reprobī fiant. Ibi culpam timeht, vbi culpa non est: & præ desiderio mei, suspicantur fures, vbi non sunt. Gloria quippe, & diuitię in domibus eorum, quarum custodia sollicitudinem generat , receditquę somnus ab oculis eorum, vt olim recessit ab oculis Iacob charissimi amici mei. Hęc sit, o filij , æmulatio vestra: caute, ne extinguatur in nocte lucernę cordis vestri: Manumq; vestram mittite ad fortia, & nunquam à labore, & fatigatione, pro conseruanda cęlesti gratia mea, animum relaxetis. Et ego laborantes adiuuabo, & replebo operibus bonis, quę in pace meā vos morientes sequentur. Et suauissimus spiritus meus dicet iustis meis, vt iam benè probati, dulcissimè requiescant à laboribus suis.

# TERTIA PARS

## QVAE CONTINET

multa consilia ad christianam  
perfectionem compa-  
randam.

### Cap. I. Hortatur IESVS CHRI- STVS ad perfectam omnium affectuum abnegationem.



VICVNQVE sub  
vexillo crucis meae mi-  
litare, & me patien-  
tem sequi decreuistis,  
inclinate aurem ve-  
stram in verba aeternae  
vitae meae, & sermo-  
nes meos in medio cor-  
dis abscondite. Ego

veni in mundum, non pacem mittere, sed gla-  
dium: ut separarem homines non solum a re-  
bus terrenis, quas nimio amore possident, sed  
etiam a parentibus, & amicis, & (quod maius  
est)

est ) à proprijs affectibus, & desiderijs, quę mergunt hominēs in interitum, & animas meo sanguine redemptas in eternam seruitutem, pertrahunt. Hęc est prudentia iustorum, qui non modò renuntiant omnibus, quę possident, vt me currentem sequantur; Verùm, & animas proprias oderunt, vt creetur in eis cor mundum, & spiritus rectus innouetur in visceribus suis. Considerant enim, quid acciderit peccatoribus insensatis, qui nimis amarunt stultas animas suas: qui, sicut oves, in inferno positi sũt, & mors depascet eos. Propter quod fortes facti sũt in bello aduersum semetipsos, vt abnegantes impietatem, & omnia secularia desideria sobrie, & pię viuerent in me: & fideli corde, in tempore retributionis mihi dicere possent: Ecce nos reliquimus omnia, & secuti sumus te. Vos ergo filij, qui vultis in Cælum ascendere de deserto mundi delitijs affluentes, abnegate vos ipsos, & deponentes omne pondus, leuate ad me manus puras, & immaculata corda mihi sacrificare. Neque durum vobis videatur, animam propriam, & omnia mundi bona relinquere, propter me. Licet enim modico tempore tristitiam habeatis; succedet expectata valde lætitia mea, quę gaudebit cor vestrum. Certè omnis disciplina in presenti quidem, non videtur esse gaudij, sed maroris: postea tamen vris exercitijs per eam



eam fructum pacatissimum reddet iustitiæ. Ad vesperum tenebrarum, mundi demorabitur fletus: & ad clarissimum apparentis gloriæ matutinum lætitiæ. Ne respuatis, filij mei, consortium eorum, qui seminant in lachrymis, & in exultatione metent. Relinquire omnia confidenter, & affectus omnes abscindite propter me: & ego vita vestra, anima, & consolatio vestra, & tota vestri laboris merces ero.

*Cap. II. Monet respondere divinis inspirationibus.*

**E**rgo. Queso ad altum cordis, & pulso, cupiens introire, & requiescere in reclinatorio meo, ubi posui delicias meas. Hæc est desiderata valdè requies mea in sæculum sæculi: hic habitabo, filij mei, quoniam elegi eam. Vos discurritis per vicos, & plateas, quærentes requiem in terra aliena: & ego quæro requiem in corde vestro, tanquam in deliciosissimo thalamo meo. Semper enim in omnibus requiem quæsiui, & in hereditate Domini libenter morabor, arque in electis meis altas radices mittam. Si ergo tetenimini vero desiderio præsentis meæ, ac æternæ salutis vestræ, aperite mihi pulsanti, & inspirationibus meis nunquam aures obturetis. Quid enim boni vobis acci-  
dere

dere poterit, si mihi non pateat ianua domus vestre; quam caelestibus gaudijs implebit visitatio mea? Caute, filij mei, cum inspiro vobis caelestia desideria, ne surdi, & cæci efficiamini, sicut illi, quibus per annos quadraginta proximus fui, dicens, semper hi errant corde. Illi enim scientiam meam repulerunt: quibus idcirco iuravi in ira mea, ne introirent in requiem meam. Vos autem qui me humana carne vestitum, præceptorem suavisimum, & mitissimum habetis, inspirationibus meis aures castas; & fidelia corda præbete; neque lucem meam, quæ filiorum hæreditas est, extinguite, vel obsecrate. Certè fideles amici mei adeo sollicitè meis admonitionibus respondere solent; vobis, inter presentis vitæ negotia, me intus loquentem, & orandi, vel legendi, vel aliquid pium agendi desiderium inspirantem sentiant; statim dicant; Hoc signum magni Regis est: eamus, & inquiramus eum, & offeramus ei, clauso cordis cubiculo, desideria nostra; quasi virgulam fumi suaviter olentis; ascendentem ex aromatibus myrrha, & thuris. Hi sunt mihi charissimi: quia non student hominibus placere; sed adherere mihi; & me omnibus mundi commoditatibus, & voluptatibus anteponerè. At illi, qui inspirationes repellunt, vel citò exequi nolunt, iusto iudicio meo, in dies magis magisque alienantur à me;

&amp; cor-

& cordis desolationem, & obdurationem, in suæ infidelitatis penam incurrunt. Imitamini, o filij, Apostolos meos, qui, statim ac eos vocavi, relictis omnibus, secuti sunt me: & nullis humanis rationibus acquieuerunt. Et ego, dum inuocaueritis me; celeriter exaudiam vos, & è magna tribulatione venientes, ac super niuem sanguine meo dealbatos deducam in æternam requiem meam.

*Cap. III. Monet puritatem intentionis in bonis operibus.*

**B**EATI Terui illi, qui in omni opere suo, mouentur sola, & pura intentione placendi mihi. Qui simplicem oculum columbarum habentes, nihil desiderant, vel quærunt præter me. Sed vè mundo, quàm pauci sunt, qui commoditatem suam, vel lucrum, vel gloriam hominum non quærant. Circuite vias Ierusalem, & inquirete, an inueniatis virum facientem fidem, & non quærentem, quæ sua sunt: & propitius ero ei, & laudabunt eum in portis opera eius. Verùm scio huiusmodi viros rarissimè inueniri: & non solum plebeios ignorantes viam Domini, sed optimates etiam bona opera, quæ faciunt, oculo nequam malæ intentionis cor-

nis corrumpere. Gloriantur ipsi etiam Ecclesiastici, qui videntur rectè agere, se propter Ecclesiæ sponsæ meæ bonum in suis prælationibus, & dignitatibus laborare: & tamen redditus dignitatum, & honores hominum potius, quàm gloriam meam requirunt; testimonium ipsis perhibente conscientia ipsorum; & cogitationibus, cum remorsu animæ, inuicem accusantibus, & defendentibus, Quin etiam, quod magis dolendum est ipsi Religiosi, qui mundum contempsisse videntur, in suis exercitijs legendi, prædicandi, & consulendi, non tam mihi, quam hominibus placere student. In veritate dico vobis, quia Virgines fatuæ sunt: & dum laudes humanas expetunt, oleum lætitiæ, quàm generat bona conscientia, in vasis cordium suorum habere nolunt. Quid est hoc? Vbi est fructus pretiosissimi sanguinis mei? Quomodo obscuratum est aurum antiquæ charitatis, qua serui mei, in Ecclesia primitiua, flagrabant: qui per Episcopatus, & officium prædicationis, non ad diuitias, & honores, sed ad tormenta, & persecutiones, propter me currebant? Reuertimini, filij mei, ad primam charitatem, & oculum intentionis inungite callyrio sanguinis mei; Vt in omnibus oneribus, & honoribus, nihil, nisi gloriam meam, requiratis. Et ego qui sinceritate cordis delector, remunerabo labores mei causa-

fusce-

susceptos : & sicut in corrupta intentione, confessi estis me coram hominibus , ita ego confitebor vos coram Altissimo Patre meo .

*Cap. IV. Hortatur ad resignationem in Dei beneplacitum .*

**N**IHI L est , filij charissimi , quod maiorem cordis pacem generet, quàm perfectæ a resignatio in beneplacitum meum . Si enim in omni aduersitate, & prosperitate cor hominis in ijs , quæ facio , sibi complaceat ; nulla ei nocebit aduersitas, quia nulla ei dominabitur iniquitas . Immò hauriet aquas in gaudio, à me fonte viuo , & amantissimo saluatore suo: quia siuè valeat , siue ægrotet , siue laudetur , siue vituperetur , lætabitur in salutari suo , qui facit omnia, secundum consilium rectissimæ voluntatis suæ . Hæc est sapientia viri iusti, quem non contristabit , quicquid acciderit ei : gaudet enim gaudio magno valdè ; cum omnia ei eueniant iuxta, desiderium suum , quod semper cohæret , cum dispositione prouidentia meæ . Utinam mundi sapientes, qui me condemnant, vt ipsi iustificentur, discerent prudentiam hanc, quæ non inuenitur in terra suauiter viuentiū . Non adæquabitur ei topazius de Aethiopia, nec tincturæ mundissimæ componetur . Non lucebit

bit aurum coram ea, nec appendetur argentum in comparatione eius. Inæstimabilis enim est perfecta resignatio cordis, quid ego velim semper attendentis, atquè in eo ipso dulcissimè requiescentis. Dolent principes terrarum super morte charorum, nec ullam consolationem admittere volunt: & iustus lætatur morte primogeniti sui, quia ex mea voluntate succedit. Vos ergo filij, qui desideratis frui pace filiorum Dei, in omni euentu voluntatem meam spectate, & confidenter acquiescite: & fidelissimi serui mei Iob verba celebrate: Sicut Domino placuit ita factum est: sit nomen Domini benedictum. Et ego paternam, & maternam curam vestri geram: circumducā vos per mundi desertum: & ero in umbraculo ab æstu: tota què sæculi huius nocte, ero vobis in clarissima illuminatione ignis. Si perfectè in meo beneplacito quiescatis, omnis substantia domus meę vestra erit. Meus est dies, & mea est nox, ego fabricatus sum auroram, & solem; ego feci omnes terminos terræ, æstatem, & ver, ego plasmaui ea. A solis ortu, & occasu, ab Aquilone, & mari, omnia subiacent imperio meo: nequè est qui possit resistere voluntati meę. Quocirca si voluntas vestra vna, & eadem cum voluntate mea sit; omnia vestra erunt, quia omnia obtemperabunt voluntati vestræ. Et peracto vitæ cursu, in  
signum

signum regie dignitatis, sedebitis cum senatoribus terræ: & inenarrabili lætitia exultantes adhærebitis, strictissimo complexu, cordi meo, ad cuius proportionem formati estis.

*Cap. V. Hortatur ad primam  
diei partem orationi assi-  
gnandam.*

**A**VDITE filij, quę loquor, cōcrescit enim in pluviā dulcissima doctrina mea. Omnia primogenita mea sunt: & proinde illa mihi sacrificare, primitiāsque omnes in altaribus cordiū vestrorum intima gratitudine, mihi offerre debetis. Certè qui manè vigilauerint ad me, piū, ac suauem inuenient me. Propterea iustus cor suum tradidit, vt vigilet ad me diluculo, antequām negotia, & sollicitudines mundi occupent sensus eius. Scit enim quanti ponderis sit, primas cogitationes, & prima desideria mihi consecrare, & omnem fiduciam in me ponere. Sic fidissimus seruus meus Dauid, magna sollicitudine, ante curas, & negotia regni, me quærebat, quod sincero corde cantauit aiens: Prauenerunt oculi mei ad te diluculo: vt meditarer eloquia tua. Beati, quos a somno excitat sollicitudo mei, vt in matuti-

nis meditentur in me : vt omnis eorum oratio, & operatio à me semper incipiat , & per me capta finiatur . Horum certè animæ in manu mea sunt : & quia primum quærunt regnum Dei, & iustitiam eius, non tanget illos tormentum malitiæ , & mors animæ fugiet ab eis. Ego enim virtus , & vita eorum, odoratus suauissimum odorem holocausti matutini , defendam illos, & in processu diei, dirigam opera eorum, sicut ipsi summo mane direxerunt ad me corda, & corpora sua . Illos verò, qui mane surgunt ad ebrietatem sectandam , & sæcularia negotia sine timore meo gerenda , patiar vexari, & per ipsa , quæ agunt , excruciami : vt idola mundi, quæ colunt , surgant , & opitulentur eis , & in necessitate eos protegant . Væ illis, quàm grauitè errant non præuenientes faciem meam in laude , vt protegantur auxilio meo : Si ascenderint in altitudinem nubium , inde detraham eos : quia more gentilium , non proposuerunt me adiutorem suum : sed sperauerunt in diuitijs , vel astutijs suis ; & preuolare tentarunt, in vanissima vanitate sua . Vos ergo filij , antè ortum solis , & ante strepitum filiorum huius sæculi , in thuribulis cordium, amoris igne flagrantium, incensum orationis ponite, & adolete . Et ego vobis in silentio ad me suspirantibus præsto ero : imprimamquæ cælestia desideria visceribus vestris, quæ præ magni-



gnitudine consolationis anhelabunt ad æterna gaudia, quæ vobis præparaui in primogenita ciuitate mea.

*Cap. VI. Hortatur ad solitudinem amandam.*

**S**I scirent homines, quàm sit amabilis solitudo, quæ à iustis quæritur, vt gaudeant ibi mecum libertate filiorum Dei, ipsi etiam negotiosi filij sæculi, certis temporibus, iugum mundi proijcerent, & speluncas montium, ad quærendam faciem meam, sollicitè peterent. Inæstimabilis enim est dulcedo conuersationis, & sapientiæ meæ, quam nemo principum huius sæculi cognouit. Non enim potest inter tumultus negotiatorum, absconditæ suauitatis gustus inueniri. Propter hoc illi pauci sapientes antiqui: quibus dignus non erat mundus, extra turbas requisierunt me: & in remotissimis desertis dulcissimos spiritus mei fructus comederunt. Inter feras, & inter scopulos facilius, quàm in medijs vrbibus inuenitur sapientia mea. Ibi ad præceptum meum eleuatur anima, sicut Aquila; & in arduis ponit nidum suum, atquè in præruptis silicibus commoratur. Ibi contemplatur escam melle dulciorem secrete communicationis meæ: & af-

fectus eius, quasi Aquilarum pulli lambunt sanguinem meum. Ibi ego loquor ad cor Ierusalem: dicoquè verbum absconditum à mundi prudentibus: & quasi furtivè suscipit auris cordis venas subtilissimi susurij mei. Ibi ob silentij, & solitudinis opportunitatem, solus ego traho omnes vires animæ post me in funibus novi Adam, & in vinculis dulcissime charitatis. Vos ergo filij, exite de Vr Chaldæorum, & Niniem civitatem grandem, certis saltem diebus; relinquitè, ac remotum aliquem locum, vbi vobis occurràm, eligite. Ne sequamini politica consilia, quibus certissimè auerterentur corda vestra, & obdurabuntur; ne placeat illis conuersatio mea. Videte quid egerint sancti mei: qui etiam curam animarum, gerentes, (vt sine detrimento animarum suarum, alios saluos facerent) populos interdum alijs curandos, per dies aliquot committebant, mihi què soli, totis viribus in solitudine vacabant: & fortiores ad laborem recurrebant. Fugite servitutem Aegypti, & super montes Bethel, ad contemplandam cæli serenitatem, ascendite. Crescite iam, & manducabitis cibum grandium, & tanquam fideles amicos me in deserto sequentes, aqua purissima, & suavissimis palmæ fructibus alam,

*Cap. VII. Monet recursum  
ad Deum , contra in-  
constantiam.*

**F**ILII, accedentes ad studium sapientiæ  
meæ, scitote inconstantiam periculosam  
infirmiorem esse. Trahitur hoc malum hære-  
ditate Adæ patris vestri, qui per peccatum,  
inconstans factus est. Hęc est conditio homi-  
nis, qui egreditur, & conteritur, & fugit ve-  
lut umbra, nunquamquē in eodem statu per-  
manet. Vē peccatori, qui recessit a me, ve-  
ra fortitudine, & firmamento suo, & ad ho-  
ras singulas consilia mutat. Peccatum pecca-  
uit Ierusalem: propterea instabilis facta est.  
Migravit à me, ferens secū inconstantiam cordis,  
& multitudinē seruitutis: & cū regna multa  
peragrasset, non inuenit requiem. Vē colum-  
bæ, quæ ab arca recedit: quia in diluuiū aqua-  
rum multarum, non inueniet, vbi possit requie-  
scere pes eius. Sæpe serui mei, contra regu-  
las prudentiæ iustorum, sana consilia, quæ  
prius elegerant relinquentes, peccant aber-  
rantes à meliori proposito, quod inspirauerat  
illis clementissimus Pater meus. Citò fece-  
runt, obliti sunt operum eius, & non sustinue-

runt consilium eius . Et hæc est ratio, propter quam , parùm in schola mea proficiunt , quotidie incipientes edificare , nec valentes consummare. Doleo vicem illorum , & vellem firmiter durarent in salutari consilio meo . Si ergo desideratis, filij , malum hoc grande vitare, recurrite ad me, totisque visceribus inconstantiæ remedium implorate . Ego enim vici mundum , & veni curare instabilitatem eius . Nequæ vos frangat experientia huius mali , quo anima diù affecta , quasi luna mutatur , & ad singulos ventos, instar fluctuum maris commouetur . Ego enim congreco, sicut in vtre , aquas maris , & pono in thesauris abyssos . Et quando mihi placet , voco ad me discipulos meos , vt ambulent super aquas , tanquam super solidissimam petram . Constantes estote , & videbitis auxiliũ meum præsentissimũ super vos : dummodo fidelissimè statuatis , consilia à me inspirata in posterum sequi . Sinite iam in opiniones varias ferri , & propositum mihi placendi , quod arripuistis , usque ad mortem sustinete . Et ego cælesti fortitudine vobis adero , & firmabo super vos misericordes oculos meos .

*Cap. VIII. Hortatur ad sacramenti pœnitentiæ  
usum .*

**S**VMMVM malorum, filij charissimi, peccatum est, quod animæ vitam extinguit . Si ergo peccatis , caute ne regnet in vobis peccatum , & festinate conuerti ad me , currentes ad balneum pretiosissimi sanguinis mei . Ne probetis consilia eorum , qui lætantur, cum malè fecerint , & exultant in rebus pessimis, nec remedium pœnitentiæ requirunt . Nimiùm stulti , & audaces sunt, qui Deum ad iracundiam prouocarunt , & æternæ pœnæ reatum incurrerunt : & tamen , nihil de futuro cogitantes , comedunt , bibunt , & dormiunt , & ducunt in bonis dies suos . Mirum est quomodo subitanæ , & improuisæ mortem non timent , qui fecerunt sibi Deum inimicum . Quomodo non timent, ne sicut viuentes, sic in ira absorbeat eos ? Horrendum est enim , incidere in manus Dei viuentis . Certè hi fatui , præsentis vitæ amore capti , oderunt animas suas , quarum remedium non requirunt . Vos igitur filij , si ex humana conditione peccaueritis , ne differatis pœnitentiam : sed planctum ,

ctum, & tristitiam, quę salutem, secundum Deum, stabilem operatur, assumite. Leprosi si estis, & morti proximi; abstergite lepram balneo sanguinis mei, per sacramenti pœnitętię canalẽ decurrentis: & caro uestra restituetur, sicut caro pueri paruuli: & recuperata candida gratiæ veste numerabo vos inter dilectissimos filios meos. Nec redeat vos humilis confessionis, qua in animo cõtrito, detegitis peccata vestra: breui enim humiliatione, & verecundia æternam vitam, comparabitis. Certè modicum est, quod à vobis postulo, si consideretis bona, quę ibi proueniunt. Grauiorem profectò pœnitentiam ego pro vobis egi, quàm vos ipsi: Si enim appenderentur in statera peccata vestra, & calamitas, quam ego vestri causa pertuli; quasi arena maris, hæc grauior appareret. Properate ergo ad remedium vestrum, & ego suscipiam vos. Verba confessionis humilia, & feruentia proferte, qualia seruus meus Dauid de peccato admonitus protulit, dicens ex intimis præcordijs, Peccaui. Et ego transferam à vobis peccata vestra: & effundam super vos aquam mundam, atquẽ mundabimini ab omnibus inquinamentis vestris. Et propter conscientię testimonium luctus vester vertetur in gaudium: secundum multitudinem quippe dolorum vestrorum, quibus afflixistis corda vestra, intimę consolationes meę laetificabunt animas uestras.

*Cap. IX. Hortatur ad sacram  
communione.*

**E**GO æterna sapientia ædificaui mihi domum humanitatis meæ, & vt facerem conuiuium pinguium medullatorum, miscui vinum pretiosissimi sanguinis mei, & posui mensam, ita vt panis conuiuarum esset purissima caro mea. Et postquam instruxi lautissimum conuiuium, non quieui: sed misi ad plateas, & mœnia ciuitatis, seruos meos, & inspirationes meas, vt cordibus hominum loquerentur, & dicerent: Venite, comedite panem meum, & bibite vinum, quod miscui vobis. Nunc autem pauci valdè sunt, qui vescantur vitalissimo panè meo, quasi omnem saporem suauitatis non haberet: Vix Sion lugent, eò quòd non sit, qui veniat ad solemnitatem meam, quæ corda casta dilatantur. O quàm stulti sunt Adæ filij, qui per escam mortui sunt, & per escam viuificari nolunt. Quid est hoc? Quid optabilius, & suauius inuenire possunt, qui delectamenta mundi requirunt? Vbi est sincera fides, & purus amor, cuius nutrimentum, & fomentum, panis de Cælo missus, factus est? Certe facies Christiani populi exusta videtur, quasi non esset triticum, & vinum: & pellis eius,

con-

consumpta carne, ossibus siccis adhæsit. Ventum est enim ad calamitatem magnam, eò quòd plurimi filij Ecclesiæ sponsæ meæ, semel tantum in anno, panem vitæ comedunt: & libertatis genus existimant, ad frequentem communionem non accedere. O stulti, & tardi corde ad credendum, & diligendum me. Nonne oportebat, quasi graue mortis supplicium timere, non amplius, quàm semel in anno, pane viuo refici? Quare ergo supplicium hoc ipsi Adæ filij sponte sua sibi sumunt, & fame mortalissima siccantur? Non est sanum consilium hoc: ingratiſſimo; & durissimo corde digna est alienatio hæc. Vos ergo filij, qui desideratis viuere propter me, frequenter manducate me. Aperite mihi penetralia cordis vestri; & intra viscera vestra meæ dulcedinis auda, recondite me. Dilatate os vestrum, & implebo illud: & extensis desideriorum brachijs amplectimini me. Certè tantus esse deberet dulcissimi panis amor, vt nequè diebus, nequè noctibus, ab altari, vbi seruatur sacramentum meum, recederetis: Solaquè ineuitabilis necessitas vos ab eo loco violenter abstraheret. Recedite ab eis, qui me derelinquunt, & recedentes à me, non in cælo, sed in terra scribuntur, quorum alius discedit in uillam suam, alius ducit vxorem, alius vadit ad Babyloniam negotiationem suam. Imitamini filios primi-



primitiue Ecclesiæ meæ vnanimis in domo, & sapissimè communicantes in fractione panis, quo viuatur, & aperitur via ad immortalem vitam meâ. Hæc sit negotiatio vestra: hæc sit sapientia, & fortitudo vestra: hæc sit delectabilissima exercitatio vestra. Accedite ad me, & inæstimabilem dulcedinem meam in ipso fonte gustate, & eritis leonibus fortiores, aquilis velociore, & facies vestra splendet sicut sol. Et ego vobiscum habitabo: & splendoribus æternis, ac infinita lætitia, futuræ gloriæ prænuntia, implebo viscera vestra.

*Cap. X. Hortatur ad officia  
misericordiæ.*

**I**NDVIMINI filij mei, viscera misericordiæ, & afflictis compati, & succurrere discite. Hæc est requies mea, vt per vos lassæ manus roborentur, & genua debilia confortentur. Pauper culis, & contritis corde, tanquàm mihi ipsi subuenite: & ego ipse, qui pauper fui in terra, quam dedi filiis hominum, retribuam ijs, qui in persona egenorum, honorauerunt me. Facite vobis amicos de substantijs vestris, vt recipiant vos in æterna tabernacula. Si ad mensam meam, in amplissimo regno meo, cum principibus, sedere vultis; ne come-

comedatis buccellam vestram soli : & inopes de velleribus ouium vestrarum calefiant . Benedictio perituri veniat super vos , & oculos viduæ expectare , ne finatis . Et ego odorabor misericordiam magis , quàm intempestium sacrificium : & pro misericordijs pauperum , respondebit vobis iustitia redemptionis meæ . Attendite voces miserorum , quibus emollitur cor meum , & hospitalia ; domosquè afflictorum , fame , & egestate pereuntium , cum muneribus visitate . Væ crudelibus , quorum promptuaria sunt plena , eructantia ex hoc in illud & è fenestris elaboratis , sine compassionis sensu , prospiciunt nudos , & fame , ac frigore gementes filios meos . Viscera crudelia odit anima mea . Fugite crudelitatem : & super afflictos flete , & amplectimini pretiosa valde pignora mea . Accurrite velociter , & mittite eleemosynam in sinum pauperis : & ipsa subtilissimis vocibus , orabit pro vobis : & reportabit letum nuntium firmissimæ spei , & celestis letitiæ meæ . Beati illi , à quorum conspectu pauperes nunquam desolati recedunt . Beati qui gemitus egenorum nunquam repellunt , nec importunitate vincuntur . Beati qui miserando delectantur , quoniam mercedem , magnam , mensuramquè bonam , & conferatam , & coagitatam recipient ; & cum infinita consolatione , intrabunt in eternum gaudium

dium Clementissimi Patris mei .

*Cap. XI. Hortatur ad tolerantiam , & remissionem  
Iniuriarum .*

**S**I verè sapientes , ac beati esse desideratis , filij charissimi , scitote vos fore beatos , cum homines vobis maledixerint , & exprobrauerint , & dixerint omne malum aduersum vos , si patienter sustineatis , non reddentes malum pro malo , sed vincentes in bono malum . Hec est altior mundo eruditio mea , quam docui discipulos meos , factus opprobrium hominum , & postrema abiectio plebis . Hæc est prudentia Iustorum sæpè notata in dulcissimo testamento , & Euangelio meo . Cum enim essem honore infinito dignus ( quasi vnigenitus à Patre , splendor gloriæ , & figura substantiæ eius ) versus sum in parabolam ciuitatis regiæ , & sacerdotalis , quam dilexi . Veste alba , ad contemptum , indutus fui , & circumdatus purpureo vestimento , tenens sceptrum arundinem , & coronam dolore , & irrisione plenam . Descendi ad postremam vilitatem , & abyssi opererunt me . Quis hic cognosceret filium Dei Altissimi , inter impropéria innumerabilia ,  
que

quæ ceciderunt super me ? Scriptum est : Vidimus eum , & non erat ei aspectus , nequè decor , vnde nec reputauimus eum . Quid hîc dicam de ignominiosa comparatione Barabbæ , cùm Dei verbo , per quod facta sunt omnia ? Quomodo optimates sanctæ Ciuitatis præposuerunt hominem seditiosum , latronem , & homicidam , Regi , Redemptori , & Deo suo ? Sed nequè hîc opprobria mea cessauerunt : adhuc enim morienti caput agitantes insultabant , vt saturatus opprobrijs interirem . Et tamè in omnibus his irrisionibus , quibus aduersùm me loquebantur , qui sedebant in porta , non me vlcisci cogitaui , sed cor mitissimum exhibui , & infiniti amoris ostensione pro irrisoribus sanguinem meum , & supremas intercessionis voces ad Patrem misi . Hoc est exemplar , quod imitari debetis , filij , vt iniurias patienter feratis , & remittatis vnusquisquè fratri suo , de cordibus vestris . Bibite mecum calicem improprij datum à me vobis in mensura : & opiniones hominum pro nihilo ducite . Quid interest , si vani homines malè de vobis sentiant , aut loquantur ? Nunquid propterea delebo vos de libro vitæ , & honoribus æternis expoliabo ? Si hominum contemptum mecum hilari vultu feratis , filij mei , nomen vestrum requiretur à generatione in generationem , laudesquè vestras suauissimè pronuntiabit Ec-

cle-

clesia. Et ego in regeneratione, cum venero in Maiestate, celebrabo clarissimas victorias vestras.

*Cap. XII. Monet patientiam internæ desolationis.*

**S**VPER flumina Babylonis, in captiuitate dura, longè à dulcissima Ierusalem, ciuitate vestra, sedetis, filij mei. Quocirca ipsa exilij vestri ratio postulat, vt internas desolationes patiamini suspirantes ad libertatem filiorum Dei, qui iam letantur in Ecclesia magna, quæ sursum est. Nequè rationi consonum esset, cælestis patriæ priuilegia in terrene incolatu, habere velle. Propter quod, Iusti mei, quos ego in charitate perpetua dilexi, quamdiù mortali vita viuunt, alternis consolationibus, & desolationibus exercentur, vt multiplices coronas acquirant. Certè Paulus seruus meus, non erat semper ut Benjamin adolescentulus in mentis excessu, ut in tertio Cælo audiret arcana uerba, & potaretur torrente uoluptatis mee: Sed frequenter mortificabatur tota die, aestimatus sicut ouis occisionis, grauatus supra uirtutem, ita ut tæderet eum etiam uiuere. Hæc est uicissitudo electorum, qui nunc ascendunt usque ad Cælos,

nunc descendunt vsquè ad abyssos , & anima-  
 eorum desolatione tabescit . Ex quo apparet ,  
 quàm malè de me loquantur aliqui serui mei ,  
 qui statim ac ariditate vexantur , omnem pa-  
 tientiam abijciunt , & murmurant aduersùm  
 me . Nonne omnia tempus habent , & diuersum  
 est tempus lætitiæ à tempore luctus ? Quem  
 electorum meorum non exercui , vt viderem ,  
 an puro corde sequeretur me ? Quoties distu-  
 li , & probavi Dauid amicum meum , factum  
 ad exemplar cordis mei ? Mirabile est seruos  
 meos , qui semel gustarunt suauitatem meam ,  
 tempore derelictionis non latari , & exultare  
 in me memores vberum meorum super vinum .  
 Absit à vobis , ò filij , deiectionis , & infidelitas  
 hæc , ne sitis è numero illorum , qui confitentur  
 mihi tantummodo , cùm benefacio eis : sed in-  
 tima gratitudine , tam desolationem , quàm  
 consolationem , numerate inter magna benefi-  
 cia mea : & tam nocte , quàm die cantate in-  
 æstimabiles misericordias meas . Ego noui quid  
 expediat vobis : nunc vos reficiam ad duode-  
 cim fontes aquarum , & septuaginta palmas in  
 Elim ; nunc inter deserti arenas , vos sitire  
 patiar , vt quærat , & diligatis me . Probabo  
 vos filios meos , & examinabo , sicut examina-  
 tur argentum , ex quo formantur vasa electio-  
 nis , ad ministerium templi mei . Et postquam  
 vos , modico tempore , probauero , recorda-

bor vestri, miserans adolescentiam vestram, & laudans fidem, & charitatem desponsationis vestræ: quia fidelissimè secuti estis me in deserto ariditatis, in terra, quæ non seminatur.

*Cap. XIII. Docet diuersos motus naturæ, & gratiæ.*

**C**ONSIDERATE vos ipsos, filij mei, qui, quasi Rebecca, duos populos belantes in vtero vno portatis: vt animales affectus spiritui subiicientes vocemini, & fitis pacifici filij Dei. Natura quærit exaltari, & ambulare, sicut vanæ filiæ Sion, extento collo; ad ostensionem vanitatis suæ. Gratia quærit humiliari sub potenti manu Dei, & hominibus vilis apparere. Natura cupit diuitias, & commoditates, vt inueniat consolationem. Gratia cupit inopiam, & incommoda, renuens in hoc mundo consolari. Natura quærit occasiones vanæ, & superflue loquendi, vt hominibus placeat. Gratia quærit occasiones tacendi, vt soli Deo probetur. Natura desiderat familiaritatem, & conuersationem hominum. Gratia desiderat solitudinem, & absconditam communicationem meam. Natura optat curiosa, & noua semper scire, ac inuenire.

nire . Gratia optat simplicem , & castam eruditionem meam . Natura appetit dulcia , & lauta conuiuia . Gratia requirit vilia pauperum alimenta . Natura cupit diu viuere . Gratia putat lucrum , citò mori . Natura odit psalmodiam , vigiliam , & orationem . Gratia lætatur Ecclesię cantu , nocturnis suspirijs , & orationibus . Ecce filij , quàm longè discrepant natura , & gratia . Certè sicut exaltantur Celi à terra , sic exaltantur vię meę à vijs vestris . Vos ergo , si desideratis eò ascendere , quò ascendit diuina gratia mea , vt fons aque salientis in vitam æternam ; motus naturę corruptę reprimite , & legem spiritus mei purissimo corde seruate . Exercete gladium spiritus , quod est verbum Dei , & animales affectus viriliter refecate . Estote filij columbę deargentatę , cuius præmia , posteriore tempore ventura , sunt in pallore auri , quo gratiæ merita , in regno meo remunerantur . Recedite ab ædificatoribus Babel , cuius culmen numquam pertinget in Cælum . Ego enim descendam , vt videam ciuitatem , & turrin , quam edificant filij Adam , naturę motibus incitati . & confundam linguas , & cogitationes eorum , oppositas mansuetudini meę . Vacate potius , & sine strepitu malleorum , ædificate taciti ruinas Ierusalem , quas per gratiam meam , implere desidero . Discernite in vobis ipsis , quid



gratia suggerat contra naturam. quasi exploratores vigiles in turri Libani, quę respicit contra Damascum, Urbem inimicam, almę Ciuitatis meę. Et ego vos instruam inuicta fortitudine militię meę; & habebo inter dulcissimos filios meos.

*Cap. XIII. Monet studium, & amorem sacre scripturę.*

**D**OLEO vicem sapientum mundi, o filij mei, quia tanquã multa febre phrenetici, vt sitim sciendi expleant, plurimas hominum doctrinas cum labore, & anxietate discunt, & sanctos, castosquę libros meos, solatio habere nolunt. Colunt terram sterilem, spinas, & tribulos germinantem; vnde alienatio mentis, & stimuli conscientię nascuntur, & paradisum Eden, vbi crescit arbor scientię boni, & mali, & lignum vitę confurgit; suauissima cultura operari, & custodire non curant. Quid sibi vult amentia hæc? Quid querunt imitatores Cain profugi, & vagi in terra aliena? Currunt, atquę discurrunt, per humanas disciplinas, & euoluunt multa volumina, in quibus nulla sit mentio mei, quasi non

audierunt Iesum Christum Dei virtutem, & sapientiam esse; & scriptura sancta spiritum vite contineri. Mirum est hoc, homines christianos, qui nouerunt, vbi sapientia inueniatur, & quis sit locus intelligentie, scholam meam deferere, quam Reges, & Prophetæ cupierunt. Vos autem filij, qui de spiritu vitali meo vivere, & tanquam lignum, quod plantatum est fecus decursus aquarum, fructum in tempore suo reddere desideratis, miti corde legite, & meditamini fidelia testimonia mea; quorum declaratio intellectum dat paruulis, & simplicibus, cum quibus est secreta fermocinatio mea. Querite suppliciter, & inuenietis; pulsate constanter, & aperietur vobis sensus ad capienda melle dulciora, & mundo altiora eloquia mea. Postulate in fide, nihil hesitantes de infinita bonitate, & suauitate mea. Clamate ad me, & exaudiam vos: & ostendam vobis grandia, & firma, quæ ignoratis; replebitque scientia mea pectora vestra; Et apparebit vobis formosissima lux e Cælo, qua suspendemini admirantes altissimam sapientiam castitate, & simplicitate sermonis mei velatam, ut mandis corde, & humilibus reueletur. Ingrediemini in absconditos sensus spiritus mei, qui scrutatur profunda Dei: & egrediemini pinguiore; quam antea; & pascuis dulcissimæ sapientiæ; quam e puteo alto mei cordis haurietis.

*Cap. XV. Hortatur ad qua-  
rendum magistrum vitæ  
spiritualis.*

**N**E innitamini prudentiæ vestre filij, quàm-  
vis multa didiceritis : Sed imitamini  
sponsam meam innixam super dilectum suum.  
Multos seduxit nimia æstimatio sui ; ita vt al-  
tum saperent , nec dignarentur senum , & ex-  
pertorum iudicium sequi . Iusti verò , & mi-  
tes corde nihil sibi fidentes , multa sollicitudi-  
ne quærunt magistros ; non prurientes auribus ,  
sed qui vel corripiant , & increpent in miseri-  
cordia , vel instruant in spiritu lenitatis , iux-  
ta regulas absconditæ sapientiæ meæ , quam  
omnes de se præsumentes ignorant . Propter  
hoc filij , qui erratis ab utero , ne placeatis vo-  
bis ipsis , in ea scientia , quam in scholis fortas-  
se comparastis : sed statim , ac mihi seruire in-  
cipitis , existimate vos indigere , vt doceami-  
ni , quæ sint prima elementa exordij sermonum  
Dei : & in hac sententia perseuerate . Op-  
nentur alij , quod volent , & se sapientes esse  
confidant : Vos autem propriæ cognitioni stu-  
dentes recordamini patris vestri primi Adam ,  
qui cum in honore esset , non intellexit , & ad

secundum Adam, qui est Dei virtus, & sapientia, humiliter recurrite. Et ego per seruos meos, quos illuminavi splendore sapientię meę, docebo vos viam prudentię, vt super omnes mundi doctores intelligatis. Ostendam vobis, vbi cubem in meridie: ne uagēmini post greges sodalium meorum, qui personam meam fingunt, sed nō mores meos repręsentant. Deducā vos per vias rectas, & à longē ostendam vobis regnum Altissimi Patris mei: vt sciatis à vię principio, quò dirigenda sint primogenita desideria vestra. Non relinquam hominem nocere vobis, sub salutari vmbra alarum mearum, per desertum vitę mortalis, ambulantes: & ero vobis me ductorem sequentibus, sicut Aquila prouocans ad volandum pullos suos, & super eos volitans. Hęc est lex fidelitatis meę, vt nunquam deferam humiles corde, qui voluntatem meam de seruorum meorum ore requirunt: & eò ipso, quòd sibi diffidentes alieno iudicio subduntur, facilius, & breuius eos ad perfectionem christianam inestimabili lucro, & intima consolatione perducam. Hanc igitur instructionem meam filij, studiosissimè arripite, & suauissimę disciplinę meę honestatem, & securitatem amate.

Cap. XVI. Ostendit discrimen vite Iustorum, & impiorum.

**E**GO quos amo, castigo, & tanquàm aurum in fornace tribulationis probo. Vasa enim electionis sunt, quę igne examinantur. Respicite seruos meos, quibus dedi potum in lachrymis in mensura, & videbitis illos nouissimos tanquàm morti destinatos, è quibus alij ludibria, & verbera experti, alij vincula, & carceres passi, alij per medium secti, & in occisione gladij mortui sunt. Alij fugientes de ciuitate in ciuitatem, alij in solitudinibus errantes, alij in maris insulis absconditi, ostenderunt se peregrinos esse super terram, vt hereditatem filiorum Dei in Cēlo possiderent. Quòd si ego interdum non reliqui virgam peccatorum super sortem iustorum, ne electi mei tribulationis magnitudine superati, extenderent ad iniquitatem manus suas; non ideò putare debetis, me nolle electos meos laboribus, & angustijs exerceri. Stulta enim cogitatio est hæc: nequè decet infinitam bonitatem meam, seruos meos dilectissimos tot coronis priuare, & gloriam meam diminuere. Certè quòd chariores mihi sunt, eò grauius eos tentari permitto, &

to, & velut iratus repello, sicut repuli Israël  
 seruum meum, semen Abraham amici mei.  
 Quod adeò verum est, vt non solùm eos tenta-  
 ri sinam, sed & ego tentem eos, vt virtus ten-  
 tata resplendeat, & respondeat victoribus  
 meis cras iustitia mea. Hæc est nota iustorum,  
 vt ducant vitam amaritudine plenam, & inebri-  
 entur absynthio, qui bibitori sunt vinum,  
 dulcissimum in regno Patris mei. Peccatorum  
 verò vita contraria est. Ipsi enim, quorù spes in  
 terra posita est, in labore iustorum hominum nō  
 sunt, & cū hominibus pijs nō flagellantur. Nō  
 est ruina maceræ, nequē transitus, nequē cla-  
 mor dolentium in domibus eorū. Oves eorum  
 fætosæ, abundantes in partibus suis: boues eo-  
 rum crassæ. Omnia eis ad nutum succedere vi-  
 dentur, & vana lætitia filij eorū exultant. Hæc  
 est pars impiorum, qui seruantur ad pænā. Hæc  
 sunt vasa iræ apta ad interitum, quæ sustineo  
 in multa patientia: vt ostendam diuitias glo-  
 riæ meæ, in vasa misericordiæ, quæ pater meus  
 præparauit in gloriam. Propter quod moneo  
 vos filij mei, vt gloriemini in tribulationibus,  
 tanquam in salutis æternæ signis, scientes  
 quoniam tribulatio patientiam operatur, pa-  
 tientia verò spem, spes autem adoptionis filio-  
 rum Dei non confundit, sed exhilarat conscien-  
 tiam, & generat fortitudinem ad viam man-  
 datorum, cū exultatione currendam. Cur-

rite

rite ergo filij, per dolores, & sudores: vt labores manuum vestrarum suauissimo sapore plenos, in regno meo manducetis.

*Cap. XVII. Describit mortem iusti.*

**E**CCE quomodo moritur iustus, & nemo considerat, cum consideratio, & suavis valde, & ad conuertendas animas efficax sit. Certè iustus, si morte præoccupatus fuerit, in refrigerio erit, non solum postquam intrauerit in gaudium Domini sui, sed etiam in ipso transitu mortis, quæ est vltima rerum terribilium. Cum enim ipse mortem benè viuendo superauerit, non tanget illum tormentum mortis, licet videatur oculis insipientium, mori. Tunc quippè, postquam hyems transijt, imber abiit, & recessit, ver nouum eternæ consolationis incipit apparere: & dum auditui eius, per bonum nuntium, ego do gaudium, & lætitiā, exultant ossa tandiū humiliata, & vehementer concupiscit in atria mea. Tunc videt, quā bona fuerit negotiatio eius, & lætatur super bona opera sua, sicut qui inuenit spolia multa. Tunc sentit, quā vera fuerit vox, quam audiuit Ioannes seruus meus de Cælo dicentem sibi: Beati mortui, qui in Domino

mino moriuntur : & ex intimis medullis exul-  
 rat , cū ijs, qui ad cœnam Agni vocati sunt .  
 Tunc animæ laboribus, & tentationibus proba-  
 tæ, atquē repulsæ, loquor ad cor dulcissimè, & a-  
 mantissimè dicens: Surge, propera, amica mea,  
 columba mea, & veni . Iam satis pugnatum  
 est in terra inimicorum : Veni iam coronaberis,  
 & possidebis, quem diū desiderasti . De  
 torrente laborum bibisti in via : propterea  
 exaltabis caput, & omnem terrā solidissimam,  
 quam conspicias, tibi dabo . Modicū labo-  
 rasti, atquē fleuisti : in æternum requiesces,  
 atquē ridebis . Iam transierunt nubila vitæ la-  
 boriosæ, atquē sollicitæ, respice serenitatem  
 Cæli, & candidissimam lucem apparentem ti-  
 bi . Ne formides à facie inimicorum obsiden-  
 tium te, quia ego tecum sum, vt liberem à  
 tauris pinguibus sponsam meam . Egredere  
 iam de carcere corporis, vbi tandiū inclusa  
 fuisti, vt fruaris pretiosissima libertate ciuita-  
 tis meæ . Veni, vestieris purpura, & bysso, fi-  
 lia Sion, quæ prudentiam iustorum didicisti,  
 & omnem ornatum sæculi contempsisti propter  
 me . Diligo te, sponsa, sicut animam meam :  
 ne ti meas, quia ab æterno amaui, & elegi te .  
 Veni dulcissima electa mea, & ponam in te re-  
 gium thronum, & delitiosissimum reclinato-  
 rium meum ; concupiui enim ego Rex Pacifi-  
 cus suauissimum decorem tuum . In hunc mo-  
 dum,



dum, filij mei, recipio in pace venientem, de militia animam iusti, quasi charissimam, prædam meam. Cogitate vos huius consolationis magnitudinem, & per bona opera vitæ, ad bonam, & beatam mortem properate. Omnes quantumvis peccatores, benè mori vellent (sicut infelix Balaam) dicentes: Moriatur anima mea morte iustorum: & fiant nouissima mea horum similia. Sed non erit benè in extremis ijs, qui optant extrema iustorum, & non curant obseruare principia. Sequimini me dum vivitis, o filij, & ego vos morientes, vt fidelissimus adiutor in opportunitatibus, visitabo.

*Cap. XVIII. Describit mortem peccatoris.*

**E**XISTIMANT homines peccatores, me peregrè profectum nunquam rediturum, vt ponam rationem cùm eis. Stulta nimis est persuasio hæc, cùm statutum sit omnibus hominibus semel mori. Cirò veniā reddere vnicuiquè secundum opera eius: & sicut nullum opus pietatis, sine præmio relinquam, ita nihil impietatis inultum remanebit. Veniet nox, in qua nemo potest operari: quando iubebo ministris meis, vt seruum nequam, crudelem in-

con-

conseruos suos, & ingratum innumerabilibus  
 misericordijs meis, mittant in tenebras exte-  
 riores. Vē impio in malum. Vē horæ illi ex-  
 tremæ, in qua peccatoris anima adultera in  
 vmbra mortis, & horrorem sempiternum  
 præcipitabitur. Erat in terra defixa, vbi ca-  
 piebat prohibita solatia sua, immemor angu-  
 stiæ superuenturæ: & auellitur de tabernaculo  
 suo fiducia eius, & calcatur super eam, quasi rex,  
 interitus. Tunc dicit illi cor suum immenso  
 pondere iniquitatis oppressum: Vide quia  
 malum, & amarum est, reliquisse te Deum  
 tuum, & non fuisse timorem eius apud te. Iam  
 non superest locus penitentiae, & peccata tua,  
 terroresquē Dei militant contra te. Quid pro-  
 fuit tibi iactantia, & color mundanæ gloriæ,  
 quam quæstisti? Ecce omnis voluptas tua in a-  
 maritudinem versa est; & deuorat pulchritu-  
 dinem cutis tuæ primogenita peccati, mors.  
 Respice canes multos latrantes, & rabie in-  
 citatos, qui te circumstant, vt te prædam  
 suam inferorum faucibus detrudant. Hęc, &  
 similia suggerit cor hominis iniusti malè mo-  
 rientis: qui antequam expiret, cruciatum in-  
 ferni in ipso lecto præsentit. Et ego æquissi-  
 mus Iudex impio morienti sic respondeo: Stul-  
 tē egisti infelix homo, cum recessisti a me:  
 Multiplicasti delicta, quasi nunquam mori-  
 turus: nemo nunc eripiet te de manu mea.

Quan-

Quando videbas furem, & currebas cū eo, & cū adulteris portionem tuam ponebas : Quando os tuum aduersus innocentes abundabat malitia, & lingua tua concinnabat dolos : ego patienter sustinebam, vt te longanimitate mea, ad pēnitentiam prouocarem. Tu verò odisti disciplinam meam, & proiecasti sermones, & inspirationes meas retrorsum : & secundū duritiam tuam, & impēnitens cor, thesaurizasti tibi iram in diem iræ, & iusti iudicij mei. Recurre nunc, in angustia mortis ad Deos tuos, in quibus habebas fiduciam. Surgant, & opitulentur tibi, & in necessitate te protegant. Hoc est iudicium, & fors hominis extra gratiam meam morientis, qui sua impietate constringitur, & damnatur. Quocirca qui habet aures audiendi audiat, & tanquam reus ingemiscat : vt me quasi iudicem in vita sustinens, in agone mortis, quasi clementissimum patrem inueniat.

Cap. XIX. Hortatur IESVS CHRISTVS

ad considerationem  
vitæ suæ.

**D**ESOLATIONE desolata est omnis terra, o filij, quia nullus est, qui recogitet corde, & consideret opera mea, quibus saxa mouentur. Certè christiani omnes, totius vitæ meæ exempla deberent attentè meditari; vt prudentiam iustorum ediscerent, & viam ciuitatis supernæ inuenirent, in loco horro-  
ris, & vastæ solitudinis. Sed præter paucos absconditos, & abiectos seruos meos, qui in toto corde suo exquirunt me; vix inuenitur, qui delectetur consideratione vitæ, & operum meorum, in quibus lucet candidissima lux sapientiæ, & dulcissima misericordia mea. Illi verò pauci serui mei, quibus dulcescit meditatio mea, siue pueri, siue iuuenes, siue senes sint, enituntur prouidere me semper in conspectu suo: Vt faciant omnia opera sua secundum exemplar, quod in monte perfectionis eis monstratum est. Audierunt, decreuisse æternum Patrem meum, electos suos, quos præsciuit, & prædestinavit, conformes fieri imagini filij

filij sui, vt sim ego primogenitus in multis fratribus: & tota fortitudine sua, conantur honestissimam formam meam imprimere visceribus suis. Beati certè sunt hi amici mei, qui non sola consideratione, sed imitatione quoque in seipsis representant innocentissimam vitam meam. Propter quod filij mei, estote sapientes, & hunc librum vitæ, statis horis, legite, atque relegite. Hæc sit perennis exercitatio vestra omnibus doctrinis altior, & omni thesauro pretiosior: quæ ad omnem euentum confirmabit humilia, & casta corda vestra. Legant alij curiosas, vel vanas terrenorum regum historias, è quibus occasionem suæ vanitatis, & damnationis eliciunt: Vos verò auidissimè studeatis historiæ meæ, quæ mites animos, & æternæ salutis desideria creat. Et ego pijs affectibus vestris misericorditer respondebo: & extincto mundi desiderio traham vos in funiculis humanitatis meæ: vt dum visibiliter me cognoscitis, præsentissimo auxilio meo, in rerum inuisibilium amorem rapiamini: & de suauissima consideratione vitæ meæ indiuitiæ notitiam, vbi fons æternæ consolationis manat, ascendatis.

*Cap. XX. Monet contemplationem diuinarum perfectionum.*

**B**EATI mundo corde, quoniam ipsi in cœlesti patria Deum clarè videbunt, & in vita quoquè mortali, formosa valdè luce mea illustrabuntur, vt quod maius omnibus est, purgato mentis oculo cognoscant. Hæc est pars magna sapientiæ iustorum, qui respuentes omnem mundi sollicitudinem, inæstimabili suauitate, spectacula æterna, & inuisibilia contemplantur; vt ad infinitam bonitatem, ac pulchritudinem meam, benè affecti, omnem gloriam hominum despiciant, & ex toto corde me diligant. Hæc est prudentia, quam fortissimi milites mei, abnegatione sui, & eleuatione mentis, supra omne, quod videri potest, compararunt. Hic est thesaurus absconditus, quem qui inuenit homo; vadit, & præ gaudio illius, vendit omnia, quæ habet, donatquè pauperibus, & promptissima voluntate sequitur me. Propter quod, filij mei, si desideratis cognoscere, & me, & clementissimum Patrem meum, abijcite curas alias, & à finibus Tyri, & Sidonis, vbi auditur strepitus negotiatorum mundi, ad montem Visionis, ci-

tò recedite . Scitote , quia non habitat bonum in carne vestra : & proinde ab ea quoquē discedite , & sensuum officia parcè permittite : Ut ad verticem Phasga, erectione cordis ascendentes, exploretis à longe terram æternæ promissionis , vbi gustatur fructus paradisi mei. Surgite super vos ipsos , & quantum fert humana fragilitas, oculos mentis in candore lucis æternæ figite . Contemplamini infinitam Maiestatem, & suauissimam pulchritudinem formæ dei, quam postquàm probati fueritis , visuri estis . Aperite penetralia cordis , & viscera vestra , ad potum aquæ purissimæ, è fonte viuo manantis, dilatate, Ego vos in summitate Horeb erudiam , & per interualla , fessos recreabo : ut discatis quia melior est dies vna, vel etiam hora vna in atrijs meis, super millia . Ardebunt coram me corda vestra, quasi lampades ignis, atquē flammæ : & fortissimus amor meus vincet fragilitatem vestram. Scio quia (ut olim Iacob seruus meus, cui fuit nomen Israel ) stricissimo amplexu tenebitis me , nequē recedatis, donec dulcissima benedictione mea roborermini . Huc filij mei, per labores, & agones asperate : & extensis brachijs desideriorum, ad suauissimæ Sionis altitudinem , per arctam viam, ascendite.

*Cap. XXI. Hortatur ad pacem cordis querendam.*

**B**EATI pacifici, quoniam dulcissimo nomine, & inestimabili consolatione, filij dei vocabuntur: nequè vanè vocabuntur, quia per adoptionem infinita consolatione plenam tales erunt. Omnia in eis pacifica sunt: quia & anima, & corpus conuenerunt in vnum: & omnia pro captu suo, sitiunt ad Deum fontem viuum. Hæc est pax pretiosissima, quam dedi, & fidelissimo testamento reliqui discipulis meis quos mundus odit, & tanquàm hostes suos persequutus est. Hæc est pax, qua electi mei gaudent in cælo, & pauci aliquot in terra: quia conuersatio eorum in Cælis est, & thesauros suos in cælo condiderunt. Pax hæc tam longè est à filiis huius sæculi, quàm longè est à peccatoribus salus. Non enim est pax impijs, quamuis illam sollicitè requirant, dum illicita desideria sua explere conantur. Pax vera Iustorum priuilegium est; quia vnicè diligunt immaculatam legem meam, & non est illis scandalum. Ego Rex Pacificus, cui tributa reddunt omnia corda nobilia in Cælo, & in terra, auctor sum pacis huius, quam mundus non cognouit. Abyssus sæculi dicit, Non est in me,

& ma-



& mare negotiorum mundi loquitur, Non est mecum. Perditio inferni, & mors dixerunt, Auribus nostris audiimus famam eius. Certe beati sunt, qui pace mea fruuntur, quæ superat omnem sensum, & omnes mundi honores, diuitias, & voluptates. Vos ergo filij, inquirete pacem hanc, & persequimini eam: contemnite omnes thesauros regum terrenorum, & omnes negotiationes filiorum Agar; vt ad eam peruenire possitis. Humilitatem, & mansuetudinem meam discite, ne perturbemini varijs euentibus rerum: & ego qui humilia corda nunquam despexi, postquam vos probauero, ita vt naus vestra penè mergatur fluctibus, imperabo ventis passionum, & temptationum, vt requiescant: & fiet tranquillitas adeò magna, vt admiremini dicentes: Quàm bonus, & potens est Altissimi filius, quia mare, & venti obediunt ei? Si vestra non curetis, sed in me omnem sollicitudinem proijciatis, dabo vobis dilectis meis somnum cum vigiliæ cordis benè coherentem: vt inter mundanas varietates securè quiescatis, habentes ibi fixa corda, vbi vera sunt gaudia. Dirigite me totis visceribus, & præter me, nequè vitam, nequè mortem, nequè honorem, nequè infamiam estimare, & orietur intra vos iustitia, & abundantia pacis, donec à sua varietate auferatur luna. Hæc est hæreditas filiorum Dei. Hæ sunt

opes regum, qui mecum sine fide regnaturi sunt : quas præparavi humillimis, & mansuetissimis electis meis, in sancta Ciuitate mea.

*Cap. XXII. Hortatur ad  
gratiam humiliter oc-  
cultandam.*

**F**ILII, fugite vanam ostentationem gratiæ meæ; nequē narretis cum iactantia, quasi gratias agentes, quòd ieiunetis bis in sabbato, & opera bona faciatis. Væ illis, qui pleni sunt sermonibus, quos coarctat spiritus vteri sui: quorum venter est, quasi mustum, absquē spiraculo, quod lagunculas nouas dirumpit. Hæ Virgines fatuæ non diù habebunt oleum deuotionis, & spiritualis letitiæ in vasis cordium, secretum meum custodire nolitum. Melius consilium est, gratiam meam, humilitatis pallio tegere, & in abscondito latari mecum, in secreta voce exultationis, & confessionis, qua conseruatur, & crescit misericordia mea. Cauete singularitatem, qui simul viuitis, & communes actus, sine affectatione, & signis nouitatis frequentate. Estote ynanimes in domo mea, quæ similitudine actuum

Ætuum exteriorum, & æqualitate decoratur. Castra Dei sunt hæc, & tentoria Israel pulchra, & ordinata: ne prætereatis ordinem, ut præ alijs appareatis. Certè si ambulaueritis in magnis, & in mirabilibus super vos: sicut puer ablactatus iacet tristis in genibus matris suæ: sic & vos, priuati dulcissimo lacte deuotionis, decumbetis in gremio Ecclesiæ genitricis vestræ, ac sponsæ meæ. Hæc est enim iusta retributio vanæ, & singularis ostentationis eorum, qui conseruare nesciunt suauissimum manna meum. Intelligite quæ dico filij, ne fiant corda vestra, sicut vter in pruina, qui humore ficcato, gelu constringitur: & efficiamini inepti ad requirendam faciem meam. Beatus vir, qui semper est pavidus, etiam cum abundat consolatione mea: ipse enim per gratiam meam augebit incrementa frugum iustitiæ, & lætitiæ, quæ bonæ conscientię testimonium est. Filij, in terra inimicorum, & latronum habitatis; ne portetis thesauros publicè in via; sed studiosissimè abscondite illos, & coram solo Patre meo, merita vestra multiplicare. Et Clementissimus Pater meus, qui videt in abscondito, reddet vobis coronas immortales infinita consolatione plenas: quæ æstimatione mea, omnem mundi gloriam, & opulentiam superabunt. Hæc sit prudentia vestra, quam mundi sapientes seducatis, ut seductores, &

veraces : sicut qui ignoti , & mihi cogniti : sicut nihil habentes , & in sacrario cordis clauso , omne bonum possidentes : & gratia mea pleni , ad beatissimam lucem gloriæ , festinantes.

*Cap. XXXIII. Ostendit in nullo bono esse gloriandum.*

**C**ONSIDERATE filij , misericordias meas , quæ confitentur mihi , & mirabilia mea ; quæ feci filij , hominum . Omne donum quantumvis paruum , aut magnum , desursum est , descendens à Patre luminum , qui gratis vocavit vos in admirabile lumen suum . Non enim vos prius dilexistis eum , sed ipse prior amore fidelissimo dilexit vos , & cælesti gratia sua preuenit vos , & circumcidit præputium cordis vestri , ut diligeretis eum totis affectibus , & viribus . Et ego Unigenitus filius eius dedi vobis potestatem filios Dei , pretiosissima adoptione fieri , non expectans à vobis præueniri . Non enim vos me elegistis , sed ego gratuito elegi vos , ante mundi constitutionem : ut essetis sancti , & immaculati , confortes infinitæ Iustitiæ , & puritatis meæ . Gratia mea estis quicquid estis ; & nihil habetis quod à dulcissimo Deo fratre , & amico vestro non acceperitis : & per me habetis accessum ,  
ad .

ad æternum Patrem meum : à quo omnis paternitas in Cælo, & in terra nominatur, & omnis pius affectus originem trahit . Per me non ardetis iam igne sempiterno, quem meruistis; & per me habetis spem incedentem usquè ad interiora Dei, quam ego impressi visceribus vestris . Per me à gratia in qua statis, non excidistis; & versa non est in luctum inæstimabilis lætitia vestra . Cùm ergo sine me nihil possitis facere, & ne vnam piam cogitationem habere valeatis: cauete ne bonis operibus, quæ ex gratia mea facitis, exaltemini, & vanè vobis tribuatis altissimam gloriam meam . Cogitate, quid de se senserint charissimi amici mei, quorum memoria glorificor, & delector. Certè Abraham seruus meus, cui peculiaris amicitie signum dedi, vix de se aliud æstimauit, quàm quòd esset puluis, & cinis . David verò electus meus, ex humili loco vocatus, paruulus fuit in oculis suis : nequè vnquam sibi tribuit misericordias meas, quas in organis lætitie, die, noctequè cantauit . Ne furemini laudem meam : sed laudis hostias, super altaria cordium, in simplicitate multa sacrificare . Agnoscite, quid ex vobis sitis, filij Adæ, & adoptionem filiorum Dei, castis oculis, & puris manibus celebrate . Et placebit mihi sacrificium laudis, sicut dies sæculi, & sicut anni antiqui, quando pauci illi famosi amici mei,

mei , toto corde , quæsierunt faciem meam ,  
& recensebo vos inter maiores natu electissimj  
populi mei .

*Cap. XXIV. Docet vitam hanc  
esse Iustorum exilium .*

**E**X quo peccauit Adam pater vester , filij  
charissimi , & malè vsus est amænissimo  
paradiso , in quo posui cum , vt operaretur , &  
custodiret illum , cepit ipse cùm filijs suis exul  
esse , & in regionem longinquam proficisci . Sed  
regionem hanc laboribus , & angustijs plenam  
peccatores , quasi patriam suam diligunt : &  
corda sua terræ affigentes , requiem , & diutur-  
nam habitationem in exilio requirunt . Iusti  
verò , & electi mei , scientes se in terra aliena ,  
ob peccati pœnam , habitare , multis lachry-  
mis , & suspirijs lamentantur aduersam sortem  
suam : & organa letitiæ è salicibus Babylonis  
suspendentes nullam consolationem admittūt .  
Sunt similes Ioseph seruo meo , quando descen-  
dit in Aegyptum , & amico meo Iacob , quan-  
do fuit accola in terra Cham . Barbara , & in-  
humana est generatio Adæ , iustis meis , quorum  
lingua , quasi peregrina in mundo non intelli-  
gitur . Exercentur dura seruitute tanquàm  
homi-

homines nati ad laborem : nequè calicem  
 aquæ frigidæ gratis inueniunt . Vultus , & ha-  
 bitus , & mores longè diuersi sunt à filiis huius  
 sæculi spontè in terra viuèntibus , qui seruitute  
 delectantur . Propter quod , ingemiscunt gra-  
 uati , dolentes maximè , quia incolatus nimis  
 prolongatus est . Clamant ad me quotidie ,  
 quasi pulli coruorum , vagantes eò quòd non  
 habeant cibos : & sicut mercenarij expectan-  
 tes finem opèris sui . Expectant lucem , & non  
 vident , nequè ortum surgentis auroræ : eò  
 quòd sæculi noctem tenebrosus turbo possidet ,  
 vt diutiùs exerceantur , & considerent , quàm  
 infælix sit conditio derelinentium me : & sus-  
 pirent ad dulcissimam patriam , & charissimam  
 libertatem suam . Beati , qui se exules esse co-  
 gnoscunt , & magnificas domos in terra non  
 sua ædificare nolunt : quia cælestem sapientiam  
 hanc ad discernendum , & iudicandum , caro ,  
 & sanguis non reuelauit eis , sed Altissimus  
 Pater meus , & suus , qui in cælis est . Non  
 adhærebit terræ cor illorum , nequè spem suam  
 in principibus ponent . In curribus , & equis  
 non confident : nequè dicent obrizo ; fiducia  
 mea es . Non erunt tributarij Pharaonis : ne-  
 què solatia parùm casta sequentur . Vos igitur  
 filij , hæc attendentes , futuram inquirete  
 Ciuitatem , & Chananæorum regum consortia ,  
 atquè palatia diligentissimè vitate . Operi quid

pe, & labori vestro merces magna reposita est.

*Cap. XXV. Hortatur ad feruens desiderium summi boni.*

**O**MNIA sub sole transeunt, charissimi filij, & cor hominis infiniti boni capax sedare non possunt. Solus ego, qui sum ipsum bonum infinitum, cor hominis explere valeo, quod per diuinam fidem meam didicistis. Experientia quoque sollicitudinis, quam patimini conuincit vos: quia nunquam cor vestrum in quantalibet affluentia dicit, satis est: quamuis omnia mundi bona vtilia, & honorifica, & delectabilia possideatis. Attendite reges terræ semper inquietos, & meliora bona sollicitè quærentes, & audite iam disciplinam meam. Rex erat fidelissimus seruus meus Dauid, & oblitus regni sui, ardentissime canebat: Quemadmodum desiderat ceruus ad fontes aquarum, ita desiderat anima mea ad te Deus. Nequè vnquam sitis illa sedata est, donec operatus sum salutem in medio terræ, & in candidissima luce gloriæ palam apparui ei, Quod ille benè nouit, quando firmissima spe letus can-



cantauit. Satiabor, cū apparuerit gloria tua. Quid ergo quæritis filij? Quo tenditis per varia desideria? Audi Israel dulcissima verba vitæ: dirige ad me vota tua, & dilata os tuū: & implebo illud. Aperite mihi sinus intimos, & latebras viscerum vestrorum: & aperiam ego vobis venam fontis viui, vt sine tædio, faciemini. Ne suscipiatis fictam mundi redemptionem, vt meliorem, quam ego promisi vobis, inueniatis resurrectionem. Ne quærat in lectulo humanæ commoditatis, quem diligit anima vestra: Sed surgite velociter, & feruentissimis desiderijs, atquē gemitibus ad fertilissimam regionem viuorum suspirate. Estote viri fortes, & coadunatis animæ viribus, ad serenissimā faciē meā, & ad castissimos amplexus meos fortissimè properate. Nunquid non est æquū, vt abiectis curis alijs anima vestra desideret me in nocte, & spiritu vestro, in præcordijs vestris, sollicitudine amoris anhelantibus, de mane vigiletis ad me, vt saturemini fruitione infinite bonitatis, & decoris mei? Ascendite non passibus, sed igneis affectibus, ad conspectum dulcissimæ pulchritudinis meæ, qua tota ciuitas primogenitorum exhilaratur, & validissimè concupiscite suauissimam formam Dei. Filij Sion electi, erigite sursum corda; & Regem vestrum Salomonem, in omni gloria sua decore coronatum, cuius vultum filiæ Tyri in

in muneribus deprecantur , flagrantissimè desiderate legem membrorum aduersantem legi mentis, amando vincite, & supergredientes omne, quod creatum est, in pulchritudinem increatam , & lucem formosissimam deficite . Et respondebo ego purissimis affectibus vestris, & odorabor odorem suauitatis ascendentem ex arca cordis vestri , in amplissimis atrijs domus Domini, in medio triumphantis, & super mel dulcissimæ Ierusalem .



# QVARTA PARS

## QVAE CONTINET

alia monita communia, & alia  
ad status diuerfos per-  
tinentia .

*Cap. I. Monet IESVS CHRI-  
STVS omnia obliuioni  
tradere , ut sola Dei  
memoria rema-  
neat .*



EATI, qui scrutantur  
attentissimè testimonia  
clemētissimi Patris mei :  
& in toto corde exqui-  
runt eum. Sepositis enim  
negotijs alijs , quæ cha-  
ritas , vel iustitia , vel  
obedientia non requirit ,  
in lege dulcissimi, & eter-

nī testamenti mei, meditantur dies ac noctes: &  
spirituales hostias pacificas semper mihi puro  
cor-

corde sacrificant . Cor eorum , & cogitatio apud altissimum , in cuius conspectu , per vigiliam charitatis , iugiter versantur:& timent ab eo separari, sicut mors timeri solet. Cognouerunt enim, quia vita in voluntate eius, & ira in indignatione eius : & propterea , per dies , atquè noctes , studiosissimè cogitant , quomodo possint placere illi: & diligentissimè vitant quicquid oculos tantæ Maiestatis offendit. In iustificationibus eius meditantur , nequè vnquam obliuiscuntur sermones eius . Ego sapientia , vnà cùm Patre meo cuncta componens , & ducens vnâquamquè creaturam ad terminos suos , dilexi vos ! Adæ filios , & de vnoquoquè singulatim cogitavi , stans super cuiusquè custodiam , ac si ceterorum oblita illi soli intendere velim . Et dum assumpsi naturam hominis omnia opera mea , passionem, ac mortem meam , ad vnumquemquè direxi, vt in Ecclesia magnâ, quilibet per me redemptus cantet omnes fideles , & antiquas misericordias meas . Totus ego Rex Pacificus , non ex operibus iustitiæ , quæ fecistis vos , sed secundum suauissimam bonitatem , & clementiam meam , factus sum singulis vestrum, quasi nutrix fouens filios suos : nequè sollicitum pro vobis cor meum , à singulorum cura , aliorum cura diuertit . Si ergo ego tam intentus singulis sum, cùm bonorum vestrorum non egeam,

& vos

& vos debetis, totis visceribus, mihi præcordia vestra consecrare, me semper meditari, atque diligere, cum sine me nihil esse, aut operari valeatis. Expandite manus, & viscera vestra ad me, cum sit anima vestra, sicut terra sine aqua mihi, & ego fecundabo illam, ut letetur gemellis amoris fetibus, & sterilitas recedat ab ea. Nihil ei, dum mihi vacat, deesse poterit: dabo illi regiones gentium, & labores populorum, sine labore possidebit: ut custodiat iustificationes meas; & legem meam plenam dulcedine, & dilectione requirat. Certè sancti mei, qui omnia detrimentum fecerunt, ut me lucrifacerent, summo studio diuinam præsentiam ante negotia, & lucra omnia ponere, & seruare curarunt; & hoc vno negotio tranquillissimo, quasi patrimonio suo, intimè letati sunt: & exultarunt sicut exultare solent, in virentibus pratis agni ouium. Filij, concupiscite solum decorem meum, & memoriám meí, omnium bonorum matrem, quasi aurum purissimum custodite: & ego vos in omni aduersitate fidelissimè custodiam.

*Cap. II. Conqueritur de obli-  
uione Dei.*

**Q**UID est, quod dilectus populus meus, in domo mea, fecit scelera multa, & oblitus est mei, quasi ego morte ignominiosa, & dolore plena non redemissem eum? Ego nihil prætermisi, quod ad salutem, & consolationem populi christiani pertineret. Illi enim destinaui supremas misericordias meas, quibus fere mansuescerent. Eius sunt fidelissima promissa mea, testamentum, & legislatio cælestis gratiæ meæ: & mitissimo corde cum populo acquisitionis versor, quasi ludens in orbe terrarum, ut inspirationibus, & gratuitis donis meis, corda dura emolliam, & vescar dulcissimo fructu sanguinis mei. Et tamen populus meus oblitus est mei, diebus innumeris. Nequæ solum pauperes, & ignari, & optimates, qui negotijs sæcularibus oppressi quasi gigantes gemunt sub aquis, mei non recordantur, sed ipsi etiam Ecclesiastici, qui profitentur se nosse Deum, & quasi Nazaræi, se totos mihi consecrarunt, mei memoriam parùm curantes, ad studia sæcularia, & ludos, & venationes, ad hortorum culturam, & auaritiæ negotiationem conuertuntur. Quæ peruersio, & duri-  
tia

tia cordis est hæc ? Quare , filij mei, sequimini deos alienos , qui decipiunt , & corrumpunt animas vestras ? Usquequò lugebit terra , quam dedi filijs hominum , qui dereliquerunt me ? Conuertimini iam , filij charissimi, & afferte mihi gloriam , & honorem : continuis spiritualium hostiarum oblationibus , & cordis ascensionibus faciem meam citò requirite. Sumite psalmum laudum mearum , & pulsate tympanum ad perenne canticum gratiarum actionis celebrandum . Pergite exercere psalterium iucundum cùm cithara , ad canendam totis viribus magnitudinem misericordiæ meæ. Considerate , & admiramini vias meas , & in adinventionibus meis exercemini . Delectamini in factura mea , & in operibus manuum mearum , cùm populo , qui scit iubilationem , exultate . Et experientia cognoscetis quàm suavis , & salutaris sit memoria mea , & quàm tristis , & mortalis obliuio mei . Decernite ex tota fortitudine vestra , memores esse mei , de terra Iordanis , cuius aquis abluti , & sanctificati estis : & imaginem formæ meæ intimis visceribus imprimate . Et ego pergam vobis benefacere , & secundum magnam , & admirabilem misericordiam meam, recordabor vestri, & vocabo vos ad æternam hæreditatem felicitissimi regni mei.

*Cap. III. Dolet super Ecclesiasticis.*

**Q**UOMODO obtexit caligine, in furore suo Dominus filiam Sion, dilectam, sponsam meam, peccatis Ecclesiasticorum denigratam? Præcipitavit omnia speciosa Jacob, propter scelera filiorum meorum, quorum culpa, egressus est à filia Sion omnis decor eius: quia nobilior, & formosior Ecclesiæ meæ pars grauius deformata est. Sanctitas illa antiqua Ecclesiasticorum cum Ecclesia nascente nascentium, & sine fastu, & astutijs sæculi, simplici, ac fideli corde, in domo mea ministrantium, extincta est. Video ego gentes ingressas sanctuarium, de quibus præceperat Altissimus Pater meus, ne intrarent in Ecclesiam suam: Gentilium peccata, ambitio, auaritia, incontinentia, in Ecclesiasticos transierunt: qui facti sunt, velut tauri pingues. per prata sine timore currentes. Propter quod magna ex parte dissipauit Pater meus tentorium suum: demolitus est tabernaculum mansionis suæ, & obliuioni tradidit festiuitatem, & Sabbathum. Pollutæ sunt manus eorum, qui exercent vasa Domini; quorum calendas, & solennitates odit anima mea. Quid est hoc? Populus primogenitus



nitus meus, qui deberet esse gloria, & fortitudo mea, est principium doloris mei. Iam non est exemplum vitæ, quo plebs paruula instruitur ad pietatem, & animatur ad gradiendum per viam, quæ ducit ad vitam. Væ genti consecratæ, quæ in commotionem capitis versa est. Omnes, qui benè considerant, obstupefcunt, & dicunt: Hęcine est gens perfecti decoris, gaudium vniuersæ terræ? Debuerat quotidiano sacrificio, & dulcissimo Ecclesiæ cantu ad pietatem inflammari, & lapidea corda secularium, exemplo suo mouere: & tamen alienata est retrorsum, & mercede conductæ, nō pura intentione mihi seruit. Reuertimini ad cor, filij mei, & considerate nouissima vestra. Expurgate vetus fermentum Adę, vt sitis noua conspersio ab omni vetusta corruptione aliena. Epulamini in azymis synceritatis, & veritatis, & primitiæ Ecclesiæ beatissimam lucem, & formam omni mundi decore amabiliorem intueamini. Implete mensuram status vestri mundo altioris, & celorum ciues candore lucis æternæ nitentes, innocentia vitę sectamini. Et recondam vos, vt charissimos amicos meos, intra penetralia mitissimæ cordis mei.

*Cap. II. III. Admonet Episcopos officij sui.*

**P**ASTORES multi, quibus commissa curam gregis mei, demoliti sunt hereditatem meam, quam ego à Patre meo clementissimo postulavi. Honoravi illos coram populo meo; ipsi verò contempserunt me; & ab exemplari suo longè recesserunt. Secuti sunt doctrinas filiorum huius sæculi, qui vocauerunt nomina sua in terris suis, non curantes, an eorum nomina scripta essent in Cælo. Bonum opus dicunt se desiderasse, quia Episcopatum desideraverunt: sed non tenuit eos boni operis desiderium, sed amor reddituum, secundum æstimationem hominum, qui argentum thesaurizant. Væ pastoribus Israël, qui amore honoris, & dignitatis ad prælationem ascenderunt: confitentur se in statu perfectionis esse, & tamen nequè antè honorem illum christianam perfectionem acquisierunt, nequè post obtentam dignitatem, iuxta regulam perfectionis viuunt. Quod abiectum erat, non reducunt; quod infirmum erat, non confirmant: quod fractum erat, non consolidant: quod maculosum erat, non emundant. Præuaricantur dulcissimam legem

legem meam , semetipſos ouium velleribus  
veſtientes, oues verò perire, pro nihilo eſtiman-  
tes . Quid dicam vobis , Eccleſiæ viri , quos  
patior inimicos , ſub imagine perſonę meæ,  
abutentes magna patientia , & miſericordia  
mea . Bonas facite iam vias veſtras , & iuxta  
cor meū, ſtudia veſtra corrigite . Paſcite amici  
mei gregem meum verbo, & exemplo vitę, for-  
ma facti gregis ex animo . Loquimini ad cor Ie-  
ruſalem : & paruulos eius Apoſtolico lacte  
nutrite , ne fortè exhalent animas ſuas , in ſi-  
nu matrum ſuarum . Inſtruite ignorantes viam  
Domini, deiectos corde roborate : ſubuenite  
ëgeno , & pupillo : humilem , & pauperem iu-  
ſtificate . Eſtote ſobrij , caſti , hospitales , &  
ſcripturę meę ſtudio intentiſſimè vacate . Re-  
quieſcite iam inter medias duorum teſtamēto-  
rum fortes , noua veteribus conciliantes , ad  
dandam ſcientiam ſalutis plebi meę . Et depo-  
nentes omnem humanum affectum, non vt mer-  
cenarij , ſed vt amici fideliffimi , cauſas ſponſę  
meę tractate . Et ego vobis reddam coronas  
virides, quę nunquam marceſcent : & cum ſe-  
natoribus ſupernę ciuitatis meę , vos duplici  
ſtola indutos , ſedere faciām in ſeliciffimo re-  
gno meo .

*Cap. V. Monet fugam prælationis.*

**A**T TENDITE filij, & ministri Ecclesiæ meæ; quæ loquor: verba enim à sapientibus mundi abscondita pronuntio. Ego palam locutus sum mundo, & primos accubitus, præmasquæ cathedras recusavi. Factus sum inter discipulos meos, tanquam qui ministrat: & fugi solus in montem, ne turber me, raperent, & constituerent regem super se. Ego Deus absconditus, & tectus pallio humilitatis, & laboris, quo servire me fecistis in peccatis vestris. Non ego clarificavi me ipsum, nequæ honorem, aut prælationem mihi sumpsi. Sed clarificavit me prius percussus, & humiliatus Pater meus: ut ascenderem de abiectio-  
ne ad honorem, quasi radix de terra siccanti. Non ego occupavi regnum, sed vocatus, & constitutus sum Rex ab eo super Sion montem sanctum eius: non ut mollibus vestirer, sed ut prædicarem cum labore, suauissimum præceptum eius. Quocirca filij, mirabile est, quomodo sine timore meo, & sine propriæ infirmitatis cognitione, prælationes queritis, atquæ requiritis? Quem magistrum imitamini, filij mei? Quomodo non palpitat vo-  
bis

bis cor, dum sollicitudine multa, per interpositos quoque terræ principes, in quibus non est salus, queritis fieri, & poni custodes in vineis, qui vineam vnicam propriæ conscientiæ non custodistis? Qui domui suæ præesse nescit, quomodo Ecclesiæ Dei diligentiam adhibebit? Quid dicam vobis, qui vestre damnationis diligentissimi operatores estis? Certè sancti mei, quos præesse æquum erat, timentes ne alios saluos facere conantes, ipsi reprobi fierent, prælationem accuratissimè fugerunt. Sciebant enim Saulem, quasi vnius anni puerum innocenter regnare cepisse, & regno abutentem in æternam damnationem incidisse, quàmuis principio suæ assumptionis, non fuisset vir melior illo in Israel. Honores, & dignitates cor inebriant, & à casto timore Dei etiam viros iustos auertunt. Propter quod, filij mei, gens sancta, & vincta oleo sanctificationis meæ, estote humiles in oculis vestris, & prælationem studiosissimè cauete. Profectò in Ecclesia primitiua, quæ feruebat calore sanguinis mei, prælatio, & mors comites erant: quia tyranni Episcopos primum ad necem postulabant: & ideo varitas honoris, & diuitiarum, pura corda prælatorum à me non diuertebat. Nunc verò quando non imminet occasio mortis, & suppetunt honor, & commoditas, timorata conscientiæ prælationem diligentius

vita-

ego solari consueui ablactatos à lacte , & au-  
ulfos ab vberibus . Suscitaui vobis patres Re-  
ligionum fundatores , qui fidelissimo corde fe-  
cerunt omnes voluntates meas : & altera ma-  
nu preliantes , altera ædificantes , circumde-  
derunt altis mænibus montem sanctum , quem  
dilexi . Quomodo ergo præuaricati estis pa-  
ctum meum , votis solennibus in medio Ierusa-  
lem , confirmatum , & primam charitatem ,  
non seruastis ? Congregatio Iustorum , & pars  
electa Ecclesiæ meæ , quomodo gemens con-  
uersa es retrorsum ? Quomodo emarcuit flos  
primitiæ obseruantia , quo nomen meum  
laudari solebat , à solis ortu vsquè ad occasum ?  
Iam non est cultus ille obedientia per fidem ,  
operantis . Illa paupertas , solatia Cæli per  
incommoditates terræ requirens , ablata est .  
Aemulatio illa sanctorum , contemptus mun-  
di , sensuum mortificatio , & decor monastica  
disciplina à filia Sion egressus est . Frustra vi-  
dentur laborasse Patres vestri , quorum statum  
assumpsistis , & fidem non obseruatis . Quis  
non miretur ruinam vestram , o plebs mea ,  
quam è multis nationibus elegi ? Quis audiuit  
taliam horribilia , quæ fecit nimis Virgo Israel ?  
Nunquid euelli possunt aquæ erumpentes fri-  
gidæ , & defluentes , vt vbi ego dedi fontem ,  
vberem misericordiæ , ficcetur terra ? Vt sta-  
tui Religionis declinantis à rigore obseruan-  
tia:

tiæ: quia cùm his nouissimis temporibus homines seipso amantes, quando professionem emittunt, promittant eadem, quæ sancti Religionis institutores promiserunt, remissè viuunt, nec eadem obseruant. Rarò valdè Religiosus perfectus quasi stella matutina in medio nebule splendescens; inuenitur. Reliqui verò, innumerales sicut arena, quæ iacet in littore maris, errauerunt in inuio; & non in via. Et facta est terra eorum in desolationem, & in sibi- lum sempiternum. Omnis, qui præterierit per eam, obstupescet, & mouebit caput suum. Elegeram ego gentem, vt habitarem in medio eius, & diligerem illam, sicut animam meam, sed ipsa recessit à me, factaque est habitatio draconum, & dimisi filios eius secundum desideria cordis eorum, vt contra suorum Patrum instituta irent in adinventionibus suis. Nunc ergo filij mei, ne declinetis cor vestrum in verba malitiæ ad excusandas excusationes in peccatis. Sed memores estote vnde ceciderit corona gloriæ vestræ; & respicientes omnia consilia hominum insipientium inobseruantiam excusantium, antiquam laudem totis viribus renouate. Germinet denuò terra vestra herbam virentem, & lignum pomiferum iuxta genus suum. Ego mittam spiritum meum, vt recremini, & facies terræ renouetur. Confortamini, & conuertam captiuitatem vestram,

affluen-

affluentem gratia mea, sicut affluere solet aqua torrentis in Austro. Mittam lampades in visceribus vestris, ut fortissimè impedimenta superetis. Quid timetis, filij charissimi, quasi abbreviata sit manus mea? Ego dabo vobis os, & sapientiam, cui non poterunt contradicere omnes aduersarii vestri. Ego vos iterum parturiam, donec reformetur primus status in vobis. Et post edificium nouę Ierusalem, reddam vobis fidelissimis seruis meis multiplices coronas, inæstimabilibus gaudijs, & honoribus plenas.

*Cap. VII. Monet Sacer-*  
*dotes.*

**M**VNDAMINI, qui fertis vasa Domini, & pollutum nolite tangere, ne fortè moriamini. Attendite verba mea, charissimi amici sacerdotes noui, & æterni testamenti mei, & induimini suauissimū iustitię decorem, ut sanctè sancta tractetis, & nomen meū infinita veneratione dignū non polluatis. Feci vos cōsortes sacerdotij mei, ut essetis mediatores populorū, quorum pondus portatis, & auerteretis iram meā, ne disperderet eos. Et ideo deberetis niue candidiores esse, & corda, manusquē puras extollere in sancta; ut decōr sacrificij vestri ascenderet



talis vitæ fastidia , delectemini . Discant alij prudentiam , quæ de terra est , qui merguntur in terrenis desiderijs , quasi plumbum in aquis vehementibus : Vos verò , qui pane vitalissimo nutritimini , cauete ne regales epulas immundis cibis maculetis . Altiores mundo estis : cælestia , cùm mundi contemptu , cogitate , atquæ diligite , & altissimum Iustitiæ sacrificium in mei memoriam purissimis affectibus sacrificante . Et non solum placebit mihi holocaustum vestrum , plusquam sanguis hircorum , & taurorum , & cinis vitulæ aspersus , qui inquinatos sanctificat ad emundationem carnis , sed supra omnia mundi bona iucundabor in castis , & humilibus cordibus vestris , quæ ardebunt igne charitatis in conspectu meo .

*Cap. VIII. Monet Prin-  
cipes terræ .*

**A**V D I T E principes terræ , quæ dico : & sepositis curis alijs , vos quoquæ reges intelligite : & erudimini qui iudicatis terram . Ego vobis dedi Eccellentiam hanc , vt tolleretis medullam cedri , & optima quæquæ terræ comederetis . Certissimè enim per me reges regnant , & legum conditores iusta decernunt . Propter quod , intima gratitudine , deberetis  
seruire

gitis, & sanguinem dolentium absorbetis? Estote, filij mei, reges magni pietate, & solium vestrum misericordijs multis exaltetur. Iustitia, & iudicium sit ornatus, & præparatio sedis vestræ, & pax dilatet regiones vestras. Reddite mihi tributum casti timoris, & amoris, & subditorum corda non ad ostentationem vanam, sed ad vera, & æterna bona, exemplo vitæ, mouete. Reges gentium dominantur eorum, & tyrannice subditos opprimunt: vos verò serui Regis pacifici; qui mansuetudine infinita regnavit à ligno, patres potius, quàm dominos representate. Sic eritis reges non solum corporum, sed etiam cordium & regendi suauitate amplificabuntur domus vestræ. Et ego vos fideles consortes meos, de terreno, ac temporali regno, ad Cœlestis, & æterni regni mei consortium, hora nouissima vocabo.

*Cap. IX. Hortatur diuites sæculi.*

**N**E lætemini, filij super multis diuitijs vestris, quasi alia bona meliora non sint, & domos æternas in terra, quam diligitis, possidere valeatis. Stulta enim est cogitatio hæc; quam experientia quotidiana condem-

L

nat.

nat. Quanti mercatores coaceruant aurum, & argentum, sine requie, & sine fine, & in penam sollicitudinis, & laboris infiniti, nondimidiunt dies suos? Tempus breue est: ego venio citò. Quorsum ergo tanta sollicitudo, cui omnes mundi opes satisfacere non possunt? Satis diuites facti estis: & certum est, vobis multa bona superfluere, quæ clamant aduersum vos, pro pauperibus, & afflictis, qui cupiunt saturari de micis, quæ cadunt è nimis lauta mensa vestra. Quid ergo de superfluis agere cogitatis. Mittite panem vestrum super inopes, quasi super transeuntes aquas, & illum in littore maris magni repositum inuenietis. Consilium meum vobis placeat; Redimite misericordijs pauperum animas vestras, & emite paruo pretio ius magnum in regno immortalitatis meæ. Quid moramini deponere graue pondus diuitiarum, sub quibus fatigamini, nec ad vitalem auram æternæ felicitatis respirare valetis? Eleuate capita vestra, & respicite opes meas, quas largitione eleemosynarum, lucro magno, comparare potestis. Beati, qui ad currendam salutis viam se exonerant, & misericordia diuites sunt, quoniam ipsorum miserebor. Percipite filij quæ moneo: & facite; ut opes vestras manus pauperum in celeste gazophylacium deportent: habebitisquè thesaurum non deficientem in Cælis. Quid timidi

timidi estis , quasi vobis propter eleemosynas multas , egestas superuentura sit ? Absit profana cogitatio hæc : immo propterea domus vestræ multiplicabuntur . Offerte mihi confidenter de substantia vestra , & de primitijs frugum vestrarum : & implebuntur aræ vestræ frumento , & vino torcularia redundabunt . Voces , & desideria pauperum pro vobis orantium penetrabunt viscera mea . Et ego vos mihi per misericordiam similes amabo : domos magnas ædificabo vobis in terra : & in superna Ierusalem , quæ mater vestra est , mansiones infinitæ consolationis , & pacis abundantia plenas præparabo .

*Cap. X. Admonet homines negotiosos .*

**I**N pace cordis ad æterna bona suspirantis , factus est locus meus , & habitatio mea , à strepitu negotiatorum longè remota ; facta est in Sion . Qui cor suum effundit sicut aquam , in terrena negotia , & sollicitudines sæculi , peregrè recedit à portu tranquillitatis bonæ conscientiae , quæ abiecta cura sæculi , intimè gaudet iucundissima habitatione spiritus mei . Filios Tyri facientes operationem in aquis multis , & sine fine laborants non permittam ad

pacem Sionis peruenire, quamuis pacem sine requie requirant. Considerate filij, qui negotiorum aquis suffocamini, quò tendat infinita sollicitudo vestra: & quàm insipienter agitis, dum cor vestrum, quod mihi totum sacrificare deberetis, in tot curas dissipatis. Qui non colligit mecum dispergit: qui non est mecum contra me est: qui non amat, & querit communicationem meam, non est benè affectus erga me: Vtinam haberetis aures audiendi me, & daretis locum inter tot negotia mundi, negotio vni salutis vestrę, quod præponderat vniuersis mundi bonis, quę apparent, & non sunt. Usquequò vim facietis suauissimo spiritui meo, qui secretis inspirationibus instruit vos, ad proijciendam molem tantam ex humeris vestris, & pacem meam æternę salutis nuntiam requirendam? Sinite iam filij oppressionem hanc, & ad auram vitę immortalis respirate. Etenim omnia, quę diligitis, & negotiamini, finem habent, & tela, quam ordimini, citò succidetur. Quare ergo non præmeditamini tristem exitum laboris vestri, & conuertimini ad dulcissimum otium meum, vbi veram lætitiā, & spem gaudiorum matrem inuenietis? Quòd, si vobis durus est hic sermo, & non potestis sustinere eum, quasi negotia deponere non valeatis: destinate saltem modicum tempus, vt mecum quotidie,

die, negotiemini. Clamate ad me in fortitudine, & rerum temporalium pondere grauati cadite coram me: vt misericordia motus auferam à vobis iugum ferreum, sub quo cibum, qui perit, operamini. Recedite à tabernaculis Ismael, & seruitutem duram detrectate. Captiui filij mei, quærite libertatem honestissimam filiorum Dei: agnoscite christianam dignitatem: & nolite ad seruorum labores degeneri conuersatione redire. Si cordis auribus audieritis verba mea, ego ostendam vobis suspirantibus ad me, quantò sit dulcius Patri meo, quàm mundo seruire. Et dabo vobis cor carneum, ablata duritia vestra, vt iam sequamini me; & voluntas vestra requiescat in suauissima lege mea.

*Cap. XI Hortatur ad custodiam  
cordis.*

**F**ILII omni custodia custodite corda vestra, nequè in hac vigilia dulcissimæ dilectionis vnquam dormitetis. Custodite corda, sicut amatores mundi custodiunt aurum, ne fortè, per ingratitudinem, vel incuriam, pereatis de via iusta. Ne admittatis consilia hominum, qui sanguinem meum æstimare nesciunt, & salutem æternam suam, non magno-

nus. Quid enim dulcius vobis accidere potest, quam mei iuris, & regni esse, totisque visceribus adhærere mihi? Vtinam verba hæc mea penetrarent animas vestras, & vos ad æternam cordis custodiam excitarent. Posui ego ex infinita bonitate erga hominem totum cor meum æquum ergo erit, ut homo cor suum totum mihi reddat. Grati igitur estote, filij: & escam hanc suauissimam mihi afferte. Et ego, qui exigua munera non despicio, magnum sacrificium hoc odorabor, faciamque ut iugiter ardeat in altari meo. Et demum eius suauitate allectus attraham vos ad meipsum, & recondam vos fidelissimos seruos meos, cordisque custodes, in thalamo, quem filia regum cupierunt, hoc est in penetrabilibus tennerrimi cordis mei.

*Cap. XII. Instruit tentatos.*

**F**ILII, oportet vos probari, si accepti estis Deo, ut ego in vobis glorificer, & vos maiori gloria coronemini. Aurum probatur in igne, & homo in camino tribulationis. Confortamini, & estote robusti, nec vlllo modo feruratis Philistæis. Non vos relinquam, vel patiar tentari supra id, quod potestis: Sed faciam potius cum tentatione prouentum. Letamini

gloriosissimum nomen meum ; sed & in alijs euentibus , quando clamauerunt ad me , cū tribularentur , & de necessitatibus eorum eripui eos . Cauete filij diffidentiam , quæ pugnat cū dulcissima misericordia mea . Etiam si ad portas mortis accedatis , adhuc sperate in multitudine magnitudinis , & suauitate infinitæ bonitatis meæ : & habentes summum sacerdotem , qui penetrauit Cælos , & interpellat pro vobis , exercete vestræ spei fortissimam , & solatio plenam confessionem . Contemnite minas mundi , & inferni , fundati supra firmam petram angularem , quæ ruinam non timet . Et infirmabuntur crura omnium regum Amorrhæorum , qui transitum vestrum in terram fidelissimę promissionis impedire conantur . Pugnate pro æterna laude mea , & salute vestra : & ego coram vobis omnes inimicos vestros humiliabo .

*Cap. XIII. Hortatur ad  
considerationem mysterij  
Incarnationis .*

**A** M A N T homines nouitatem , & rerum nouarum studio delectantur : & tamen cū nouum fecerit Dominus super terram ,  
quan-



quando fœmina circumdedit virum , pauci sunt , qui nouum hoc , & mirabile myſterium dignè conſiderent . Non placet mihi filij mei obliuio hæc , & nimis dura ingratitudo : quia , & gloriæ meæ , & ſaluti, conſolationique veſtrę contraria eſt . Ego poſui homines in dulciſſimo memoriali nominis mei , vt illorum Deus nominarer : & cùm in forma Dei eſſem , ex altitudine illa infinita deſcendi , vt factus homo, eſſem amantiffimus frater , & amicus veſter : quo certè beneficio vos conditione fragiles Angelicis ſpiritibus antepoſui . Nuſquam enim Angelos apprehendi , ſed ſemen Abrahę apprehendi, placuitquè æterno Patri meo , vt vobis potiùs quàm ſupremis creaturis aſſimilarer . Hoc eſt Verbum breuiatum , in quo habitat omnis plenitudo Diuinitatis corporaliter , ad inenarrabilem gloriam , & conſolationem veſtram ; vt exultetis ſpe conſortij mei tanquàm primogeniti , & amantiffimi fratris veſtri . Quid timentis fratres mei dilectiffimi , Verbum, quod erat in principio apud Deum , caro veſtra factum eſt : quid ſuper eſt ; niſi , vt hoſpitio delectabili, habitet in vobis, tanquàm in optatiſſima requie ſua ? Ego ſum frater veſter , filius hominis , ſitim, & famem, calorem & frigus , & alia multa mala veſtri cauſa paſſus : confidite ; & diligite me: nequè enim fratribus meis quicquam negabo . Vtinam agnoſcere-

sceretis dignitatem vestram, & mihi per omnia, similes conuersatione vitæ efficeremini, casti, humiles, mites, misericordes, & cælestium bonorum æstimatores. Habetis stimulum amoris, ex quo non horruī Virginis vterum, vt tanti mysterij non ignari, miremini, & dilatemini, & exultetis consortio Incarnationis meæ. Habet filia Sion Regem mansuetum, non in curribus, & equis gloriantem, sed benignitate, & misericordia magnum, diuitem in omnes, qui inuocant illum. Accedite, cum fiducia ad thronum gratiæ meæ, non formidantes Maiestatem Dei absconditi, & oporti velamento humanitatis vestræ. Ego enim sum princeps pacis, faciens vtraquæ vnum, delens, quod aduersum vos erat chirographum decreti, dissoluens vincula colli vestri. Ego Emmanuel semper vobiscum in fœdere amoris æterni permansurus, protegam vos: & (si me non respuatis) in omni aduersitate, & prosperitate habebo vos, tanquàm dulcissimos fratres meos.

*Cap. XIV. Hortatur ad æstimationem redemptionis.*

**C**ONSIDERATE filij; quæ monea, & in cordis centro verba mea conseruare. Non

Non bonis corruptibilibus, auro nempe, & argento redempti estis de uana conuersatione paternæ hæreditatis vestræ, quam ex Adam accepistis: sed pretiosissimo sanguine Agni immaculati, qui dignus est, accipere Diuinitatis gloriam, & honorem, qui vero Deo, & Saluatori mundi debetur. Redemptio vestra, quam operatus sum in ligno, ubi, quæ non raptui, affluenter exsoluebam, lux sole clarior est, quæ ostendit infinitæ bonitatis, & misericordiæ magnitudinem: per quam commota sunt super labore vestro tenerrima viscera mea. Attendite filij mei, quæ legitis, & obstupescite super consilio antiquo, quod elegi, ut redimerem captiuos meos, & prædicarem vinctis libertatem filiorum Dei. Certè si semel adhereret digna æstimatio sanguinis mei visceribus vestris, mirabiliter arderetis, atquæ combureremini viuo igne dulcissimi amoris mei. Quis enim non accendatur, & ardeat, quando considerat, me Altissimi filium, ad labores hominum descendisse, & per sudores, & labores, calceamentum diuinitatis (quæ caro humana est) ad Aethiopes, & Idumæos extendisse? Quis adeò durus corde sit, quem instrumenta passionis, & mortis filij Dei, non compungant? Petræ scissæ sunt, & monumenta aperta sunt, sol luxit, & obscuratus est, terra tremuit, & attonita quieuit, dum catara-

Et

Atque Cæli apertæ sunt, & abyssus sanguinis mei decurrentis in terrâ, abyssum misericordiæ vobis tribuendæ (ex iustitia meritorum meorum) innocavit à Cælo. Quis ex vobis sapiens, & in latibulo cordis custodiet hæc, & per experientiam intelliget misericordias Domini? Vtinam cogitaretis, quo pretio empti sitis, & quàm stricto iure, totum cor vestrum mihi debeatis: Vos per salutarem considerationem, hanc, fructu redemptionis copiosè gauderetis & ego fructu laboris mei iucundissimè lætarer. Meditamini filij, grande mysterium hoc, & dilectam animam meam, quam pro vobis dedi in manus inimicorum eius, præ omnibus mundi thesauris, honoribus, & delectationibus æstimate. Et sicut cedrus, quæ in Libano est multiplicabimini: eritque vobis quasi torrens voluptatis inæstimabilis redemptio mea.

*Cap. XV. Ostendit, suaue  
esse, servire Deo.*

**Q**UID est, quod filij Adæ horrent verbum crucis, tanquàm durum, & insuaue, & unusquisque in viam suam declinavit? Me quasi durum Dominum sollicitè fugiunt, & principibus terræ servire malunt. Mirum est hoc.

est hoc. Cum enim solus ego æternam vitam & plenam consolationem eis dare possim : per iustitię semitas ad montem Domini ascendere recusant, & montes alios difficiliore<sup>s</sup> superare conantur. Etenim solus mons Dei, mons bonorum omnium aggregatione coagulatus, & pinguis : vt quid ergo fingunt homines, montes alios coagulatos, cum difficultates mundi (etiam quando superantur) steriles sunt? Certè seruire Deo, regnare est: quocirca mirabile videtur, homines regnandi cupidissimos; mihi seruire nolle. Nequè solummodò mirandum est, quia regnare detrectant, sed etiam, quia infinitam suauitatem legis meę nequè requirunt, nequè cognoscunt. Profectò si in uia Dei ambulassent, habitassent pacificè super terram, & cor, præ magnitudine lætitię dilataissent : sicut ille, qui ambulabat in latitudine, quia mandata mea totis viribus exquisiuit. Intelligite quę dico filij, & saporem veritatis meę, ipsa experientia gustate. Qui mihi fideliter seruit, bonę consciętię lætitia exultat, & firmissima spe æternę retributionis veriùs gaudet, quàm si totius mundi honores, diuitias, & voluptates possideret : Et interim dum laborat, & mala multa sustinet, ego secretis inspirationibus, & illuminationibus, eius infirmitatem corroboro. Ego doceo manus eius ad prælium, & singulos di-  
gitos

gitos ad bellum : vt sine timore de manu inimicorum suorum liberatus, constantissimè seruiat mihi . Dicit confidenter : Pone me iuxta te , & cuiusuis manus pugnet contra me . Maior lètitia , & suauitas percipitur in prèlijs sub vexillo meo , quàm in pace mundi , quæ in sola superficie hæret , nec lètitia cordis appellari potest . Hinc est , vt soli iusti verè latentur , & exultent , & verè glorientur soli recti corde . Hanc ergo prudentiam discite filij , nequè humanis consilijs acquiescere velitis . Tollite iugum meum suauissimum super vos ; & sub hoc, pacem intimam pertingentem vsquè ad medullas apprehendite . Lætamini vos , qui prudenti coniectura colligitis , nomina vestra scripta esse in libro vitæ . Aperite sinus viscerum vestrorum, & cèlestis consolationis aquam sitienter haurite . Fleant illi , qui remorsu conscientie cruciantur , & per latam viam, perditionis furiosè currunt . Ridete , & exultate vos , qui mihi seruire decreuistis ; vos præsertim , qui reliquistis omnia , & sequuti estis me : quia in hac vita, centuplum accipietis, & cùm gloriosissimo triumpho, & totius supernæ Ierusalem acclamatione , vitam æternam possidebitis .

*Cap. XVI. Ostendit , triste esse ,  
peccato seruire.*

**N**ON est pax , & cordis lætitia impijs, qui faciunt peccatum , & proinde serui sunt peccati . Mæstissima est , filij charissimi seruitus hæc , quam homines magno pretio emere solent . Sollicitè quærunt gaudia , nec inueniunt: quale enim gaudium accidere possit ijs, qui in vmbra mortis sedent , & lumen Cæli non vident ? Excæcavit illos malitia eorum , datiquè sunt in reprobum sensum : atquè ita cæci , & insani , per varia desideria , quasi arietes non inuenientes pascua , discurrunt . Sensus eorum, tanquàm paruuli rationis expertes, ducti sunt in captiuitatem, antè faciem dæmonis tribulantis : & ideo, vt captini per eadem, per quæ peccant , puniuntur , stimulos conscientia iam ibi sentientes, & cruciatum æternum præsentientes . Væ illis, qui rebelles fuerunt lumini , & disciplinam vitæ non receperunt . Attendite filij, quæ moneo . An putatis horrendum non esse , peccatorem hominem dum peccat mortaliter , certò scire , si in eo statu moriatur , vt faciliè potest, se igne sempiterno torquendum esse ? comedit , & bibit, & iocatur , quantum potest: sed parum potest ,  
quia

quia est post commissum peccatum, & in ipsis gaudijs illicitis, dum peccat, ego immitto illi terrores conscientiae, vt iustus appaream in sermonibus meis, & vincam cum iudicauero. Infelices homines, quasi tumentes super se fluctus timent iram Dei, quem oderunt: & pondus eius ferre non possunt. Propter quod, velint nolint, ipsis operibus suis ostendunt se odisse lucem, & timore seruili perterritos a facie mea fugere, ac timere, sicut Cain, ne omnis qui inuenerit illos, occidat eos. Ad omnem strepitum suspicantur se iam ad iudicium vocari, & sibi videntur, terribilem tubam audire. Mihi credite filij, omnes labores iustorum, omnes eorum persecutiones, ac tentationes, magna solatia sunt, si cum durissima peccati seruitute comparentur. Fugite seruitutem hanc, & vt ipsas inferni portas perhorrescite. Aspirate ad nobilissimam libertatem meam, vitae meae pretio partam: neque periculo tanto animas vestras, quas redemi, insipienter committatis. Viriliter agite, & confortetur cor vestrum, sustinete me praeliantes praelium Domini pro tuenda libertate, quae melior, & amabilior est super vitas. Et digni eritis, qui accipiatis nomen nouum in amplissimo regno meo, quod nemo scit, nisi qui accipit. Vbi cum libera matre vestra, quae sursum est cantabitis in aeternum dulcissimas misericordias meas.



*Cap. XVII. Ostendit paucos saluos fieri, plurimosquè damnari.*

**A**RCTA est via, quæ ducit ad vitam, & pauci inueniunt eam, & si enim omnes illam inuenire possint, seipsos tamen nimis amantes, spatiosam viam perditionis eligunt, nouissima sua considerare nolentes. Beati pauci illi, qui toto corde me requirunt, & breui angustia æternam consolationem operantur. Tristitia illorum vertetur in gaudium, quod non auferetur ab eis. Vt tamen illis, quorum numerus est, sicut arena, quæ iacet in littore maris, qui timore tentationum, & difficultatum victi, per latam viam gradiuntur, nequè conantur in eo numero paucorum fortium recenserì. Inimici sunt crucis meæ, sine qua salus esse non potest, quia ex ea salus mundi pependit. Querunt auidiſſimè quæ sua sunt, & dulciſſimam legem noui testamenti mei, præ membrorum lege, contemnunt. Honores, & voluptates, tanquàm tauri pingues, vehementer sectantur: nequè disciplinam meam aure cordis percipere volunt. Vt innumerabili genti peccatrici, populo graui iniquitate, semini nequam, filijs sceleratis, qui ab alienati sunt retrorsum, impingentes in vijs suis,

& vr-

& vuas acerbis bonorum temporalium comedere festinantes. Viæ supernæ Sion lugent, cò quòd non sint, qui veniant ad æternum sabbatum, vbi gemitus, & dolor non erit amplius. Infernus dilatauit os suum, vt fortes, & pingues terræ deglutiret: innumerabilis enim populus descendit ad eum. Iusti verò mei è multis millibus electi, rarò splendent in sæculi huius nocte, vbi sunt tenebræ palpabiles, similes illis, quæ oppresserunt Aegyptios inimicos meos. Seminaui ego colonus terræ, verbum meum, & tantummodo quarta pars, in corde bono, & optimo, fructum attulit in patientia. Nihil autem homines magis odierunt, quam exercitia patientiæ: & propterea perdunt animas suas, quas in vera patientia possiderent. Stulti sunt valdè, non considerantes electorum signum esse, pressuram pati, cui succedit inestimabile refrigerium, quod obliuioni tradit omnes mundi pressuras, & dolores. Etenim mulier, cum parit, tristitiam habet, quia venit hora eius: statim autem ac peperit puerum, iam non meminit pressuræ, propter gaudium, quia natus est homo in mundum. Quale ergo gaudium erit, quòd succedit, quia natus est homo in Cælum? Filij, audite me: conamini, & arctam viam, mundis pedibus incedere, & ad beatissimum numerum paucorum fortissimè suspirate. Pro nihilo

lo ducite, si ingrediatur putredo in ossibus vestris, & subter vos scateat, dummodo cum paucis electissimis ascendatis ad populum accinctum resurgentium, quorum formosissimis corporibus animæ gloriosæ cinguntur. Ne cadatis animo, quasi nimis arduum sit, in illo numero felicissimo comprehendi: si enim legitime certetis (ut verè cum gratia mea valeatis) inter ipsa prælia letari, & firmissimæ spei motibus exultare potestis, aspirantes ad palmam, cuius suauissimis fructibus, mecum in cæna magna, sine fine fruemini.

*Cap. XVIII. Monet semper ad Deum pro auxilio recurrere.*

**F**ILII nullus status, nullus locus, in vita mortali est adeò securus, ut ad me in horas singulas, pro auxilio gratiæ mee recurrere non debeatis. Nam qualis status securior, quàm Apostolatus? & tamen cum ego duodecim elegissem, vnus ex eis diabolus effectus est. Qualis locus tutior, quàm paradysus, in quo posui hominem quem formaueram? & tamen Heua mater vestra respondit: serpens decepit me. Militia sine inducijs est vita hominis super terram: in qua & pusilli, & magni in multos errores, & peccata labuntur.

Pro-

Propter quod cauete filij , ne sitis fidentes in vobis ipsis ; quasi in summo periculo non versemini . Vapor est vita vestra , ad modicum apparens , & vento quolibet exterminatur , & anima corpore fragilissimo inclusâ , sit sibimetipsi grauis ; timerequè debet instantem ruinam ad quam sua fragilitas illam impellit . Ora te ne intretis in tentationem , & cum hoc mundo damnemini . Multi sunt inter vos infirmi , & imbecilles , & sæpe dormiunt multi serui mei : euigilate , & state succincti lumbos mentis vestræ , ne fortè inopinata morte moriamini . Querite me sollicitè : venite , & reuertimini : die : noctequè pulsate : aduersarius enim vester , sine requie circuit , quarens quem audivissimè deuoret . Facite vobis speculam , & insidias hostium vestrorum explorantes , intimis gemitibus , brachium meum implorate . Oculi quippe mei erunt aperti , & aures meæ erectæ , ad orationem eius , qui in tribulatione sua fortiter clamauerit ad me : Qui cecidit , clamet , & resurgat : qui stat , videat ne cadat , & misericordem animam meam vesperè , & mane , & meridie , pulsare non cesset . Ego nomine dulcissimo vocor , Adiutor in opportunitatibus , in tribulatione : Si ergo mala patimini , vel angustiamini ; cor meum citò pulsate , vt ex officio suo , in vestrum adiutorium intendant ; & ad vos adiuuandos , hin-

nulorum more festinet. Recurrite ad me, & curram ego, vt vos eripiam à pressura vestra. Credite, vos non esse sufficientes, non solū mala vincere, sed ne cogitare aliqd piū ex vobis, quā si ex vobis, & spem vestram omnem in visceribus misericordię meę collocate: Et fidelissimo adiutorio vobis pręsto ero, & de manu odientium liberabo. Si corde puro requisieritis me, ego capillos capitis vestri numerabo, ne vnus pereat: si transieritis per ignem, flamma non lædet vestimenta vestra, & odor ignis non erit in vobis. Desiderium pauperum, inopię suę cognitione clamantium exaudiam: & præparationem cordis eorum audiet propensissima ad preces humilium, auris mea.

*Cap. XIX. Hortatur ad zelum animarum.*

**P**ERIT mundus, ò filij, & infinitus est numerus stultorum per viam perditionis velociter currentium: & non est qui doleat vicem pereuntium. Ego fudi sanguinem meum, vt educerem homines de lacu miserię, & de luto faciis, & statuerem supra firmam petram pedes eorum: & non est qui adimpleat ea, quę desunt passionum mearum, in corpore meo, quod est Ecclesia. Nam de ijs, qui foris sunt, mirum

mirum est, quanta sit obliuio, & alienatio mentis. Princeps tenebrarum Satan circuit terram, & perambulat eam, quasi dominus, gloriaturquè se innumerabiles populos prædari, & exiguum esse numerum eorum, qui salui sunt. Et tamen multi serui mei, qui succurere possent paruulis petentibus panem, vel etiam ijs, qui fame pereunt, & panem postulare nesciunt, non misereantur proximorum, quasi Deus non mandasset unicuiquè de proximo suo. Quid dicam vobis serui mei, qui ad misericordiam spectaculo pleno doloris non mouemini? Quomodo non liquefiunt viscera vestra super fratribus vestris, qui à facie tempestatum famis deficientes clamant, Vbi est triticum, & vinum? Quomodo, qui zelum habere videmini non festinatis ad pauperculos ignorantes viam Domini, vt dirigatis pedes eorum in viam pacis? Crudeles estis Adæ filij, qui tanta calamitate non mouemini ad salutem fratrum, per longas peregrinationes, & nauigationes, quærendam. Festinate filij ad morientes adiuuandos, antequam expirent, & claudatur ianua, extendite conatus vestros vsquè ad alienigenas, & Tyrum, & populum Aethiopum: vt per vos, quos tabescere facit zelus meus, annuntietur annus redemptionis in vniuersa terra. Quòd si talentum ad conuersionem animarum non habetis; rogate saltem feruentissimis

suspirijs dominum messis, vt mittat operarios multos in messem suam; vt sine zizanijs, congregetur purum triticum in horreum eius. Beati eritis, si & vos fideles serui mei fueritis, & zelo domus meæ extimulati publicis, vel priuatis actionibus reduxeritis alios ad cultum, & amorem meum. Ego vos tenerrimè amabo: & quia fecistis rem hanc, nec vestræ commoditati, vel vitæ pepercistis, multiplicabo filios vestros, & multa cum exultatione videbitis semen longæuum. Ego vos de prælio reuertentes amantissimè amplectar, vt in Ecclesia magna mea, sine fine mecum lætemini, & bibatis de torrente infinite voluptatis meæ.

### *Cap. XX. Monet prædicatores.*

**F**ILII charissimi, quos vocaui ad ministerium verbi mei, vt effectis initium aliquod creaturæ spiritualis; cordis auribus audite me. Ego posui vos, vt fructum afferretis, & annuntiaretis verbum crucis, quod est Iudæis scandalum, & Gentilibus stultitia. Nam quia non cognouit mundus per sapientiam Deum, placuit mihi, per stultitiam prædicationis, saluos facere credentes. Misi vos, vt me crucifixum, doloribus, & opprobrijs saturatum prædicaretis, non in sublimitate sermonis,

nis ; aut in artificio ; & sapientia hominum ,  
sed in fortissima virtute Dei . Quomodo ergo  
sine spiritu meo prophetatis , & effecti estis  
magistri prurientes auribus adulterantes elo-  
quia casta mea ? Quid est hoc ? Quomodo au-  
detis loqui in nomine meo , sectantes vanita-  
tem humanæ gloriæ , & quærentes hominibus  
placere ? Diuinatis falsa , & profana multa  
sacris actionibus admiscetis : nequè curatis  
quantum salutis operemini , sed quantum hu-  
manæ laudis acquiratis . Væ vobis hypocritæ !  
Væ vobis sepulchra dealbata , qui conscientia  
fœtore pleni estis ? Deberetis esse contempto-  
res mundi , & verbum sanum , ac irreprehensi-  
bile , vitæ innocentia , euangelizare ; & imi-  
tantes me prius facere , quam docere . Dicitis ,  
& non facitis ; & vanitas vitæ , ac huma-  
næ scientiæ vestræ debilitat prædicationem  
meam . Sollicitè acquiritis scientiam , quæ in-  
flat , vt ostentetis illam : parumquè curatis  
charitatem meam , quæ corda reformat , &  
ædificat . Per vos blasphematur sanctissimum  
nomen meum , quia cum cognoueritis , quid  
agere debeat , vacatis gloriæ hominum , &  
commoditati vestræ . Vrbes magnas , & ho-  
norabilia pulpita quæritis , vt à nobilibus ,  
cum laude audiamini : & populos derelictos ,  
vbi plebs mea fame perit , non adiuuatis . Nun-  
quid talis est prædicatio , quam elegi ? Nun-

quid



quid spiritus Domini non venit super me ; & euangelizare pauperibus misit me ? Reuertimini ad cor filij mei , & castis cordibus , mundisque labijs : purissima testimonia mea nuntiate . Quid vobis proderit sonitus laudis humane , quæ statim euanescit ? An à me laudem maiorem , si fideles præcones mei fueritis , non accipietis ? Ne seruiatis terræ principibus , sed mihi , à quo mercedem amplissimam recipietis . Narrate simpliciter , ac feruenter nomen meum fratribus meis : in medio Ecclesiæ , puris cordibus , laudate me . Gaudete libertate filiorum Dei , & salutem animarum , dum dies est , instanter operamini . Prædicate cum fiducia regnum meum , ubi reposita sunt vera gaudia vestra . Præliamini prælia Domini , & exemplo simul ac verbo Urbis sanctæ ruinas reparate . Ego dabo verbū euangelizantibus virtutē multa : ut mirabilia operemini , & post multiplicatam gentem , ad sedendū cū principibus terræ viuentiū , victores ascendatis , & fruamini dulcissima pace mea .

*Cap. XXI. Hortatur omnes  
ad verbum Dei au-  
diendum.*

**A**UDI Israel mandata vitæ : auribus per-  
cipe, vt scias prudentiam. Qui habe-  
tis corda ferrea, vel lapidea, percipite ver-  
bum meum, quo emolliemini. Qui habetis  
corda carnea audite sermones meos, & illu-  
strabimini. Beati serui illi, quibus dulcescit  
verbum meum, quo nutriuntur, quasi lacte  
expresso ex vberibus meis. Erudiam eos  
secreta instructione suauissimi spiritus mei  
intus loquentis, & pacem dilectis meis nun-  
tiantis. Non timebunt à timore nocturno  
tenebrarum interiorum, quia claritas Dei  
circumfulgebit illos. Non supplantabun-  
tur gressus eorum, quia super omnia vin-  
cit veritas, & firmabitur in illis fortitudo  
verissimi sermonis mei. Propter quod, qui de-  
sideratis bonis cœlestibus abundare, pace in-  
tima, filiorum Dei propria frui, & per vias re-  
ctas ad patriam paradisi perducì; Verbum  
Dei corporis, & cordis auribus frequenter au-  
dite, & virtuti Dei latenter operanti cedite.  
Cauete sæculi vanitatem, quæ opera bona cor-  
rum-

rumpit. Ne patiamini vos humana eloquentia, vel eruditione, vel nouitate seduci; ut prædicatores talia dicentes potius, quam idoneos verbi ministros, & veros seruos meos humanæ laudis contemptores audiatis. Quærite pietatem, & compunctionem: cælestia desideria pura intentione requirite. Verba simplicia, spiritu Dei plena, & ad conuertendas animas, casto zelo prolata diligite. Intermitte negotia temporalia, ut sine sollicitudine, & euagatione mentis, me per meos prædicatores loquentem, corde promptissimo intelligatis. Aperite sinus omnes animarum vestrarum, ut impleantur fortissima, & suauissima virtute mea, & fiat in vobis humilibus seruis meis, mutatio dexteræ excelsi. Si volueritis, & in mansuetudine susceperitis insitum verbum meum, quod potest saluare, & ineffabili consolatione implere animas vestras, conuertam ego captiuitatem vestram, in charissimam libertatem, & luctum in choros latantium, & exultantium à magnitudine bonitatis, & iucunditate visitationis meæ. Væ mundo à scandalis: excæcatum est enim cor filiorum eius, & aures eorum aggrauatæ sunt, ut videntes non videant, & audientes non intelligant verba vitæ. Certè sicut regnare patior hypocritam propter peccata populi: sic indignos prædicatores mundo permitto. Vos er-

go filij, qui supplicium hoc grande timetis, querite magistros dignos, quorum doctrina pascamini, & crescatis in salutem. Egredimini, & abite post vestigia gregum vestrorum, & eos ad salutaria pascua ducite, vbi herbe mortiferae non proueniunt. Hæc sit pia, & mihi accepta exercitatio vestra: cui ego fideliter respondebo, dulcissimo pastu, & aqua limpidissima reficiens animas vestras.

*Cap. XXII. Monet omnes homines, ut frequenter in Cælestem patriam suspirent.*

**T**RANSIT labor multitudinis ò filij mei, & sine fine, manet suauissima pax unitatis. Sepe mutantur, & deniquè auferentur omnia tabernacula Iacob: sed in æternum stabit mansio altissimæ Sion, quæ est habitatio mea, & charissima patria vestra. Existimate ergo filij, vos peregrinos esse super terram spinas, & tribulos germinantem: & nullis bonis apparentibus cor vestrum adherere sinentes, ad patriam vestram perenniter suspirate. Terra, quam calcatis, inimicorum vestrorum regio est, vbi dolor, & gemitus, & mors per peccatum, regnant.

*Quid*

Quid igitur boni in ea colligere vultis? Nunquid colligunt de spinis vuas, aut de tribulis ficus? Vineam alienam est, ubi non valetis vindemiaré nisi botros amarissimos. Beatus vir, quem erudierit Dominus, & de lege sua docuerit eum. Beatus qui benè percepta eruditione mea, cognoscit calamitatem vitæ præsentis, in quam per peccatum, & lachrymas introiuit, & ad statum vitæ beatæ, quasi de profundo aquarum multarum fortissimè clamat. Terra enim viventium, ad quam per labores, & pressuras ascenditur, fertilissima est, & fructus dulcissimos habet. Ibi ver nouum æterno virore floret, & casta corda ciuium supernorum, sua amenitate lætificat. Ibi serenissima Cæli facies nullis nebulis offuscata resplendet. Ibi suavis valdè aura diuini spiritus mei viscera Iustorum exhilarat. Lætatur tota Ierusalem, & conuentum faciunt omnes, qui ardentissimè diligunt eam, & omnes mœstítias præteritas, infinita consolatione compensant. O charissimi filij mei, quàm inæstimabilia sunt gaudia mea: Surgite qui tristes iacetis, & in plateas Urbis, quæ dicitur, Pacis visio, cogitatione saltem ascendite, multisq; affectibus amoris inter choros canentium conuersamini. Utinam nomé Ciuitatis meæ exaretur non certè stylo ferreo in plumbi lamina, vel dura silice, sed in libro cordis vestri, digito spiritus mei, qui docet secretò ineffabilia myste-

ria mea. Eleuate capita vestra filij Adæ, & serenitatem Cœli, quod extendi sicut pellem per intervalla saltem contemplamini, vt spiritus dirigatur in atria mea, & amore feruentissimo deficiat. Proijcite à vobis iugum seruitutis, qua sine requiẽ laboratis: & ad priuilegia domus meæ innumerabilibus cordis ascensionibus aspirete. Hæc sit perennis cogitatio, & sollicitudo vestra, quę omnẽ mundi consolationem excludat, & corda clamantia, ex longo itinere fatigata, refrigeret. Aspicite è valle lachrymarum, verticem montis sancti mei, & quasi pedibus ceruorum ad eius summitatem propere. Et ego vos currentes comitabor, & genua trementia roborabo: & implebõ viscera vestra torrente purissimæ voluptatis meæ.



QVIN-

# QVINTA PARS

## VBI AGITVR DE IIS, quæ mouent ad amo- rem Dei.

### Cap. I. Quanti ponderis sit a- mor Dei.



**D**ILIGERE, & ma-  
ximum mandatum,  
dulcissimæ legis, quæ  
est propria noui te-  
stamenti mei, in a-  
more summo positum  
est. Ratio quippè po-  
stulat, charissimi filij,  
ut summum, & incom-  
mutabile bonum sum-  
mo amore diligatur. Quod si bene conside-  
retis, apparebit oculis cordis vestri infinita di-  
gnitas Maiestatis mee, immensa bonitas, & sua-  
uissima pulchritudo formæ Dei; quæ amorem  
fortissimum excitabit. Inuenietis enim the-  
saurum diuinæ bonitatis absconditum in terra  
puris-

purissimæ carnis meæ, & corda vestra tantæ consolationis magnitudine conuicta cognoscent, inæstimabiles esse diuitias amoris mei. Certè si sciretis quanta sit diuinæ dilectionis altitudo, latitudo, profunditas, & longitudo; citò relinqueretis omnia mundi bona, & pateremini omnia mala, vt Pacifici Regis, cuius vultum deprecantur omnes diuites plebis, amore inflammaremini. Per amorem infiniti decoris mei, accedit homo ad cor altum, cuius ascensionibus exaltatur Deus. Amor meus melle dulcior, & auro obrizo pretiosior cor eleuat; vt arbitretur omnia, quasi stercorea, & me solum vitam, & fortitudinem suam auidissimè lucrifaciat. Amor tanquam ignis, non comburens, sed illuminans, figit in solo decore meo, desideria cordis peregrini, atquè solliciti, faciem meam sine fine requirantis. Beati amici mei, quorum totum opus dilectio est, quorum casta corda nutrimento amoris aluntur; mirabili quippè transformatione mutabuntur in me. Ego ero tota illorum salus, & voluptas, nec patiar illos diuertere ab amplexu meo. Erunt quasi catuli leonis; quos dulcissimo somno accubantes nemo suscitare audebit: ego enim precipiam, ne suscitentur donec ipsi velint. Vigilabit cor eorum dormientium, æterna vigilia charitatis, sollicita præcordia ad amo-

N

rem



rem impellentis . Hæc est pars quærentium , me , & vendentium omnia bona sua , pro primogenita dilectione mea . Propter quod , dilectissimi filij , non deberetis permittere somnum oculis vestris , & palpebris vestris dormitationem , donec inueniretis pretiosissimum amorem meum , multis laboribus exquisitum , ad fabricam ferculi Salomonis ; qui media ferculi , suauissima charitate cupit ornare , propter filias Ierusalem . Hæc meditamini filij , & totis visceribus corda vestra mihi præparate , vt amore vestro allectus , recliner in eis , tanquam sponsus in thalamo suo .

## *Cap. II. De sapientia Christi.*

**P**A R V A illa sapientia , quam homines inter tenebras ignorantæ , in scholis discunt , eos apud alios homines adeo mirabiles , & amabiles facit , vt eorum gratiam captare , & secum habere , etiam principes terre curent . Quid ergo facere deberetis filij erga me , in quo sunt omnes thesauri sapientiæ , & scientiæ Dei ? Ego altissima sapientia ab initio , & ante sæcula creata sum ; intuituquæ meo , omnia Dei opera , & omnia inenarrabilia Dei secreta contemplor . Ego numero arcem maris , & multitudinem stellarum , & omnibus eis nomi-

na voco. Ego numero guttas aquæ maris, & profundum abyssi penetraui. Ego cum Patre, & spiritu meo feci Cœlos in intellectu: & certa lege, ac gyro maris vndas vallauī, ne transirent fines suos. Omnia composui, in numero, pondere, & mensura, vocans ea quæ non sunt, sicut ea, quæ sunt, lustrans omnia limpidissimis oculis meis. Ego comprehendo sapientes in astutia sua; nequē est, qui se abscondat à conspectu meo. Ego abscondo ineffabilia mysteria diuinitatis, & humanitatis meæ mundi sapientibus, & prudentibus; & reuelo incerta, & occulta mea paruulis, vt non gloriatur coram me omnis caro. Beatus qui audit me, & vigilat ad fores meas quotidie, & obseruat ad postes ostij mei. Qui me inuenierit, inueniet immortalem, & dulcissimam vitam, & hauriet pretiosissimam salutem à Domino. Si ergo sapientiam æstimatis filij, me sapientiam æternam totis viribus fortissime diligite, & splendorem meum sole clariorem, suauitatemquē meam omnibus mundi voluptatibus maiorem, die, noctequē requirite. Ascendite multis cordi erectionibus ad secretā schoolæ sapientiæ, vbi, cum mundi contempnu, gustetis saporem meum. Orate viriliter, & pulsate vt aperiantur oculi vestri, ad videntiam lucem formosissimam, cuius comparatione non splendent astra matutina. Sanctificami-

mini, & estote parati, vt accedentes ad me illuminemini, & seraphicis flammis ardeatis. Interim verò, dum solo auditu accipitis famam sapientiæ, quæ omni thesauro amabilior est, finite vos trahi post me, & amoris gressibus ad me cupidissimè properate. Ego vos fideles seruos meos in abscondito docebo mirabilia magna, & implebo spiritu sapientiæ, & intellectus casta, & humilia corda vestra.

### *Cap. III. De nobilitate Christi.*

**A**DORANT homines nobilitatem generis, incredibili eius amore capti, quasi splendor quidam humanæ conditionis sit. Gloriantur antiquitate paucorum dierum, & rebus gestis maiorum suorum ipsi superbiunt: & tamen ob solam hæreditariam nobilitatem, amantur, & in admiratione habentur. Si ergo cor hominis tam faciliè trahitur amore nobilitatis, quale consilium est, me qui sum ipsa nobilitas, non amare? Ego sum antiquus dierum, claritas ipsa, & candor lucis eternæ, quæ nullis nebulis obscurari potest. Sum altissimi filius, ante quem non est formatus Deus. Sum clarissimum Lumen de lumine, à quo splendor omnis creatus deriuatur. Nihil est in me, quod non sit excelsum, & splendidum: nihil, quod

quod rege clarissimo non sit dignum. Nulla obscuritas, nulla culpę nota, nulla reprehensio, vel in me, vel in operibus meis vnquam inuenta est. Non habeo ego insignia nobilitatis, qualia homines ex leonibus, vel Aquilis assumunt, vt significant animorum magnitudinem vel fortitudinem: ego enim sum ipsa magnitudo, & fortitudo, quę non ornatur extrinseco apparatu. Ego feci, vt oriretur in Cœlis lumen indeficiens: Ego æthera firmaui sursum, & libraui fontes aquarum. Ego quando carnem vestram è stirpe regia assumpsi, percussi sicut vulneratum superbum, mortem occidi, infernumquę momordi. Ego eduxi vinctos de lacu, in quo non erat aqua, in sanguine noui testamenti mei: & portas æreas, vectesquę ferreos in brachio excelso confregi. Ego alligauī fortem armatum, & spolia eius diripui: gloriosissimoquę triumpho ascendens in altum captiuam duxi captiuitatem. Omnia opera mea, distincta sapphis quasi cœlestibus signis, diuina nobilitate clarescunt. Considerate nunc filij, quā sim amabilis ex hoc capite nobilitatis, siue naturam diuinam siue humanam, siue gesta mea contemplantini: Vt mihi totis visceribus adhærere, & à me nunquam separari studiosissimę curetis. Si feceritis quę precipio vobis accedentes ad me, illustrabimini cœlesti nobilitate mea, quę omnem

infamix indignitatem, maculamquè detergit. Induam vos purpura ardentissimæ charitatis, & bysso purissimæ innocentix meæ: vt inter patritios Ierusalem, qui vestiuntur croceis, numeremini, & ornatu regio honestati, splendoribusquè sanctorum amicti, in aula Regis Pacifici, cui seruiunt omnia corda nobilia in cœlo, & in terra, altissimè conuersemini.

*Cap. II. De liberalitate  
Christi.*

**C**ERTISSIMUM vobis est, Adæ filij, in liberalitate principum, magnum pondus amoris esse. Non enim puro illorum intuitu, sed lucri aut commodi vestri respectu seruitis duram seruitutem. Iam ergo, si lucra sectamini sicut mercatores, qui quærunt, quæ sua sunt; vel hac ipsa ratione diligite me, & mandata mea fidelissimè seruare. Ego enim sum dominus vniuersorum, cuius thesauri exhauriri non possunt. Meus est orbis terræ, & plenitudo eius, recensui omnia volatilia Cœli, & fœcunditas agri mecum est. Ego facio pinguescere speciosa deserti, & campos repleri facio vbertate. Ego Altissimus diuido gentes, separoquè filios Adam: & assigno illis terram in mensura, in funiculo distributionis. Omnia à

nia à me expectant , vt dem illis escam salutare in tempore , & mittam optatam saturitatem in animas eorum . Et siue honor, siue utilitas , siue voluptas requiratur , ego super omnes reges terre , ditabo & delectabo , & honorificabo fideles amicos meos . Legite filij , attentè dulcissimas scripturas meas , & recolite suauissimum Euangelium noui fœderis mei : & mirabimini liberalitatem Vnigeniti filij Dei , cum hominibus conuersantis . Quis vnquam hominum rogauit me , super quo non commouerentur viscera mea , vt donarem quæ postulauit, vel meliora quàm sciret postulare? Curaui languidos eorû: mundaui leprosos eorû, suscitaui mortuos ipsorum : paui turbas populorû : & quod summum est, ad vnû suspirium dimisi grauissima debita peccatorum: quid ergo est, quòd corda hominum nimis auara non capiuntur infinita liberalitate mea? Vsq; quò non benè sentient de me filij Adæ , & saltem ob munera Regem Ierusalem non amabunt ? Ego subieci omnia sub pedibus vestris , vt non solum terræ sed & sol et luna , & cæli Cœlorum , opera digitorum meorum , seruirent vobis , paratus , ( si hæc parua vobis videantur ) dare quoque maiora: quare ergo non mouemini muneribus , & diligitis amplissimas opes vestras? Filij mei, duri corde, resipiscite , & infinita liberalitate mea emolliri vos finite : nam , & feræ hac lege

manfuescerent. Sequimini me , & cultum magni nominis mei , fiducia principum mortalium anteponite : & ego faciam vobis in Israel domos absquè tributo Multiplicabitur hæreditas Domini : & confecto vitæ cursu , ascendetis ad me de terra deserta , diuitijs , & castissimis delitijs affluentes , onerati spolijs dulcissimæ charitatis meę .

*Cap. V. De Pulchritudine Christi .*

**E**XPERIMENTO cognouistis , charissimi filij , nihil esse amabilius pulchritudine . Habet enim vim quandam admirabilem , qua efficaciter , & suauiter corda capit . Huic omnes principes terrę spontè seruiunt , etsi potentes , & fortes sint : quia fortior est pulchritudo . Cum ergo ego Unigenitus Dei filius decorem indutus sim , & nihil in me inueniri possit , quòd amabilissimam , & infinita suauitate præstantem formam non deceat ; mirum est , quomodo vniuersi homines me non ardentissimè diligant , & fortissimè adhæreat anima eorum post me . Sum candidus , & rubicundus , electus ex millibus , & summis desiderijs non solum à filiabus Ierusalem , sed à Virginibus Tyri expetitus , propter absolutissimum deco-

rem

rem , & honestatem meam . Filia Regum , in honore meo , me studiosissime requirunt : & nobilior christiani populi pars , quę puellis speciosissimis , & adolescentibus forma elegantissima pręditis constat , cū alto mundi contemptu , me secuta est . Non enim solum forma Dei , qua spiritus beati , animęquę gloriosę capiuntur , sed forma hominis , quam pro vobis assumpsi , dulcissima pulchritudine , corda casta suspendit , & omnem mundi gratiam contemptibilem facit . Si semel aspiceretis , filij , candorem purissimum corporis mei , quo vestri oculi corporei in ciuitate primogenita , delectandi sunt dicto citius , sperneretis omnem carnis venustatem , quę filijs huius sæculi , super diuitias , & honores , amabilis , suavis quę videtur . Omnia corda decor ille vultus mei , quem reginę cupierunt , emolliret , & vel vno oculorum meorum viscera vestra vulnerarem . Cogitate si valetis , Maiestatem meam , & staturam illam assimulatam palmę , quę eminet super choros Angelorum , dum filius hominis , speciosus forma , sedet à dextris Dei . Extollite corda in spectaculum illud , quod post labores , & sudores inæstimabili cū voluptate , visuri estis , vt lætemini , & satiæmini castissimis delitijs meis . Quid moramini , filij ? cur non curritis post me tracti ineffabili gratia , & suauitate mea ? Detestamini consortia  
filia-



filiarum Moab, & Sidoniarum connubia prohibita vitate, diligite serenitatem Cœli, & formam meam candidissimam, & splendidissimam, qua nihil dulcius, & delectabilius cogitari potest, seraphicis ardoribus amate. Et ego Cœlo serenior, & sole formosior, ero delitiosissima præda vestra.

*Cap. VI. De suauitate communicationis Christi.*

**S**VAVITAS conuersationis filij, charissimi; studiosissimè desiderari, & amari solet, & hæc ratio est, ob quam, homines quantumuis deformes, in magno pretio habentur. Trahunt enim dulcedine mirabili alios, dum loquuntur, et cum eis versantur, quod experientia notissimum est. Si ergo hæc est hominum conditio, quid est, quòd me, cuius conuersatio melle dulcior est, paucissimi filij Ade requirunt? Ego mitissimè recipio omnes venientes ad me: & à sæculo non est auditum, quòd aliquem mihi adhærere cupientem repellerem, vel importunitate molestarer. Ego cum infinita lenitate tracto, quos recepi, & illos benignissimè recreo. Ego dum loquor eis ad cor statuo procellas eorum in auram, & tristitiam omnem conuerto in intima, & purissima

ma gaudia mea . Diffusa est enim gratia in labijs meis , quorum melle , & lacte arida quocumque ossa rigantur , & penè mortua , lætissima viuificatione resurgunt . Ego fessis labore amicis meis pono læuā sub capite inclinato , & circumducta dextera amantissimè amplector illos , vt humiles , & pauperculos adstringam visceribus meis . Vtinam homines saperent , & intelligerent magnitudinem dulcedinis , quæ percipitur in secreta communicatione mea . Certè nollent amicos alios , vel consanguineos habere : sed toto corde suo , suspirarent ad me , omnisquè illorum sollicitudo esset , ne fortè proijcerem eos à formosissima facie , & dulcissima conuersatione mea . Interrogate filij , eos qui vel semel tantum mecum conuersati sunt in secreto meo ; & videbitis , quibus flammis ardeant , & quoties aspirent , ad prægustatam consolationem , cuius comparatione , omnia mundi delectamenta vilescunt . Vno enim verbo , soleo ego animarum perturbationem , inferno similem sedare ; vnoquè similiter verbo multorum annorum pressuras abundanter compenso . Vox dilecti viscera dilatat , & cælesti delectatione replèt . Iam ergo filij mei , respuite hominum communicationem , & Altissimi filio totis visceribus intentissimè vacate . Quærite lectulum Salomonis , & domum odoratam , cuius tigna sunt cedrina , & laquearia cypres-

cypressina: & spretis hominum oblectamentis, diligite me, & percipite, clauso cubiculo, purissimas delicias absconditæ amicitie meę.

*Cap. VII. De amore Christi erga homines.*

**T**ANTA est, filij charissimi, magnitudo amoris mei erga vos, vt hæc sola potens sit ad corda ferrea mollienda. In charitate perpetua dilexi vos, vsquè in finem, ita vt amor non posset vltra procedere. Dedi pro vobis, factus Redemptor, & frater vester, omnem substantiam domus meæ: & quasi nihil despexi eam, quando in ciuitate regia, & sacerdotali, operatus sum pretiosissimam salutem vestram. Beatus, qui intelligit diuitias charitatis meę, quia cognoscens se amore meo gratis præuentum, in lachrymas dilectionis resoluetur à fortitudine caloris mei. Dicite mihi filij, quantus amor fuit ille, qui me è sinu Clementissimi Patris mei, ad rusticitatem vestram descendere fecit, vt essem tanquàm malus dulcissimi fructus, inter acerba ligna sylvarum. Quis vnquam audiuit, talia, vt altissimus Dei filius, cuius aspectu sol obscuratur, & à cuius magnitudine Seraphim velant facies suas, fieret sacerdos hominum, secundum ordinem Melchi-

Melchisedech? Quis ab initio mundi cogitasset ardores æternos, quibus arserunt viscera misericordiæ Dei vestri, in quibus visitauit vos oriens ex alto? Usquequò non mitescent filij mei, infidelia corda vestra? Postulate quicquid honestum est, si amor meus, quem tot laboribus, & muneribus ostendi, non emollit animas vestras, quid enim negabitur vobis, pro quibus Unigenitus Dei filius homo, & amicus homo factus est? Quomodo obscuratum est aurum puri amoris mei, qui iam non inuenitur in terra, quam dedi filiis hominum, qui recesserunt à me? Fuerunt olim multi chori canentium canticum Regis Pacifici, & cupientium fortissimè adhærere mihi ligati funibus prioris charitatis meæ: Nunc verò, rarò valde, vnus è multis millibus requirit, vt par esset, formosissimam lucem, & suauissimam præsentiam meam. Ego vos deformes, abiectos, & ingratos amaui, & pro vobis sacrificauì dilectam animam meam: quare ergo, me decorum supra omnem mundi pulchritudinem, excelsissimum supra omnem mundi gloriam humanissimum supra omnem mundanorum Regum clementiam, non amatis? Conuertimini, saltem nunc ad me, & deposita cordis feritate, mitescite: vt amor, qui omnia vincit, pectora vestra hucusquè frigida, & obdurata, vita-

li co-

li calore duleissimi spiritus mei, & inestimabili  
delectatione commoueat.

*Cap. VIII. De amoris munere,  
quod est Beatissima  
Virgo.*

**D**V R I nimis estis Adæ filij, si filia Sion,  
& prudentissima Virgo, quæ genuit me,  
ad amorem meum, non inflamat pectora  
vestra. Quid enim non donavi vobis, quando  
speciosam sicut columbam, & formosam sicut  
Ierusalem constitui mitissimam Reginam, &  
matrem vestram? Candor ille purissimus, in  
quo lucet innocentia mea, quale saxum non  
emolliat? Aspicite Cœli dominam, rubentem  
super flores rosarum, candidamquæ super lilia  
conuallium, & admiramini pulchritudinem  
illam, quæ totius vrbs sanctæ corda delectat,  
& quasi fluminis impetus lætificat ciuitatem  
Dei. Et considerantes vos esse adoptatos in  
charissimos filios eius, ac dilectissimos fratres  
meos, amare ac desiderare me tandem incipi-  
te. An oculi illi misericordes, ad labores ve-  
stros semper conuersi, purissima castitate, &  
amoris suauitate præstantes, animas vestras  
non

non commoueat , & ad auctorem tanti boni non couertant ? Ascendite ad me per scalam istam dulcissimæ charitatis gradibus constructam : vt mihi per illam conciliemini . Considerate quantum apud Regem Salomonem gratia valeat niue candidior eius genitrix , quæ astitit à dextris eius in vestitu deaurato : & tam ineffabilem decorem , totis visceribus , medullisque diligite . Hæc est mater nostra , dicite , per quam accessum habemus ad primogenitum filium eius . Ascendamus in palmam , & colligamus suauissimum fructum , quo nutriamur , & exulemus à botris infinitæ consolationis eius . Odoramini filij mei , cinnamomum , & balsamum , cuius odore delectemini , & ad puros amoris mei affectus afficiamini , tracti catena dilectionis , è Regina Sion pulchritudine nascentis . Si tenerrimæ genitricis meæ forma capiamini , per eam similitudinem introducemini ad diuinum decorem meum , in cuius aspectu luminaria Cœli magna tenebescunt . Beati eritis filij , si filiam principis , per plateam Ierusalem , incessu graui gradientem , post quam multa millia Virginum lilia gestantium Regi afferuntur , contemplari , & amabilissima eius gratia trahi curetis . Ibi enim me tanquam in speculo purissimo lucentem videbitis : & ( quod à vobis posco ) charitatis .

ritatis meæ iaculis vulnerati amabitis, & ardebitis inextinguibili, ac dulcissimo incendio castissimi amoris mei.

*Cap. IX. De perfecto discipulo Christi.*

**I**LLE perfectus meus discipulus est, charissimi filij, qui abnegato proprio iudicio, nihil se scire existimans, mitissimo corde versatur in schola mea, audiens quid loquatur in ipso Dominus Deus, & certò confidens, quia loquetur pacem in plebem suam. Non disputat, nec speculatur; sed pro omni ratione fortissima, sufficit ei voluntas mea, in cuius executione, disciplina pacis posita est. Non ratiocinatur, nisi quod necessarium est, donec agnoscat quid velim ego: & statim redigit in captiuitatem intellectum, omnem sapientiam suam constituens in simplici adimplerione dulcissimi mandati mei. Sic ego, amore infinito, protego eum, & per terram desertam deduco, quemadmodum deduxi, sicut ouem Ioseph. Nequè desiderari potest maior prudentia in homine, qui ignorat an odio vel amore dignus sit, & nescit finem suum; quàm humiliter audire me, nequè rationem mandatorum meorum requirere, sed fide-lissimè obediētia obtemperare mihi. Ego enim

erudio casta , & humilia corda , tanquàm singulorum pedagogus . Constituit quippe me clementissimus Pater meus. dominum domus suæ : vt erudirem non solùm principes terræ , sicut memetipsum , verumetiam vt iuuenes , & senes eius , pauperes , & abiectos eius prudentiam docerem . Beatus, cuius Deus adiutor , & magister est : iactabit enim pondus suum in eum , & confidet , quasi leo , ac viam mandatorum meorum , pace multa , percurrat . Abijcite ergo filij doctrinās hominum , quæ ad eternitatem non proficiunt : & instructionem meam toto corde percipite . Vacate , & videte , quàm suavis sit dilectio , & sapientia mea : & ad prudentiam iustorum discendam , furtiuis horis , vos mundo subtrahite , eiusquè negotiatores , pia fictione seducite . Ego veniam citò , rationem ponere cùm seruis meis : & sedebo confians , & emundans argentum , purgaboquè filios Levi , quorum hereditas , studium æterni , ac summi boni , & melle dulcior dilectio est . Præcingite lumbos purissima castitate , & lucernas accensas cordis vigilia tenentes, estote parati occurrere mihi : & recipietis coronas candidissimæ luce splendentes , vt inter principes terræ viuentium honoremmini , sedebitis mecum ad lautissimam , & dulcissimis epulis instru-

O

etiam



## EPISTOLA

PROVERO AC PV-

RO DEI AMORE

IMPETRANDO.

PACIFICO REGI  
*cordium IESV CHRI-*  
*STO exul homo. S.*



MITISSIME, & aman-  
 tissime IESV CHRI-  
 STE, qui cordium re-  
 gnum, factus homo com-  
 parasti non ferro, sed  
 ligno. Scio quid à me  
 iure strictissimo requiras  
 per legem immacula-  
 tam, & conuertentem

animas, propriam noui, & æterni testamenti  
 tui. Postulas enim primo, ac dulcissimo man-  
 dato legis tuæ, vt diligam te, ex toto corde,  
 tota mente, tota anima, et tota fortitudine  
 mea; omnes quippè vires meæ debentur infi-

O 2

nitæ

nitæ bonitati, & decori tuo. Bene est, o fili Dei Altissimi, vt vinculis charitatis, & funiculis Adam, velis astringere me creaturam tuam, inter filios alienos, tuis inspirationibus tam saepe rebellem. Nunc autem magni mandati tui desiderio ductus, & cordis mei ad peregrinas voluptates inclinati fragilitatem, cognoscens, prosterno me tibi in Ecclesia tua, & pulso magnam misericordiam tuam; vt hyssopo aspersus, mundus, & super niuem dealbatus, charitatis gressibus; & brachijs sequar, & amplectar te. Recordare, dulcissime fili Dei, cui suspirant viscera mea, me vnum esse de parvulis, qui ducti sunt in captiuitatem, ante faciem tribulantis, & te Redemptorem esse, cuius est soluere compeditos. Oro igitur, o mansuetissime; solue me. De profundis cordis mei ob benignissime clamo ad te, vt hominem de immundo conceptum semine, mundum facias: hec sinas in amoris causa seduci, & pro summo decore tuo, mundi decorem apparentem affectare. Sollicitum cor meum, tibi soli pateat conditori suo: & tu, qui solus es omne bonum, expleas omnes sinus eius, & in æternum domineris illi. Animaduerto, o fili Dei formosissime, presenti, & fallaci carnis gratia, vehementer affici parum castos sensus meos; & ad amabilissimam formam tuam, quod absens sit, lentè nimis aspirare, ardentissimè igitur obse-

obsecro te suauissime Deus, per cor fidelissimum intemeratæ matris tuæ, vt auferas à me amorem vanissimum corporeæ pulchritudinis, & me totum transferas ad purissimum amorem, decoris tui. O serenissime candor cordis mei, ne proijcias me à facie tua: & à fallaci creaturæ gratia, vt pupillam oculi custodi me. Sordeat mihi, rogo te, figura mundi, quæ præterit, & post immortalem pulchritudinem tuam, in odorem vnguentorum tuorum, trahe me. Illabere, precor te, in penetralia cordis mei: & imprime mihi seruo tuo dulcissimam, atquæ lætissimam formam tuam. O pulchritudo maiestate plena, quæ amorem immensum in corda tibi patentia infundis, tantummodo in ista voce exaudi me. Ne patiaris, o suauissime, sponse animæ meæ, cor meum, quod non valet inuenire pascua sua, æterna fame torqueri: sed dum in exilio versor; doce me viam rectam, quæ perducatur in optatissimam requiem formæ tuæ, vt pascar dulcissimo pastu præsentiae tuæ. Auerte oculos meos, ne videant vanitatem filiarum Madian, quæ me diuertunt à perpetua recordatione formosissimi vultus tui; cui filię Sion purpura vestitę consecrarunt præcordia sua: & redime me à calumnijs, & fraudibus filiorum Adæ, qui verum Deum meum, cum dijs alienis tristi mercatura commutant. Tu solus ductor meus, & custos cordis mei

sis : vt exardescam siti solius bonitatis , & decoris tui , & fortiter repellam quicquid obstat syncerissimo amorì tuo . Illustra faciem tuam super cor anxium serui tui : vt capiatur specie tua , & pulchritudine tua , quam corda casta requirunt . Ne repellas , Altissime Deus cordis mei , animam meam satagentem , & acutissimis gemitibus , cælos tuos penetrare conantem : ne fortè , virtute eius deficiente , fœdus ineat cum Chaldæis , & obliuiscatur dulcissimam Ierusalem , quam requiro . O vitalissima fortitudo animæ meæ , ne contemnas cupientem adhærere tibi , & amoris æterni tui facibus inflammari : & immolabo tibi primogenita suspiria mea , & adhæsura tibi semper viscera mea . Accelera , precor te , o pretiosissima hereditas , & præda mea , & sensus meos visco carnis impeditos erue citò de luto fœcis : vt impollutis affectibus exquirant te melle dulciorem pastum suum , & expectatissimam consolationem suam . Libera me iam de sanguinibus , amabilissime Deus salutis meæ , & spiritum rectum , & castum puri amoris tui , innotua in visceribus meis : vt flante hoc austro tuo creer , & renouetur facies aridæ terræ meæ . O sapientia , quæ ex ore Altissimi prodijsti , cuius inæstimabili suauitate dura corda liquefcunt : influe , oro te , in sicca nimis ossa mea , & liquefac intimas , & tibi soli notas medullas meas .

Per

Per amoris fœdera , quæ fidelissimè seruas , nobilissime Rex Sion , montis sancti tui , obsecro te , fac me seruum emptitium , aut bello captum tenerrimi cordis tui: vt perenniter seruiam tibi, & libera seruitute dilectionis, requiram infinitam bonitatem , & serenissimam faciem tuam . Tibi dixit cor meum : exquisiuit te facies mea , faciem tuam Domine requiram . Quocirca , rogo te, o speciosissime forma præ filijs hominum , numeres me in generatione casta quærentium Deum , quærentium faciem splendissimam Dei Iacob. Vre , tibi supplico, ò amantissime fili Dei , renes meos, & cor meum igne tuo, & repurga à fœcibus animã meã: vt sine consorte vilo, possideas lacte ablutam prædam tuam . Curre velociter , o hinnule ceruorum, & expetita valde salus mea: & eripe me de manu filiorum alienorum, à studio diuini amoris tui alienare quærentium animã meam: & fac , vt in concilio iustorum , & congregatione, reddam tibi primitias cordis mei. Inclina cor meum præsentie tue cupidissimum in desiderabilia super aurum, & examinata sicut argentum, ac dulciora super mel, & fauum testimonia tua , & fac me diligere amore prægnantem, & immaculatam legem dulcissimæ charitatis tuæ . Perfla hortum meum , cuius flores languent , spiritu vitali tuo: vt fluant aromata illius , præ subitanea liquefactione,

suauissimæ dilectionis tuæ. Conuertere aliquantulum, ò purissimū speculum vultus mei, & fac mihi copiam voluptate plenæ præsentia tuæ: & in ara cordis mei, quæ fumat tibi ineamus, fœdus sempiternū honestissimæ, ac delectatione diuitis dexteræ tuæ. Emitte formosam valdè manū tuam de alto, vt sollicitet, amoris stimulo, viscera mea: & fac, vt exul fleam, & suspirē ad patriam meam, & redire curem ad te, optatissimā & pretiosissimā libertatem meam. Considera, oro te, o immensa opulentia mea, egestatem animæ meæ, modicam aquam pretio comparantis, & in deserto, vbi nō est charitatis habitatio; per loca horrida aberrantis: & refrigera linguam meam, ac deduc me in ciuitatem habitationis, quæ construitur æterna dilectione tua. Cesset iā o mansuetissime, indignatio tua, ad quam te prouocauit ingratitude mea: quiescat ira dulcissimi cordis tui, vbi nidum inuenire cupit hæc vaga columba animæ meæ: & vocabo te summam consolationem meam, & sponsum electissimum, cui reddam coniugale debitum cordis mei. Certior factus sum de fidelissimo erga me, amore tuo, V nigenite fili Dei: & ideo, non tam quæro, vt ames, quàm vt ardentissimè ameris à me ingrâtissimo seruo tuo, quem à dura captiuitate redemisti pretio magno nobilissimi sanguinis tui. Seda, precor, iam multis procellis passionum, & tentationum agitatum

ani-

animam meam , qui circundas mare terminis,  
ponisquè vectes, & ostia dicens: Hucusquè ve-  
nies , nec procedes ampliùs , & hic confringes  
tumentes fluctus tuos . Et per breuem {saltem  
requiem, omnibus viribus meis conuenientibus  
in vnum , validissimè amabo te suauissimum  
Deum meum, & è multis millibus electum a-  
micum meum. Faciamus iam pactum dilectio-  
nis permanfuræ, o fortissime: vt sicut charitate  
perpetua dilexisti, & attraxisti me, ita ego di-  
lectione perenni requiram, & attraham te infi-  
nitum decorem meum . Ingenera mihi celeri-  
ter, o amator inuictissimè, magnitudinem cor-  
dis amana, & amabilia omnia respicientis, pro-  
pter te: vt exultem, sicut gigas , ad currendam  
viam , donec requiescam in te. Arma me, o ro-  
bustissime , viribus amoris tui omnia ad se tra-  
hentis , & lapidea corda in corda carnea con-  
uertentis: vt fortis fiam fortitudine tua, & fiam  
misericors à teneritudine, & suauitate tua. Con-  
sta me, o sapientissime, quasi aurum, & scoriã  
veteris Adæ patris mei, consume igne sapien-  
tiæ tuæ: quæ mirabili mixtione pascit incen-  
dium tuum , flumine viuò, cum impetu decur-  
rente è penetralibus dulcissimi cordis tui . In-  
sculpe , o potentissime , duro nimis cordi meo,  
elegantissimam , & sereno Cælo simillimam  
præsentiam tuam , additis quoquè multis vul-  
neribus per iacula charitatis tuæ: & largo potu  
dulce-

# I N D E X

## M A T E R I A R V M,

### Q V A E C O N T I N E N T V R

#### I N H O C O P E R E, S I M V L

#### Q V E C A P I T V M.

### A



*A*ffectuum abnegationem hortatur Iesus Christus. p. 1. cap. 1. fol. 91.

*A*mbitionem honoris fugiendam monet. p. 1. cap. 17. 33

*A*micitiā hominum declinādam docet. p. 1. cap. 14. 28

*A*mor Dei quanti sit ponderis. p. 5. cap. 1. 192

*A*d Amorem Dei hortatur. p. 2. cap. 5. 55

*A*d Amorem proximi hortatur. p. 2. cap. 7. 59

*A*d Avaritiā odium hortatur. p. 1. cap. 18. 34

### C

*A*d **C**astitatem hortatur Iesus Christus p. 2. cap. 2. 62

*I*n Caelestem patriam frequenter suspirare homines monet. p. 4. cap. 22. 189

*C*hristi amor erga homines p. 5. cap. 7. 204

*C*hristi amoris munus, quod est Beatissima Virgo. p. 5. cap. 8. 206

*C*hristi communicationis suavis. p. 5. cap. 6. 202

*C*hri-



# I N D E X.

Christi liberalitas p. 5. cap. 4.	198
Christi nobilitas. p. 5. cap. 3.	196
Christi Pulchritudo. p. 5. cap. 5.	200
Christi sapientia p. 5. cap. 2.	194
Ad Communionem sacram hortatur. p. 3. cap. 9.	107
Compunctionem cordis monet. p. 1. cap. 24.	43
Ad Considerationem vitæ suæ hortatur Iesus Christus. p. 3. cap. 19.	128
Contemplationem diuinarum perfectionum monet. p. 3. cap. 20.	130
Ad Conversionem perfectam hortatur. p. 1. cap. 25. 45	
Ad Cordis custodiam hortatur. p. 4. cap. 11.	165

## D

Ad Desiderium summi boni hortatur Iesus Christus. p. 3. cap. 25	140
Ad Deum pro auxilio recurrere monet. p. 4. c. 18.	180
Dici primam partem orationi assignare hortatur. p. 2. cap. 5.	99
Ad Diligentiam hortatur. p. 2. cap. 19	80
Discipulus Christi perfectus. p. 5. cap. 9	208
Dignitates sæculi hortatur. p. 4. cap. 9	161

## E

Ad Etatem primam per veras virtutes Deo consecrandam monet Christus Iesus. p. 2. cap. 2	49
---	----

## F

Ad Fidei exercitiū hortatur Iesus Christus. c. 3 p. 2	(50)
Ad Fortitudinem hortatur. p. 2. cap. 15	73

## G

Ad Gloria magnitudinem ponderat Iesus Christus. p. 1. cap. 9	21
--	----

In nullo bono gloriandum esse ostendit	<a href="#">p. 3. ca. 2</a>	136
Ad Gratiā humiliter occultandā hortatur.	<a href="#">p. 3. c.</a>	
	22	134
Ad Gratiitudinem hortatur.	<a href="#">p. 2. cap. 14</a>	21
Gulæ vitium fugiendum docet.	<a href="#">p. 1. cap. 16</a>	31

H

Ad <b>H</b> militatē hortatur Iesus Christus.	<a href="#">p. 1. ca.</a>	65
---	---------------------------	----

I

Ad <b>I</b> arnationis misterij considerationē. bor-	<a href="#">tatur Iesus Christus. p. 4. cap. 13</a>	169
De Ingratitudine hominum	<a href="#">conqueritur. p. 1. cap. 6</a>	16
Ad Iniuriarum tolerantiam, & remissionē hortatur.	<a href="#">p. 3. cap. 11.</a>	111
Inspirationibus diuinis respondere monet.	<a href="#">p. 3. ca. 29</a>	3
Intentionis puritatē in bonis operibus monet.	<a href="#">p. 3. c. 3</a>	95
Iudicij timorem monet.	<a href="#">p. 1. cap. 22</a>	49
Ad Iustitiam hortatur.	<a href="#">p. 2. cap. 16</a>	75
Iustos ad palmam celeriter currere	<a href="#">docet. p. 1. c. 4</a>	141
Iustorum & impiorum discrimen	<a href="#">ostendit. p. 3. c. 16</a>	12

M

Ad <b>M</b> agistrum vitæ spiritualis quærendum	<a href="#">hortatur Iesus Christus. p. 3. cap. 15.</a>	119
Ad Magnanimitatē hortatur.	<a href="#">p. 2. cap. 20</a>	82
Ad Mansuetudinem hortatur.	<a href="#">p. 2. cap. 13</a>	67
Ad Misericordiæ officia	<a href="#">hortatur. p. 3. cap. 10.</a>	109
Mortem Iusti describit.	<a href="#">p. 3. cap. 17</a>	123
Mortem peccatoris describit.	<a href="#">p. 3. cap. 18</a>	125
Ad Mortificationem sensuum hortatur.	<a href="#">p. 1. c. 20</a>	37
Mortis memoriā monet.	<a href="#">p. 1. cap. 21</a>	39

<b>N</b> atura, & gratia motus diuersos docet Iesus	
Christus. <u>p. 3. cap. 13</u>	115
Negotiorum multitudinem <u>disuadet. p. 1. cap. 12</u>	25
Negotiosos homines admonet. <u>p. 4. cap. 10</u>	163

<b>Ad O</b> bedientiam hortatur Iesus Christus <u>p. 2. cap. 8.</u>	60
Obletamenta varia respuenda, docet. <u>p. 1. cap. 15</u>	30
Obluioni omnia tradere docet, vt sola Dei memoria	
<u>remaneat p. 4. cap. 1</u>	143
Oculos mentis, initio cursus, in aeternitatem esse diri-	
gendos, docet. <u>p. 1. cap. 8</u>	19
<b>Ad O</b> rationem hortatur. <u>p. 2. cap. 21</u>	84

<b>Ad P</b> acem cordis querendam hortatur Iesus	
Christus. <u>p. 3. cap. 21</u>	131
Parcum vite presentis vsum monet. <u>p. 1. cap. 11</u>	24
<b>Ad P</b> arentum, & consanguineorum odium hortatur.	
<u>p. 1. cap. 19</u>	36
Passionis suae imitationem suadet <u>p. 1. cap. 10</u>	22
<b>Ad P</b> atientiam hortatur. <u>p. 2. cap. 13</u>	69
Patientiam internae desolationis monet. <u>p. 3. cap. 12</u>	113
<b>Ad P</b> aupertatem hortatur. <u>p. 2. cap. 10</u>	64
Peccati fugam monet. <u>p. 1. cap. 23</u>	42
Peccato seruire, triste esse <u>ostendit. p. 4. cap. 16</u>	176
<b>Ad P</b> erseuerantiam hortatur. <u>p. 2. cap. 23</u>	86
<b>Ad P</b> enitentiam hortatur. <u>p. 2. cap. 6</u>	57
<b>Ad P</b> enitentiae sacramenti vsum hortatur. <u>p. 3. cap. 8.</u>	

Prædicatores monet. p. 4. cap. 20

184

R

R Ecursum ad Deum contra inconstantiam monet  
Christus Iesus. p. 3. cap. 7. 103Ad Redemptionis æstimationem hortatur. p. 4. cap. 14.

171

Ad Resignationem in Dei beneplacitum hortatur. p. 3  
cap. 4 97

S

S Aluari paucos, plurimosquæ damnari, ostendit  
Iesus Christus p. 4. cap. 17. 178

Ad Salutem omnes homines vocat. p. 1. cap. 1 9

Sapientiam veram in vitæ puritate, & virtutum  
cultu consistere, docet. p. 2. cap. 1 47

Sciendi curiositatem fugiendam monet. p. 1. cap. 1 327

Scripturæ sacræ studium, & amorem monet p. 3. cap.

14

117

Servire Deo suave esse ostendit. p. 4. cap. 18 173

Ad Silentium hortatur. p. 2. cap. 17 76

Solatia mundi non querere hortatur. p. 1. cap. 2 11Sollicitudinem in æternæ salutis opere monet p. 1. ca-  
pit 3 12

Ad Solitudinem amandam hortatur. p. 3. cap. 6 101

Ad Spem hortatur. p. 2. cap. 4 52

T

T Entatos instruit. p. 4. cap. 12 166

V

Ad V Erbum Dei audiendum monet Iesus Chri-  
stus p. 4. cap. 21 187Ad Verbum Dei aure cordis percipiendum horta-  
tur.

tur. p. 1. capit. 7.

18

Ad Virtutum custodiam, &amp; augmentum hortatur.

p. 2. cap. 23

89

Vitam omnibus quantumvis peccantibus offeri. p. 1.

capit. 5.

15

Vitam hanc docet esse Iustorum exilium. p. 3. cap. 24.

138

Z

Ad **Z**elum animarum hortatur. p. 3. cap. 19

182

Ad calcem operis fol. 211 extat Epistola Auctoris,  
 Pacifico Regi cordium Iesu Christo.

